

黃巖集



黃巖集卷之二十八目錄

詩內編

國朝二

柯凱十一首 王如旦一首 張泰十六首 牟夢奎一首

牟夢花一首 朱錦一首 張景山一首 鄭玉階六首

牟尹舒一首 施彬四首 牟墀一首 王者香四首

黃永清一首 金鷹揚二首 牟殿傳一首 韓修紘三十首

牟汝弼二首 牟汝霖二首 鄭光斗一首 蔡學洙二首

牟憲斌七首 周玉輝二首 牟景皋十二首 張平九首

於苞九一首 張應虞五首 王映青二首 牟左濬九首

於緝熙一首 梁苑六首 王映玉二首 張應彪七首

黃巖集 卷二十八 目錄

夏霖一首 夏雷一首 夏鼎二十首 夏雯三首

張藻十首 周省山五首 張基一首 牟式丹一首

鄔慕東十二首 王沛霖三首 陳錫庚一首 盧鏞三首

陳瑩十九首 李誠八首 應崑二十首 張颿八首

牟士掄一首 盧渠四首 牟德秀二首 張師周一首

朱聯二首 王增二首 葉春三一首 張英元十七首

張茂華七首 管頌聲一首

右共五十八人詩三百二十九首



黃巖集卷之二十八

詩內編六

國朝二

柯凱

字南軒廩生

天台曉望詩依李白韻

天台高萬八巍峩冠東越山際露浮烟林間見秋月策杖  
登華峰眼底豁溟渤水立蛟龍鬪雲垂鳥嶼沒鯨潮挾怒  
奔來往時倏忽對此真奇觀塵慮頓消歇還當覓金砂丹  
成換凡骨斯須來赤龍乘之上帝闕

館夜書愁

問字人稀至孤燈伴客愁  
牕虛風報夜漏澀雨鳴秋  
煨酒

黃巖集

卷二十八

詩內編

一

消殘夢裁詩憶舊遊  
此中誰共語過雁一聲幽

谿路

石潭初過雨谿路抱村長  
樹密晴猶溼林深午亦涼  
禽簧  
畱客住山杏傍人香  
杳杳農歌起居民鬧夕陽

憑高

樹色迎人老秋光住碧山  
誰家砧杵急是處客舟還  
飛鳥  
天邊沒孤雲嶺上閒  
欲題歸詠句石筍剝苔斑

白雲庵

寂歷諸天合神香柏子馨  
野禽朝入屋山猿夜窺櫺  
櫺月向  
前谿白煙從別島青  
上方鐘磬徹喚夢有誰醒

秋日映秀閣書感

永日思歸騁遠愁，瀟瀟山館不勝秋。  
誰家砧杵風中急，是處松濤雨外流。  
夢蝶有情飛北塞，談雞無語住南樓。  
早知盡入年光感，軍府空勞問楚囚。

過寶林禪院

台城山類

古刹深深松竹隈，鐘聲隱約出關來。  
猿從佛屋眠初穩，鳥傍禪門飛自迴。  
流水有情穿石出，寒花無賴笑人開。  
尋僧方欲低徊看，爭奈蕭條暮景催。

遊湖山寺

翠繞闌干碧繞堤，梵宮深立水雲西。  
無邊山色樓中見，一片湖光雨後齊。  
飛鳥掠煙投渚疾，遊魚聞嘒躍波低。  
勞生那得頻來此，回首斜陽馬亂嘶。

黃巖集

卷二十六

詩內編

二

山中莫春卽事

落花滿地是東風，寂寂春光處處同。  
越水蒼茫寒食裏，吳山隱約夕陽中。  
十年寶劍橫芳草，百里征帆掛斷虹。  
幾許閒愁麾不去，坐吟別賦似文通。

爲張松居題畫

黃犢當林別寺分，寒鴉斷處背斜曛。  
牧童橫笛吹將晚，踏破江村一徑雲。

同張松軒登台州山城

高城縹緲與雲連，極目平原水接天。  
繞樹雅聲啼不住，秋風吹入萬家煙。

養拙居詩草

王如旦 字長翰嘉慶戊午舉人

題周石坪詩

少年學詞章欲得江山助中歲抱幽憂經時廢清課垂示  
新詩篇令我慚嬾情君如佛已成早登獅子座揮手散瓊  
英啟唇落寶唾諷誦澄神思已勝親劑和我口如南箕空  
懸不可簸知君號謫仙鬼才嗤李賀

台詩三錄

張

秦 字玉鉞號芍田

寄題汪眉州丈分綠樓

繞垣多種竹萬翠滴寒露几淨不染塵門陰無別樹新詩  
誦復吟閒雲自來去寂寂人語稀爐烟時一吐

台詩近錄

陪孫席珍元戎遊岱石山和韻

郭西多奇峯靈異多盤錯中有石丈人鬚眉謝雕削吾儕

黃巖集

卷二十八

詩內編

三

麋鹿性於茲得所托其如困塵網終歲守蝸殼仲春天氣  
和小隊駐巖腳許我共追隨凌晨興先躍乍陟忘崎嶇稍  
前屢迴卻直欲捫星辰恨不控飛鶴鐘聲何處來迷悶忽  
如覺石櫃與天梯起伏形勢各最上境愈奇嵌空結蘭若  
其牖生煙雲其門羅嶂嶸樹杪瀑雷喧觀者俱錯愕紛紛  
怪石蹲森森鬼斧鑿迴顧所來徑蜿蜒如絙索一抹海山  
青萬里天宇廓才覺離塵囂歛似栖碧落拂蘚坐週遭更  
取峯霞酌醉耳酣笙簧餘歡寄林壑歸來記長篇摘詞愧  
精約

和孫田弟秋日登紫陽山

鄉國每入夢秋來增引領勞生如繫縲未遂蓴鱸請新詩

千里傳坐使落幽境想君恣登臨天風襲衣冷如見三折  
江片薦天露影如見十里湖一鏡月銜嶺茲山俯兩奇閉  
目猶可省何時權歸舟長夜燭同秉

台山懷舊集

七夕風雨甚烈作詩記之

壬午七夕風雨惡海濤東來肆威虐六合慘澹白晝昏九  
道陰陽相舛錯杜陵茅屋欲傾童僕走避猿鶴驚奔流  
會潮作巨浪檐溜盡作洪濤聲晚來風烈雨愈急拔木摧  
垣倒蛟室龜鼉得勢上地行百尺鯨魚向人立人言此日  
是佳期靈鵲填橋訴別離鈿盒金針遍萬戶明河不動雙  
星垂今年風雨忽異狀竊以人間度天上不知牛女會曾  
無空使騷人坐惆悵由來好事易折磨快意苦少愁思多

黃巖集

卷二十六

詩內編

四

澄江晚眺

蘆花不飛晚風定江水平鋪如練淨秋高天闊夜氣清爍  
爍疎鐙照明鏡鏡裏芙蓉四面低九螺含翠峯峯齊杖藜  
獨立思無限蕭蕭落葉打人衣

台詩近錄

乙亥歲杪自霞城至丹崖候潮

夜靜霜鐘急孤帆逐大風放舟殘雪裏小住落潮中水闊  
林鐙暗天昏人語通睡餘鄉思遠夢下海門東

靈江道中

莽莽靈江路孤踪極望遙亂雲飛遠嶂高樹入晴香岸曲

亦成字舟行但信潮無言對書劍慚爾共蕭條

石夫人

豈是巫山墮亭亭映碧波經年飽霜露終古老煙蘿月作粧臺鏡霞爲舞榭羅天風吹不去畱與伴婦娥

秋日遊九峯

出門才幾里到此頓心閑採藥捫蘿徑尋僧叩石關浮雲馳遠思流水澹愁顏隨意支筇杖行行未覺艱  
豈非同却  
路轉林逾密溪回山更幽白雲飛不盡黃葉落方遒  
堦影花中卧雷聲湖底收長松振寒響天半瀉驚流

南陔寓霞城以詩見懷奉和

不見吾兄有一秋歸鴻社燕動離愁人傳流寓來坡老我

黃巖集

卷二十八

詩內編

五

愧酌詩異子由望眼重遮江樹暗羈懷欲共海雲浮方山  
縹緲高無際幾度因君到上頭  
台山懷舊集

和南陔同雨郵遊茅菴韻

古寺春山筍蕨肥行穿石徑綠侵衣林中覓句衝煙去花  
底逃禪鬪茗歸夢裏雁鴻連復斷林邊泉石是還非何時  
得共追歡賞一醉江樓玉學飛

以江田橘遺南陔

不羨霜丸出洞庭江田新摘滿林星手香經夕驚還在夢  
渴兼旬頓覺醒愧少封題三百顆畧供薰習十分馨廻腸  
似共秋苞遠更爲詩癯論食經  
台詩近錄

移家丹崖偶成

先人遺業越江東，卜築猶存一畝宮。  
松菊漸期三徑滿，魚蝦差擬五湖同。  
遮門修竹圍清露，壓架蒼藤颯晚風。  
從此著書消白日，全家終老鹿門中。

春日借雨郵東歸卽和其韻

筍輿呀軋繞江濱，江上晴光映角巾。  
好鳥送行剛二月，青春作伴恰三人。  
登臨乍喜看如畫，踪跡渾憐轉似輪。  
同訪夢中歸去路，到家猶及煮香蓴。

辛樂清道中眺雁宕諸峯

峭石如僧抗手迎，仙源何處莽榛荆。  
山禽嘯罷孤猿和，獨立風前對晚晴。

台山懷舊集

牟夢奎

字次升號聚齋邑庠生

黃巖集

卷二十八

詩內編

六

書齋晚坐

靜坐心多妙，幽齋寄目存。  
雨餘花帶潤，林近鳥爭喧。  
小飲人微醉，濃雲景漸昏。  
垣衣故不掃，畱取綠陰繁。

梓里詩存

牟夢花

字仲觀號赫齋邑庠生

山居

居山久若忘對山，趣偏有歲月一堂書。  
身世一杯酒佳興，逐時新嘯歌常在口。  
古人如可作，毋乃綺園叟。

梓里詩存

朱錦

字曉山

和旭洲春暮借同人遊永甯山元韻

出郭已乘興，入山覺地僻。  
霧氣尚迷空，遙岑出寸碧。  
錯落秀蒼松，輪囷盤古柏。  
澗底瀉清流，青山傍簷額。  
隱約見雙

峰參天秀色劇浩歌酬白晝孤鐙對永夕興盡歸去來送

迤蒼翠隔

姜志豪

張景山

字國棟號松居諸生

新晴曉望

好景新晴後尤宜清曉間渚煙空木杪梅雨歇江灣紅上  
三竿日青來四面山吟眸隨處豁野興自閒閒丹崖碎玉

鄭玉階

字旭洲號晴江

惜春

鶯老花殘蝶意癡春光狼藉燕差池生憎楊柳絲千縷不  
縮東風住少時

檻外殘紅作陣飛關情況值雨霏微怪他杜宇偏多事一

黃巖集

卷二十八

詩內編

七

到春來便喚歸

過沈畧

花溪竹徑曲迴環籬落人家半掩關行過小橋風色暮夕

陽山外又青山

過十里舖

野鳥爭呼泥滑滑游人怕見柳青青斜陽一抆行如畫又

過梅關十里亭

西溪春日

春風裊裊午猶寒一尺游絲天際看燕子不來庭院靜一  
簾花影上欄干

郊行

江村節物近清明處簫聲送買餈最是鵝鳩無賴甚一時呼雨又呼晴丹崖碎玉

牟尹舒

字再容號邀齋諸生

廣嚴寺牡丹和韻

花入招提也自妍似無意識伴枯禪豔容綽約空三界香氣氤氳徹九天定向玉堂承雨露暫依金地飽雲烟諸公

施彬

字挹之號適亭著適亭稟

錢忠懿王銅塔歌

唐昭之季失其鹿羣雄睚眦相馳逐斗中王氣挺異人八都健卒雄天目誅劉滅董威武揚龍蟠虎踞國錢塘金券

黃巖集

卷二十八

詩內編

八

玉册球馬煥終始五代凡四王武穆裔孫曰忠懿光績舊物逾才智爰鳩巧匠鎔鉞金鍛鍊幾年成國器塔數八萬有四千塔高約堪八寸誌其重二十五兩奇其文懸鍼十九字內鑄以銅外金塗辟支古佛坐趺趺年鏤乙卯昭款識輝煌焦葉燦火珠憶昔雄據十三州厥金三品原坐收不惜黃金廣布施青白氣竭寶光流精光黯黯輝舍利文章片片揜琳瑯吳越之劍古稱絕此塔奇巧良應侔我聞泗鼎在昔沒深淵又聞雷公腰劍躍重泉神物由來造化忌六丁暗掣最難全試檢當時八萬數至今一二僅流傳寄語珍藏應什襲虹光夜夜星斗邊

和李香谷明府九日登樓元韻

王粲南樓感客愁江陵佳節獨登樓秀迎海國千峯迴聲  
捲寒雲萬樹秋菊盞自饒彭澤酒蕉窗閒話宋公遊蓴羹  
莫動金風興用濟於今仰楫舟 適亭豪

題太平林氏栗溪別墅

岫壑園林偶辟疆清流四面室中央支琴石借山雲潤洗  
硯池通礪水香架有奇書分虎觀門無俗客到鱸堂箇中  
詩思知無盡得句都應滿錦囊 姜志豪

和陳困輿見贈韻

暮雲擁岫失山青喚雨鳩聲鎮日聽便有醜醜醉不得淒  
燈孤客坐江亭 適亭豪

牟

壻 字孟苞號履丹歲貢生

黃巖集

卷二十八

詩內編

九

柏嘉山曉望

振衣直上巖巖頂攬勝真同罔冥遊雲樹千重山國曉練  
濤萬里海門秋頽教人世纖塵淨但覺乾坤一氣浮坐久  
不嫌涼襲袖瞳矓寒旭上峯頭 梓里詩存

王者香

字近佩號蘭皋諸生著覆醬吟寄生草

野望

倦客發幽眺林霏四面開雲分山色去鳥帶夕陽來酒盡  
鶯還勸詩成雨欲催歸途無限好笑我日徘徊

懷人

一別隔寒暑相思只贈言家歸楓葉徑人在菊花村夜雨  
悲雞肋秋風憶雁門不爲思遠醒興到便稱樽

秋日感懷

落拓自年年依畱何處邊  
蟬吟黃葉樹鳥度夕陽天  
折角中初墊排雲杖可穿  
倦遊心未愜猶自憶登仙

丹崖碎玉

西巖掃墓

野橋曲徑足音稀  
撲面和風催解衣  
春雨乍晴鳩婦喚  
山花半縱杜鵑飛  
千巖風氣蒸寒碧  
萬壑松聲滿翠微  
古墓纍纍隨處是  
白雲芳草伴斜暉

姜志豪

黃永清

戴家滙卽景

嵩巖側擁石崔巍  
野色還過古寺來  
卅里江從三面繞  
千家門對一帆開  
林端烟靄時參錯  
檻外波光互溯洄  
分得

黃巖集

卷二十八

詩內編

十

錢塘潮勢在兩餘猶聽走輕雷

姜志豪

金鷹揚

字君選號西溪歲貢生

登華頂

崑崙之脈來從天  
蜿蜒趨補東南偏  
靈氣團結聳奇柱  
台嶽上與星辰連  
高盤一萬八千丈  
遙瞻華蓋層雲巔  
眾山列翠爭環繞  
中央突兀如青蓮  
直上振衣踞絕頂  
乘雲御氣無塵緣  
舉頭四顧心目眩  
不知身在丹霄邊  
東望滄溟杳無極  
鯨波浴日光華鮮  
南瞻括蒼西婺嶺  
奇秀一一羅目前  
北眺錢塘更雄壯  
氣象何止收萬千  
此時眼界頓空闊  
離奇恍惚心悠然  
飄飄違世懷獨立  
何殊羽駕隨風旋  
探奇躡險力忘倦  
自笑平生幾屐穿  
應真隱顯混樵牧  
我

欲尋之成飛仙芒鞋竹杖從此始攬遍千巖萬壑之風烟  
耕墨雜鈔

贈王蘭皋

蒼波東流日西走張眼扶輿大如斗茫茫吾兄王蘭皋持  
作青天埽塵帚蘭皋意氣軼層雲世人交結徒紛紛鼠伏  
蛇行鷓鴣笑對君顏甲難為羣梨花釀熟鶯歌集飛觴飲  
若長鯨吸檣蒲十萬長喧歷擔石之儲安在哉戟髯如蝟  
露肝膽力搏猛獸當者摧豺虎爪牙逞橫恣從來視作犬  
羊類酒酣奮袂聊一擊却被人傳詫奇異自詡生平四事  
長揮拳飲博吟詩章與酣據案走健筆揮灑淋漓動盈帙  
驚濤噴薄舞蛟螭逸氣縱橫龍蝨嗜奇習俗驚仗俠鬼  
黃巖集

卷二十八

詩內編

十一

神疾長吟盡醉能傷神莫負純明素絲質大羅刹不可遊  
滄溟一粟等浮漚束身且在甕中坐安得散髮弄扁舟江  
風清山月明黃葉關徑無人聲酣歌醅酌知何處與君相  
將蓬萊去

蘭忻集

牟殿傳 字季蛟號朗軒諸生

題雙鳥圖

雙鳥不知名聯翩入深谷尾長無比倫遠睇送橫目情與  
密林親跡隨流水逐交飛意自閒遐舉脫塵俗布穀解催  
耕桑扈貪啄粟何如慕幽棲於止知擇木羽毛豈不豐恐  
受樊籠辱逸客每靜觀逍遙自捫腹賦詩有餘興丹青畱  
尺幅 梓里詩存

韓脩紘字元同著山天樓詩集青汗堂詩史續集

巾子山紫陽精舍用黃潤川韻

青山猶古歡高峯想岸幘紫陽亦已往弔古企眞跡精舍  
兩三楹神采逾金碧光無事舍利幻不假鳧舄獨令千載  
後寒候思不釋巾峰雙插漢郡人所見嶧勝地如誅茅軒  
牖醫公闢座設三台下統垂一線脈牽復絕標榜間途曲  
誘掖未學改虛無蹈道樂眞積振鐸東南睡有倫更有脊  
孝廟非閭主曾前宣室席胡然遵渚鴻行吟瀟湘澤三江  
風浪深幾年凡再適都緣汝汝俗不耐皎皎白取則近柯  
斧遺光及泉石緬懷絃歌聲頓忘陳蔡厄迄今崇師道論  
世不以百湖厥寘逐由罔兩猶睽暘塔影送飛翠春風生  
黃巖集 卷二八 詩內編 三

燕麥俯瞰大江流仰爲此座惜西歸聞好音咏歌同無斃  
山天樓集

朝菌

朝菌當戶生憫然不畏日俯仰人間世懷文兼抱質鑿無  
歲寒姿亦落空山實自顧彭殤齊分將生死一霜雪安所  
慕控搏徒百出無庸爭晦朔頽然寄始卒舜華與蜉蝣後  
世亦有述

鳳仙

仙乎爲誰來鳳德衰猶未雖乏凌雲姿飄然有逸氣芳菲  
不自負受知希者貴俯仰今何時秋風腓百卉中林卻曲  
行傷足亦可畏

海棠

吾友豔無香嫣然以韻勝餐霞得其腴泣露天常定黃雀  
妬檀心金風解三醒主人朝擁籌爲爾鬪花徑珍重惜晚  
節暮蟬不可聽

秋蘭

堂下羅生者蘼蕪秋谷蘭漸覺衰草短不知清露寒美人  
卻歛素垂手紅闌干紉佩親恐褻同臭况摧殘循陔弔清  
影寂寞愁絕端

愁霖行

孱金出庚木商化風雨陰霾無晨夜長鯨怒發赤岸頽壯  
夫力挽天河瀉武林白馬迴萬弩大樹將軍避三舍杞人

黃巖集

卷二十一

詩內編

三

隅坐東南天憂讒畏譏無多暇西廊破瓦不覺飛東壁頽  
垣屹欲卸切堂清漲鬪盤渦鳥次水周歷長夏雲雷交感  
草昧生晦冥何物得時駕深山大澤龍蛇夥求信豈合無  
憑藉默容鎮定靜者幾致遠持危絕假借梁甫吟成破壁  
飛東山衡岳風盡下

泛海圖歌

東溟桃浪恬春波扶桑倒影金叵羅輕帆一片麗遲日水  
如結綠山如螺越岸甌林逸千里鮫涎雲氣超消磨壺嶠  
方員胥顧指叢分宇立非揣摩噫吁三福舊想像吹舟幻  
景喧傳說文成矯誣玉利譎徐生不返借僮儼介士負俗  
蹇高蹈神鞭轉石流血麼從茲海童擅魁窟馬街龍螭腥

盤窩陸綏圖形木華賦鬼車市虎紛詒說秋巖居士潮海  
客天輪地軸手挽按飛猱雕虎獸搏接埋豐奇氣韜龍阿  
釣鼈虹竿來高閣視收聽返來天和回首焦原猶捷足小  
山事業聯秋艇三吳二越瞬往返心亨坎習無顛謬沙明  
水淨莫震悚祥颯細不驚塵蘿負穢臨深諸髣髴翻盡一  
切白與窠指授龍眠傳墨妙秃筆淨掃天霄魔心領神會  
意匠出歸墟一葉浮清過本來面目澹寫照鬚眉脫畧類  
無渦百川雄長師善下挾舟盛氣羞蛟鼉顧兔翔陽朗霄  
際然犀察察除前苛扣虺否恃逐夸杖送歸何意揮陽戈  
大貝隨珠百不羨珊瑚尋丈安枝柯遠水無波山無皺槩  
與之虛而透迤長康不敢限邱壑盤澗之外彌寬邁按圖

黃巖集

卷二十六

詩內編

十四

印心證躋現逍遙秋水親吟哦夢花椽筆微默綴鏗金戛  
玉正而葩直抒所見渾迹象欲凌鮑謝無陰何培風下視  
萬精衛揮桐目送雙鴛鴦古倫老生窺海曲壯思若昔空  
皤皤霸亭落魄睨飛將南朔岫強猶老佗幾年船舫歲將  
晏自顧浸遠曳落河枵然石瓠志向若哈爾斷榦空巽穰  
問君暮林阻關塞泛不相值萍憐查聞聲弔影暗摸索見  
悅殊眾擬橐駝惠然示我詩畫帙笑開風檄祛沈疴唾壺  
斫碎火光迸字一擊節漁陽過俯慚汀盜泥鱗船齧齧歲  
種東陵瓜淹畱井谷射孤鮒困守野艇堆青蓑偉君見大  
宅心泰惡風白浪忘傾頗自古險夷信一轍危安倚伏曷  
常科造化小兒愛嬉戲坳堂杯水翻潢汙踈跂一芥狃私

智謬立崖岸夸英多甯知井觀天一線南北易位東西差  
曠覽新圖竊自哂滄桑何者真吾家斷足立極偶然事山  
梁嗅雉珠藏荷舉碁置器盡非喻大風拔木終歸禾望洋  
動色乘桴喜兩無定局空摩挲赤岸朱崖近清淺浮霞醉  
日從酣醜綠煙雲錦盡旖旎鴟夷爲我遲歸舸鴟夷爲我  
遲歸舸雲龍追隨尙無他

青汗堂續集

湖池心齋雪影湘竹扇

正爲於廿題黃興春福齋六

金陵老生好奇士醉墨淋漓潑豪紙生憎毛穎不中書投  
筆甯馨獨染指不圖春江花月夜不寫板橋秋煙水鳳凰  
臺上避趨炎鸚鵡洲前厭熱耳澄江六月尙淒風木偕金  
行蔑少徵武陵妙製湘竹扇粉白鴉黃精莫比清氣大來  
黃巖集

卷二十八

詩內編

五

生盡寒漠漠同雲箇中起想見雪花如席時鹽撒雪飛千  
萬里松篁迷失東西灑山色模糊大小米零落乾坤一草  
亭間誰醉引烏皮几放開白眼看何時蕉影倚風日如燬  
五德之王本有期不寒而慄今若此世間尤物有主人持  
贈畸人泗源氏炎涼自昔互爲根牝牡驪黃明者鄙滕六  
爾來爲阿誰幹旋造化仗吾子指示夏蟲不用疑兩袖清  
風還太始

山天樓詩集

九日遊第二洞天戲作青童君謠

霓衣風馬青童君竭來高卧俱依依雲洞天第二滄江瀆藤  
蘿寫蔓青無垠玉書金簡清絕塵七籤靈寶龍鸞文九皋  
霜鶴秋不羣晴空委羽飄紛紜霜天寂寂清喚聞金猊檀

蒸朝氤氲法筵道帙三皇墳荷衣芟製揚秋雯禹步踏斗  
禮閭閻蒼精含景昭大昕元元雲初孫黃河滴派源崑崙  
正陽嗽齒晨霞溫交梨不剪枝連根盈拳火棗楨如珊瑚  
鱗魚鳳滿覆益山花醉舞迷乾坤扶桑東枝失朝嗽瑤池  
青鳥鶉犇犇蓬萊水作清淺痕長鯨跋浪連天渾投壺帝  
女如雲屯大笑欲駭聲敦敦燭龍啣景窺寒門叫通閭闔  
開九闔芙蓉手把朝至尊

姜志橐

### 朱赤谷畫雕行

浣花草堂秋次寥淋漓潑墨行早雕鷲鳥累百疑不若一  
士鶉鴉凌青霄絕倫超羣舉無上攫身直與雲天鏖此時  
西風寒海水羊角扶搖九萬里中原壞木老無枝適從何

黃巖集

卷二十八

詩內編

去

來遽集此朱君鶴突疑有神老拳巨額寫清真却立婆娑  
盡生意橫秋霜氣誰能馴黑鷹從此人間有鈎距星眸寒  
不朽嗚呼俊才用有時草淺兔肥亦已久回雁高峯陣影  
橫嗚鳥落日黃雲城胡不乘時奮羽翰上震九天鶴一聲  
指示雄圖傷壞坎衆莩獨枯能無感墓門梅影月昏黃坐  
鎮中庭破鴉膽

### 山天樓隨筆

塔影闌窗入雲峯四望連神州懸日月高閣俯山天采秀  
尋終古傳薪得大年微窺松柏意不假養生篇

### 烏鵲

乾鵲爲誰噪林鳥向我嗚倉皇三市恨一枝棲遲日

西歸遠浮雲北望低太真遺袂在春草晚萋萋

七夕

天女烏能巧先期難渡河徒爲擅黼黻亦自畏風波經世文章罕程材資格多年年下士乞盡與待如何

絕險天常設神交澹始長千秋憐契濶一水互滄桑借問蓬萊淺幾成烏鵲梁蜉蝣溘涌上朝夕賦褻裳

太邑西樓口占

虛室自生白高樓獨見天過屠恣大嚼小酌坐烹鮮珥筆隨巖武抽毫命仲宣莫矜鸚鵡慧孤負主人賢

山天樓詩集

偶成

大道形而上師資近有餘不彫松節勁易長竹心虛樹蔚

黃巖集

卷二十六

詩內編

七

羣栖鳥塘陰多聚魚好營生白室長與谷神居

青汗堂續集

和應玉山瓶花

三十首錄二

西海幽光滿東風洛里枝花前障扇日湖上語鶯時有恨

伊誰見無因得再窺蒼梧舊木葉空憶吹參差

鸞鏡追晨照金爐溯夕熏此時共明月何地任香雲拾翠

凌波襪畱仙薄霧裙愁余日渺渺獨醒有餘醺

梓里詩存

和耕墨拙園近草

賈生悲鵬鳥張令羨鷓鴣萬智皆吹劍羣疑盡覆蕉中之能正器僕者善承蠲各足無相慕間間且緯蕭

蘭忻集

王少尹養拙軒落成

傲吏承迎拙閱曹部署清開軒消暇日養拙澹榮名小檝

低雲礙幽苾倦眼明江城春照月猶憶李延平

姜志豪

釣魚嶺

高嶺江心見虹竿天半垂水清鼇不餌釣直罾空綠嚴灘  
客星隱磻溪璜影遲陽鱗善迎吸必史否前知

拗嶺

巖巒未百步九折峭成蹊轉索斜飛鳥崩崖中斷蜺經湍  
頽壤落先雨谷風淒步驟知非貴高門候杖藜

長席嶺

謝公厭海月掛席委山椒林溼江吹霧風腥雨帶潮漾絲  
朝不捲函丈潮重遙未暖亭皋坐愁薪卧卽焦

重五日酬池心齋

黃巖集

卷二十八

詩內編

七

宿雨榴花暈曉朱引年瀟灑薦清娛漢纓已請何須縷月  
窟曾探不用符服艾人應投臭味沐蘭天與淨肌膚休嫌  
藿食虛佳節竟陸盈盤入眼無

冬夜遣懷

興觀羣怨三百首險阻艱難十九年瞬登不惑更過二辨  
之弗明空已千淒迷夜火暗冬燧啣嘈倦耳號秋蟬駐顏  
大藥安所望前車及見養生篇

青汗堂續集

新歲感懷

時不我與歲改矣此此者接壤與居賀客填門實  
逼處此未免有二仲不來之感而春風唳鳥亦聊  
以苦吟相慰藉也

寥落空庭石髮多，撐開白眼看如何。知時好雨浮陳轄，出谷新鶯避翟羅。不慣餽糟從正則，徒爲善飯笑廉頗。春風可似曾相識，謬託知音一放歌。

黑大夫暑扇三十韻

天險設南服，雄藩寄近臣。版圖煙水闊，誥勅墨花新。干鏃原開冶，滄浪想振鱗。碎崖顧羽急，沙塞射雕頻。牙爪驚祈父，蟬貂動紫宸。孫吳期不負，管樂望爲倫。專閫憑三晉，當關俯八閩。辨材高豫圃，試劍繞平津。豹變循江滸，鵬搏漸海濱。投醪羣賈勇，挾纊共知仁。大樹虬龍偃，中孚鮫鱷馴。廉君宜將趙，河內願畱恂。坦易師羊祜，雍容仰祭遵。潘輿承愛日，萊綵慶良辰。思樂魯侯喜，長言穎叔純。嚴公方鎮

黃巖集

卷二十八

詩內編

五

蜀杜客遽辭秦，自審才非孺。猶能榻下陳，七賢慚未逮。八及謬相親，顛倒衣裳子。東西南北人，詎嫌髮種種。俛誨趾振振，楚坐甯無醜。醜庾樓迴絕，塵晞陽潛入。夏扇澤尙如春，綏帶薰初至。重關興易申，密雲憂道困。時雨慮膏屯，輟食恆彈鋏。囊錐獨醉醅，風從固以類。器使乃能神，量假吹噓力。粗全爛漫真，汪洋資叔度。滅沒詫方軟，幸顧周郎曲。誰懷張令萼，芳洲鸚鵡賦。可否用娛賓。

題睡美人圖二首

春嬌睡不足，趺坐斂清波。只此已傾國，一顧當奈何。鬱陶坐思君，遲暮良足患。頗謂人間世，無足當一盼。

南塘雜興二首

白袷紫羅襦穿蒲雙鯉魚家世本南海多應水月居  
握髮語鄰姊同舟事不諧鷺鷥雙比翼扇墮儂金釵

古意

桂葉新眉勾漏砂小桃膩雨漲紅霞朱欄十二釵雛滿認  
是西泠蘇小家

海棠秋意四首

靡顏膩理煞情多睇眄光生奈爾何一點檀心嬌欲吐木  
蘭人怨采菱歌

繡草紅鴉映玉沙瑤姬沈醉墮明霞綠衣倒掛扶桑鳥莫  
遣飛歸阿母家

學舞人間金縷衣朦朧倦眼日熹微遙憐隔水菱花照不  
黃巖集

卷二十八

詩內編

子

放開簾燕子歸

憐取長條復短條玉盤依倚共魂銷五更風雨雞聲遠夢  
斷紅欄四百橋

晚望北園

秋畦老圃換霜容橘柚雲深山萬重但使園林常五色不  
須惆悵故侯封

讀杜集寫意

聶合當時亦簡賢耒陽牛酒到今傳澄江無限東風雨杜  
老未能名一錢

山天樓詩集

玉階怨

玉階細雨鷓鴣鳴斑簾外春陰燕子閒南浦行雲朝不度隨

風直上望夫山

寂寞

寂寞南塘秋可憐蒼茫雲外望空煙西風一夜滄江曉吹

徹蘆花絮滿天

姜志豪

牟汝弼

字黈齋諸生著桑榆存稿

經華巖寺有感

卅年不到華巖寺此日重經意倍嗟殿上有蒿堪卧鹿門  
前無樹可棲鴉南樓久撤生公座丈室猶開舊日花尙幸  
山靈能識我雙峯未許白雲遮

陳渙村乞花以詩餞之

娛老名花幾樹紅無端離恨太恩恩人間何事堪惆悵第

黃巖集

卷二十八

詩內編

三

一明妃出漢宮

耕讀堂附

牟汝霖

號雨蒼嘉慶間歲貢

題翁石泉煉師後院

悟道期無我幽棲後院陰漱泉殘暑退枕石晚涼侵藥草  
饒生意蓮花比淨心翳塵都不染到處白雲深

雨蒼詩鈔

早秋聞雁

一雁飛過蘆荻洲清聲嘹唳忽驚秋寒衣欲著書難寄夜  
半無端動客愁

聞鐘破戒集

鄭光斗

字古愚

中秋

秋正平分月正中飄來雲外桂花風高凝玉宇香疑滿冷

透瓊樓露滴空孤館三更情易感關山千里夢難通良宵  
心事憑誰訴聊把新詩寄遠鴻

耕墨雜鈔

蔡學洙

字杏村

客樓不寐

背壁孤燈暗江風檻外颺片心千載上萬事五更頭雪爪  
撩孤夢鐘聲蕩曉愁也應催客起我却未交眸

春日醉起

杜陵酒債尋常負醉起芳朝笑幾回酒暈未消雙燕入爲  
誰歸去爲誰來

丹崖碎玉

牟憲斌

字筠圃廩生著筠圃稟

遊平坑

黃巖集

卷二十八

詩內編

三

杖尾染龍涎屐齒躡虎迹不知入山深斗覺青冥窄谷鳥  
噤舌吭巖泉響澗澗豈甘自崖返攀蘿上峭壁落翠時溼  
衣行雲或觸額屹嶠奇暢懷崦巍險動魄漸漸歷夷坦振  
衣向山脊反疑在平地奇峯四面碧自恨限足力得一遺  
千百長風天外來飄飄動襟幘乘之極遐遊蓬瀛在咫尺  
搔首問蒼天願假凌風翮

村塢寒梅

隔江曖曖遠人村竹籬茅舍靜不喧籬邊舍後多梅樹雪  
消烟霏花正繁策蹇尋芳興勃發寒香撲袂清入骨歸來  
疎影正橫斜林梢冷掛一鉤月

山行樵人指虎食人處

農人晝耕山下田猛虎飢伏岡上草狂風忽起塵沙昏虎  
飛攫人人猝倒鄰人爭集喧鳴金拾得殘骸葬幽林妻孥  
慟哭聲悲切天容慘澹日欲陰此田昔日日本林麓荆棘叢  
生狐兔宿手自誅鋤墾作田聊欲藝黍救枵腹豈知新秧  
未入土早已微軀飢豺虎老弱分作溝中瘠死者已矣生  
彌苦合家相對涕滂沱縣吏打門催升科

廣巖寺七夕

山門人靜坐林月澹懸鉤地僻不知夏蟲吟忽已秋輕颺  
生夜冷微露著身幽不寐耽清趣無心看女牛  
和解生初到靈石峯頂韻

冠山開丈室石徑氣長青海色清晨見江聲靜夜聽拂窗  
黃巖集

卷二十八

詩內編

三

簷竹秀薰帙谷蘭馨奇峭誰饒鑿應憑神鬼靈  
初冬入鄭監門

經山居

紅葉點遙岑澹烟斂斷壑何處急雨聲山菓風前落

屋上青山砌下流蓬茅長占此清幽鳥嘯簷樹柴扉掩滿  
地松花散不收

筠圃稟

周玉輝

字曉園號梧岡

清明限韻

濃桃豔李徧山溪好趁春風過竹西柳絮弄晴還舞蝶花  
枝當午不聞雞卞侯墓上松應老虛女村前草正齊別有  
多情憐介子杜鵑休向耳邊嘯

東震堂懷友

幾點鐘聲出戶遲僧房開處曉風吹坐當林雨初消後看  
到溪雲半起時白鷺忘機如導客青山放眼足供詩近來  
空色多無著一卷楞嚴問阿師

耕墨雜鈔

牟景皋

字賡颺號蘭畹諸生著賡颺集

次筠圃叔山徑晚步韻

高峯易夕陽山寺暮鐘早散步寺門前甯學苦吟島烟光  
帶孤村野徑風徐掃飛鳥倦投林山樵歸爭道我亦且言  
旋林梢月已皓

颺雲集

送周春江歸長興

送子萬松嶺嶺頭看子歸白雲下空際隔嶺手一揮伊人

黃巖集

卷二十八

詩內編

七

渺秋水鳥背明斜暉空山行跡少落葉林間飛

紀遊雜詩

磨厓中興碑歌

漫郎老居浯水湄磨厓曾勒中興碑高文大字尚可讀披  
苔拂蘚餘深思天寶往事那可問楊家姊妹同龍鰲羯兒  
竟爾踐御榻蜀道一去何當歸此時太子宜監國反旆而  
東乘其時靈武卽位繫眾望苟不帝制事孰爲羣才用命  
二京復遂令上皇還京師父堯子舜事兩得安居興慶無  
猜疑當時作頌表開闢二聖重歡甯寓規吁嗟乎唐家家  
法不善貽倏乃牽於婦寺私內嬖外寵共相結淒涼南內  
同囚羈前後功罪各參半定論自有青史垂舊臣卽事歸  
君善豈有揚頌存微詞老於文學雅自負欲賡清廟明堂

詩平原賢守感忠義縱橫大筆何淋漓涪翁何爲深痛惜  
摭取後惡翻刺譏高崖屹立垂久遠對此不覺長歎咨知  
人論世誠難爾溪流汨汨如傷悲

秋日晚步聽蟬

獨步空山下寒蟬晚送音低傳秋樹老靜度晚烟深曼響  
亂長笛殘聲急暮碓含情向餘碧明月照疎林

閒雲集

久客

久客傷飄泊春深轉寂寥羈愁江左月歸夢浙東潮竹影  
疎簾碎鶉聲孤枕遙美人在何許殘漏落清宵

姜志豪

經太湖

瀾淪春水望初平千里乘風快此行捲地濤翻胥種恨接

黃巖集

卷二十八

詩內編

五

天波撼越吳城中流萬壑飛花白遠浦孤帆著葉輕極目  
湖光天際盡家家燈火暮煙清

舟中偶作

長夏江村畫不如江流一曲繞村墟兩三野艇隨潮落四  
五人家傍桺居作客便知身似燕觀濠那解我非魚東南  
雲水蒼茫際極目鄉關醉裏餘

泊舟荻港有懷劉簡齋

長江浪險客愁初滿艇西風識面餘彈鋏生涯緣底事飄  
蓬心計竟何如曾聯短榻看飛劍共對青燈佐校書讀罷  
新詩倍惆悵胸中塊壘幾消除

錢塘送別

極目西陵岸盈盈隔一水天際白雲飛轉眼人千里

獨遊湖上

西冷橋下水如烟偶逐東風泛畫船惟有野鷗閒似我長  
隨孤櫂破湖天

武林竹枝詞

西湖柳綠春光明大船長逐小船行大姑停橈唱金縷小  
姑蕩槳聽黃鶯

樓上美人

羅裙翠袖碧生寒素質孤芳只自看縱有金樽對明月不  
堪垂淚獨憑欄

張平字六星

黃巖集

卷二十八

詩內編

五

古意

植木須植松歲寒不改容看花休看柳柔條不自有皎皎  
雲間鶴飛飛臨丹壑百舌嚙高枝樊籬愁飲啄高岡眇朝  
陽梧桐雙鳳凰

鷗搶旋控地鳶飛不戾天矧鮮雙飛翼苦憶迴腸煎杖藜  
倚孤石白雲起高屐雲飛不在山爲霖天地間念茲遠志  
草坐對開心顏

追哭應玉山二首

風高梧子落重憶醉疆園水解儵魚樂人忘市井喧徑荒  
三益友花醉四宜軒回首追前夢淒涼巫峽爓

淒淒秋雨夕奈此不平鳴雁斷橫天影蛩寒永夜聲無情

看飲泣有感屬浮生知己他生夢相思淚欲傾

十八夜舟中待月

悠悠羣水白杳杳數峯青河漢幾無色關山是處聽流光  
當此夕疇昔記揚舫風雨憐仙侶經過又客星

白塔寺

暮色下江洲行人春渡頭梵聲催一葦風勢急中流渺渺  
橫汾句依依七夕秋雲烟天際暝明月話歸舟

哭族叔經三

曉日鶯花思黯然東風吹折柳含烟從今莫話平生事一  
曲空山獨繭絃

落花和玉山韻

黃巖集

卷三十八

詩內編

三

和雨和煙捲絳幃東風狼籍暗香微想無人處簾垂地腸  
斷黃昏歸不歸

西江橘枝詞

菱花無藕又無蓮楊花成絮不成綿不如種出西江橋聽  
歌一曲好圓圓

飛逸樓詩存

於苞九

哭道舟姪

憶爾纔年少嗟予漸老夫如何見小阮翻與恨窮途少婦  
閨中怨遺孩膝下孤吾家恐衰落無語淚頻枯

耕墨雜鈔

張應虞

字秀遲號寶樹廷俊子諸生

秋日過四蓮池有懷李秋涵吳程之朱賓之許琴南

凌飛諸友時琴南已下世

丹桂秋吐芳人事遞年別竭來四蓮池香風迴幽絕野禽  
時一鳴池水涓以潔憶昔共文壇赤幟儼成列搜奇極蟻  
封鬪險入虎穴諸君盡鵬鷲濟濟號英傑慚子駑駘姿悵  
望空內熱窮達信有命修短難臆決回首曾幾時流光如  
電掣倚林獨徘徊愁聽寒蟬咽

天台早行

雨餘忻乍霽拂曙出天台路過赤城下雲從華頂來星埃  
空自擾懷抱一爲開好待秋風爽攜筇點碧苔

晚步東城有感

最愛東城日落時涼風輕颺柳絲飛來暮雨四三點望

黃巖集

卷二十八

詩內編

五

去野花一兩枝心遠不嫌居近圃籬圍仍有水通池絕憐  
小住成幽趣何事全家滯海湄

重過葛林園

葛嶺斜明落照餘扁舟重訪遠公廬到門老樹仍棲鶴繞  
砌清泉尙戲魚塵壁模糊遺筆在竹房寂寞夜燈虛泊鷗  
詩社何時續往事追維意惘如

司馬悔橋

橋畔曾畱隱士踪望邊雲樹鬱重重飛泉帶雨響逾急絕  
壁罩煙色倍濃漫悵塵勞何日已恰憐福地此間逢臨風  
無限低回意爭奈頽陽倏下春

同懷集

王映青

字載澳嘉慶辛酉拔貢

和擷秀軒元韻

疎狂雅與竹林期，別院風清日影遲。  
得意牀頭頻擊劍，消閒石上靜敲碁。  
幾多老樹秋深處，無限好山簾捲時。  
更愛黃昏籬下菊，澹隨明月漾金卮。

館中晚景

草色遙拖夕照餘，憑欄得傍水雲居。  
空江潮落帆飛處，人在橋頭看賣魚。

姜志稟

牟

澹字百峯嘉慶間舉人著耕讀堂詩鈔

題張松居秋荷

飭飭君子德，晚節弗蔽虧。  
亭亭君子花，零落倍見思。  
昔出清水天葩揚，奇姿灼若日已久。  
詎免金風欺，雖受金風

黃巖集

卷二十六

詩內編

无

欺貞心終不移，勁柄扶殘朵。  
騰葉互交持，佳實綴其下。  
餘香息息吹，頗似倦遊客。  
袒袪脫世羈，又疑大澤癘。  
帶索無光儀，卓哉松居丈。  
雅抱虎頭癡，流觀得高意。  
寫補楚人辭，持以贈新知。  
澹交如見之，我讀三歎息。  
恍披秋士帷，願言葆芳潔。  
指圖遠爲期。

題楊白巖上舍畫雪中芭蕉

青青蕉葉著雪敲，蕉畔略綴梅花枝。  
世間好景無其時，寫意惟有右丞維。  
詩中有畫畫中詩，凝神妙筆古難追。  
誰爲傳者意孳孳，心所欲到手斯隨。  
白巖居士超俗姿，愛畫人髓將成癡。  
終歲兀兀剡藤披，寄情象外忘端倪。  
倪欲把萬物重鑪錘，宗法况得前身師。  
酒後耳熱軒兩眉，興發欲作不

自持索紙爲子一揮之  
樛肝肺咸吐奇古牆一角蕉四  
坐六花忽被暄風吹觀者如山紛嘆咨寒暑倒顛理莫推  
擲筆但囑子母疑掀髯一笑神怡怡

磨崖中興碑歌

浯溪澹蕩春風吹野老示我中興碑劄皆剔莓尚髻髯筆  
畫嚴重涵瓌奇明皇不克守初政生靈呼號空流離九廟  
失守四海沸祿兒突騎屯京師幸有太子能監國承命登  
寶支傾危當時要在繫衆望卒光舊物功德垂恭迎上皇  
居興慶父子之間無嫌疑二聖重歡本事實遺臣願廣清  
廟詩丹陽子昔平原守忠義相感爲書之匡石天齊示萬  
古雄文大筆何淋漓涪翁作歌寓深痛毋乃撻取後事爲  
黃巖集

卷二十八

詩內編

三

漁陽老人不解事論古亦復雷同隨人臣有禮文有體豈  
有歌頌翻刺譏我爲斯碑重考辨放眼不受前人欺從此  
南天常照耀山高水長同無虧

望洋與

洋與何齒岸江干卓立雄自成獨者蜀不受大爲宮盤鬱  
浮佳氣孤高信烈風滄桑有時改萬古碧摩空

雨後望柏嘉山色

皋比數載託巖扉贏得多閒學息機佳興陡逢新霽發遙  
情已逐彩雲飛涼颺振木聲兼葉薄靄浮空潤逼幃此際  
詩腸苦根撥搔頭吟望倍依依

答人問家子風景

結網家家課女紅弄舟个个逞強雄潮生蛤暈時時驗市  
滿魚腥歲歲同面面屏山雲滅沒邨邨葭屋水西東我生  
慣作非非想昔思乘破浪風

戲咏海螵十六韻

外骨何曾數緣依上海巖旋纏綸額髻圓厲作頭銜處世  
泥塗慣防身甲冑嚴只因鮮食可難解老饕饒品豈輸鱗  
蟹珍應壓蛤蜊帚麾收傍岸箸裹趁歸帆販豎沿門問清  
明祭墓咸沸湯投不顧縮蠢慘非凡出釜防兒攫登盆倩  
婦盪折腰刀背擊斷尾鐵鉗劊最好調脂燻偏愁乾肉嵌  
猛呼脣必必輕捉手摻摻脫殼蛾同色空中烏不鷓叨陪  
宜酒醴益味借辛鹹近市觀甌早裁詩信口詎知君春滿

黃巖集

卷二十八

詩內編

三

腹草草寄荒緘

新晴漫興

徹夜蟲號曉氣清涼生枕簟夢難成白雲無限自來去不  
怪山人懶送迎

美人峰

定知一笑尙嫣然獨抱貞心歷歲年不比浣沙谿土見漫  
將傾國怨蟬娟

耕讀堂詩鈔

於緝熙字敬夫

堆山獨秀

一峯高頓勢崔嵬暮靄朝嵐翠作堆青黛澹憑新雨抹山  
花紅借夕陽開詩人合滿奚囊去遊客應携謝屐來我却

動爲捫膝坐捲簾相對引山杯耕墨雜鈔

梁苑字宗炳號樸溪嘉慶丁卯舉人著蚌鳴草

### 隕石歌

嘉慶十七歲壬申維時十月恰中旬日方過午煙雲掃多  
風多雨多纖塵似雷非雷聲號號不及掩耳驚四鄰瞻仰  
昊天何所有忽然怪石落海濱我邑下梁及下陸飛來四  
五何嶙峋形大於升小於斗入地尺許迹未湮外黑而青  
內自白更似鐵痕个个勻正從大造鑪中出氣熱如焚手  
難親古來天缺誰能補媧皇鍊石巧而神不知經歷幾萬  
劫當初五色相鮮新春秋宋隕數有五於茲復墜詎無因  
去歲此月鳴天鼓彗星似帚爛然陳今春噉噉鴻滿野五  
黃巖集

### 卷二十八

詩內編

三

百一斗米足珍小大市無半粒粟兇頑結黨如黃巾以強  
陵弱衆暴寡刀劍體體白於銀秋來疾病尸暴露千家九  
戶時吟呻摘柚成果花復發咄哉怪事何頻頻我朝定鼎  
百八載主皆聖主臣賢臣此中消息杳難測幾回搔首問  
蒼旻

### 和王松齡疊前韻

獨對寒燈夜愁腸孰洗之忽來天上曲竟是畫中詩月射  
蝦鬚箔風穿鹿眼籬最憐秋色老同客異鄉時

### 題張九畹看山草堂

別墅何年築開窗見好山烏嗁紅樹裏人醉白雲間掃砌  
畱苔古飛花點石斑相看真不厭日落照柴關

環山秋興

蘆山明月夜清興屬涼秋江上何人立松間獨我畱禽眠  
音寂寂蟲冷韻啾啾好是嫦娥意還來照白頭

九日至慈德寺小酌

廿年不到九龍山此日登臨興自閒隔嶺寺藏紅葉裏携

樽人坐白雲間新開別塢花手點巧引流泉竹幾灣忽聽

幽禽囁欲晚月痕初帶一鉤還

樵叟

寒林落葉乍飛飛樵叟蒼茫下翠微踏破白雲山色晚一

肩挑得夕陽歸

畦鳴草

王映玉

字章達號裴山己酉舉人從祀鄉賢

黃巖集

卷二十六

詩內編

三

遊委羽二律

風擅名山勝於今攝屐尋有緣來福地無俗便清心莫訝

風光寂時聞松竹音披襟凌石磴爽籟引長吟

欲領空明趣攜筇上翠岑亭空山色入洞古蘚痕深丹石

尙堪覓仙蹤何處尋惟餘松滿徑披拂助長吟

委羽山續志

張應彪

字芷儕號楚香廷俊次子邑諸生

立春後靜餘軒卽事

流光不可畱境過幻如夢瞥眼又新年往事成一闋春陽

雖已屆風寒未破凍庭梅自含香不待驛使送荒齋悄無

人獨坐似違眾吾且適吾適手自撥春甕忽聞風怒號飛

雪撲檐棟有客踏冰來忻然等求仲拇戰兵共塵勃勃興

難控兒童不知寒堦前競搏弄對雪欲畱題白戰思一中  
得失任天機毋爲外物動

清溪晚步見月

溪光忽已照松頂墮明月朧朧川上樹靡靡田中麥烟林  
飛鳥還野渡歸樵歇負手望前溪水渺欲卽微吟旅興  
長情境兩幽絕

食荔枝

丹橘踰淮化爲枳氣阻南北良難移况復果中推第一聞  
說已覺朵我頤天生尤物落遠嶠龍牙鳳爪環芟纒紅塵  
一騎妃子笑分甘誰許王侯知歛焉食指動措大蠻烟渺  
渺空相思蒼溪何意忽盈市不類白曬紅鹽施相看直欲  
傾橐買驟喜紫玉盈盤區恨不日噉三百顆頓令兩頰生  
華滋當日五里一墩十里置等閒豈易沾茅茨詎知海舶  
一帆駛瞬息千里如兒嬉色香味總無一變似向楓亭纔  
摘枝從今飽噉不須夢信如杜老東樓詩

登小圓山望海

渾渾大海茫無垠兩山突起環如門一帆直泊山之根攀  
蘿躡磴陵峻岫倚崑極目失厚坤萬里溟渤波濤掀神山  
明滅似可捫島嶼錯落雲吐吞樽桑曦鞭躍朝噉金光萬  
道翻金盆雄雞一聲天下晨乾端坤倪渺莫論浮槎直擬  
窮天津羣仙抗手爭相賓仰天大笑下層雲上界未必容  
疎頑蹒跚且復歸塵寰

海門大鐘行

海門浪息波初平有聲隔岸何鯨鱈臨風靜聽不知處山僧指示來江城城中有鐘鎮禪閣古色爛斑蒼蘚錯曾經龍伯邀借觀飛還不異延津躍我聞吳時得大鐘江流飄泊如沙艘奇文錯落世莫辨史游皇象嗟難逢得毋此鐘亦相類挈伴往觀相睥睨窺輒趨半茫昧永鎮禪窟何鼎貞時傳一杵驚天雞樽桑浴日晨光飛山僧聽慣不知異我來蘸筆聊畱題偶然興寄恣揮寫碧紗無事煩闍黎

書家書尾

欲將客况述伸紙又無言杜宇嗁清曉黃昏似小年旅懷時鬱勃家計更纏綿短燭餘紅燼支頤倍黯然

黃巖集

卷二十八

詩內編

五

海門卽目

斗大荒城踞水濱凭高遙望闊無垠帆檣遠接澎湖勝島嶼空連閩苑春莫謂地偏疎鑲鑰正需時泰扼關津試看上將平倭績野寺殘碑尙斬新

同懷集

夏

霖字均軒

七月初八夜渡鑑湖

轉蓬蹤迹感初平又駕扁舟一葉輕入夜雲容資月白得秋水色接天清芳蓮孰喻中心隱辛蓼難渝逐節情欲向天孫乞餘巧浮槎無自達銀泓

均軒稟

夏

雷字雨田

題春草堂詩鈔

草堂草正青鈔豪喜初成所向空今古其真得性情古人  
期有獲君子疾無名莫笑災梨棗吾家此百城春草堂詩  
附存

夏鼎

字文鑑號寶田歲貢生著春草堂詩鈔

題三友圖

警鶴生病能依我碧琅玕北風起變徵颯颯吹入寒衰草  
覺歲暮殘礎覺夜闌自非兩同心誰與共盤桓  
寶鑑三首  
處頭駭黑虱泥滓惜白沙君子慎所習獨處葆其華但穢  
盜泉水匪愛青門瓜

至清水無魚至察人無徒得失寸心辨牛馬任所呼醜莫  
賤無鹽姣莫豔子都

黃巖集

卷二十八

詩內編

三

相求爲同氣相應爲同聲草木雖無知各自有性情蓮亦  
愛茂叔菊亦愛淵明

靈芝引

青雀銜環下銅池仙胎無根生靈芝高山老人久不作耳  
目罕得近玩之蘭影草堂老居士愛花種得花成市朝朝  
暮暮醉花間那不與花同生死一莖紫玉羅菁英掩映花  
閒花亦驚再拜肅君登上座滿堂奕奕清風生一樹照人  
朗於電一葉盤空大於扇小枝駢麗嫩於旒大枝突起健  
於虬崩雲策策心如吐瘦蛟矯矯身如舞六朝金粉何足  
慕天生六尺菩提樹六尺樹高古鼎色紅帶春痕濃潑墨  
誰教剛健含婀娜天上神姿畫不得神姿自古絕塵埃飄

然玉立兩花臺滿堂相顧盡錯愕驚問君從何處來此君  
舊是銅池種涵德殿前奉眷寵一朝召入上清宮九霄聲  
價千鈞重上清天宮兩侍御左名銀蟾右玉兔玉樓金闕  
攜手行那不朝朝與暮暮太乙東皇左右顧汝何不向神  
州去手持玉玦兩分取他年會有相逢處臨歧分手各眷  
眷從此相思不相見芳草棲遲鸚鵡洲春風寂寞芙蓉殿  
甲寅之歲月仲春有客西來曲水濱輕挑野菜呼入市賣  
花肩上負斑麟相逢會值米生癘十五連城不敢惜豈知  
厥值祗區區想是淪落風塵客問君淪落幾經秋葆爾神  
明海上遊文鱗夜觸波爲雨紫蜃秋翔氣作樓可惜相逢  
不相識蟾耶兔耶疇與匹穿雲入海那可求千秋萬歲長

黃巖集

卷二十八

詩內編

三

相憶

風竹圖引題子虛山人畫卷

玉局仙人愛種竹五百年後畱竹屋靈山風雨四月來千  
竿萬竿生新綠子虛山人遊草亭欲坐不坐踏竹行忽濡  
新墨寫所見變態橫從十指生主人把卷看未遠回頭已  
失山人處繞竹遍呼呼無聲兒童報道先生去春煙一片  
起深碧山人去路杳無迹我聞山人耽僻性一生自愛竹  
如命風風雨雨極流連果然腕下流真天胸中成竹素秘  
惜王公求之不可得興來風雨會爭飛神龍戲海人不識  
人不識神龍去萬丈寒光畱尺素人耶竹耶雨不知一般  
領取圖中趣

石梁瀑布歌

天台山上白雲封，雲間飛起青芙蓉。石梁天矯健於虹，千秋橫絕鎖長空。一條飛瀑貫當中，五步一漱石十步一攀虬。暮鳥噪昔昔，朝鹿鳴呦呦。憶自飛身上赤城，石梁未到心先驚。昨夜聞聲魂脈脈，今日青天掛修白。我聞五百應真境，銅塔千年露花冷。幾時騎龍上太清，手挽天河向空傾。天河一瀉不肯住，直自青空落平地。胡僧大膽看龍戲，狂叫書空作怪字。忽然懸想出非非，此境雖奇猶未奇。會待我佛歸來時，喝令此水使倒飛。不然流向人間，何所之。

山醒睡語題辭并序

水成花石能言，柳變爲松，螺中有女，元化之所，胚胎天

黃巖集

卷二十八

詩內編

五

倪之所曼衍，學士大夫騷人逸客，往往自放其性情於山巔水湄，幽討冥搜之地，而不以隱僻爲嫌，不以瑣屑自廢。此亦有所寄託，非苟而已也。吾台僻處海上，風華秘奧，異於中州。三吾氏委和于此，僻情水竹，耽志圖史。鷄鳴風雨之夕，高山流水之志，訂同心于如蘭。暢高談于揮塵，因蒐羅軼事，采摭舊聞，一依實錄成編，非以空言立說，乃予嘗抽繹詞旨，若恒若怪，若近若遠，若隱若見，致有深意，何與夫談天之家，揚甘石之風，括地之家，步桑鄠之武，窮山海以探奇，起張華而辨物，落落者，曷乎尚矣。若乃南方草木，荆楚歲時，桂海虞衡，岳陽風土，見聞所及，非以方隅自限，至如莊季裕之編鷄肋，吳自

牧之錄夢梁袁文襄牖之評郭象睽車之志或以資暇  
題集或鼓吹之貽人或醍醐之自信要唯東京夢華感  
及盛衰北窗炙輠志存諷諭幽情孤寄往往而然士君  
子讀書稽古參物理驗輿情垂勸戒有感斯鳴何幽遐  
之不到者且使斯人而得分太乙之青藜集靈芝之典  
籍將黼黻鴻猷豈伊異人卽不然而吞雲三楚搜珠五  
湖賞雪龍門浮槎宿海江山之助其所得力更當何如  
三吾於此將毋有意乎哉抑又思之天姥之夢夢而醒  
者也斯編之作以醒睡自寄寤言永矢知不必持贈他  
人矣獨是言之無心聞者足戒非因好異亦誌夷堅適  
以纂言如修別史固將聚頑石以點頭何至向癡人而

黃巖集

卷二十八

詩內編

无

勦說卽借以喚醒世人之夢夢也可

車不過勝母村足不入朝歌里饑不餐盜跖粟渴不飲貪  
泉水劃然一旦覺路開此生無愧豪傑士塵世誰是人中  
鳳醒者幾人醉者衆老子一經五千言喚醒世間眞夢夢  
曾是星家學周易有人爲煮河洛石曾是文起八代衰吞  
來丹篆始稱奇曾是羅含依叔母果見綵禽飛入口曾是  
徐陵咏玉臺先有五雲化龍來靈臺英華自吐露性情一  
片由天賦况乃富貴於我如秋風惜哉迷陽曾不悟眞人  
起兵收羣克何事上天乘赤龍我生有命登台輔何事蓮  
花轉桐柱十二年來露英風何事將名掛月中十八年中  
樹令望何事有松生腹上遷移一任汝水旁何事猛獸斷盤

囊升階自合制方面何事禾生太極殿啟秀蒲池早發祥  
何事神靈拜龍驤連嫺帝室早默定何事紫光吞玉勝我  
生飛伏兩不意那有妖祥驚寤寐窮澤生流枯木春北窗  
高卧羲皇人西山蔽蔽高其節釣臺白茅表其潔自非濯  
足萬里流誰教心地清於雪五丁莫開人心癡可憐斜日  
薄崦嵫老曇却報黃梁熟始是封侯夢醒時

題天恩君吟寄黃子畏崖

東山子每食上玉齋

東峰推雲出西峰招雲入一出與一入兩峰忽相失入亦  
無心住出亦無心去一去時一住兩峰忽相遇看雲思君  
君何處

錢唐

黃巖集

卷二十八

詩內編

罕

囊劍歸天姥懷珠出漢皋一江橫吳越九月尙風濤客感  
雲帆亂秋空烏隼高依然容倜儻海氣滿征袍

南橋秋月

天下三分月揚州第幾橋何人高說劍有客卧吹簫露花  
暎天白風力入秋驕獨羨寒山子飛身上玉霄

過仲子華

晚煙起水際踈竹第三家一路生香草無人掃落花此風  
想秋水有客賦蒼葭借問南州彥誰知仲子華

哭詩人應玉山卽書其瓶花詩後

北斗夜欄杆清風江上寒浮生驚鴻日暮獨立怨春殘聚石  
三生偶拈花再笑難可憐予有淚身後哭方干

山寺有訪同謝庭實

幽趣滿巖壑伊誰獨閉關桃花三月水香雨五峯山竹間  
容笑笑柔者唱閒閒習靜人何處支郎洗鉢還

送李少伯歸江南

河梁送旅燕黃葉下秋水水憶三湘遠人辭百嶽還風聲  
生馬足星影落刀環好訪陽春曲畱心七澤間

南北朝雜感五十首

選四

蜀棧空天險長江正急流北軍飛渡水可惜秣陵秋夜火  
驚巴國降幡出石頭獨憐孫騁騎涕泣看封侯  
啟聖殷憂日當如薪膽何傷心舊風景舉目異山河孫枝

繩武遠玉氣過江多借問新亭客幾時六合和

黃巖集

卷二十六

詩內編

望

正始黃初後風流二百年青山歸謝客初日照南天不礙  
呼山賊惟宜夢惠連草草將身試臨風爲慨然  
草草齊梁後攘攘百餘年江山空錦繡世界盡水淵浪擁  
六朝去天圍孤月圓不堪憑弔處遺恨掃殘編

贈青城道人

芙蓉驛路小東甌百粵風光快壯遊片月何心飛鳥道陣  
雲作意度龍湫十年萍水鄉關遠一葉梧桐草閣秋爲爾  
清歌將進酒一時同作醉鄉侯

和牟鳳藻秋夜感懷韻

一天秋影落南屏隱約松聲隔院聽清夢未曾離越水西  
風何處憶湘靈津橫銀漢仙槎迴雲繞萊峯佛髻青十二

樓頭人倚笛却從今夜看雙星

自題藕絲藏

并序

東海之西南海之北風飄花墮茵溷皆誤浮生若夢歷  
三百六十甲子於此竊自疑訝恐其不善於藏也夫心  
之幻也六合猶隘身之纖也一壺猶寬陸沉海角已不  
及攬中州靈異岳瀆英奇矧能絕塵埃野馬而飛翔乎  
遼廓惟是息之深深託諸渺渺邱壑在胸疇爲疆界歲  
月在指自成今古居不必廉泉讓水行不必枕流漱石  
苟余情其信芳與吾何驚乎迷川何憾乎褊衷何歎乎  
初服伊昔修羅先得我心竊抱區區願同棲托

誤入塵寰六十年誰當活火養金蓮吟風嘯月非無地兩

黃巖集

卷二十八

詩內編

望

角孤雲總去天未必江山真助我幾時鷄犬果昇仙從茲  
衆妙開門處總勝希夷太華眠

送范湘林歸武林

舊時負劍出吳關策馬同君走越山又是一年春二月東  
風唬鳥送君還

題聽琴圖

滿抱氤氳不自持問他心賞果伊誰止宜一曲相思子寄  
與瀟湘錦瑟知

題四山樓

東南雲海氣如龍勝迹新安面面逢最好軒轅遊覽處黃  
山三十二蓮峯

紅偈

漢皋流水路全非交甫當年空手歸自失懷中珠玉佩不  
應回首怨江妃

湘妃竹吟

竹自斑斑峯自青綠雲何處泣湘靈秋風吹起蒼梧恨一  
夜飛花落洞庭

瓶花

折得空花好護持不教隔水苦相思西風一夜蘆花蕩搖  
落秋江恰怨誰 春草堂詩鈔

夏

字秋野

秋夜懷王訥菴

黃巖集

卷二十八

詩內編

望

知己人何處含情獨倚欄漏長嫌燭短坐久覺衣單秋老  
蟲聲澀霜高雁影寒徘徊庭畔月冷照碧琅玕

湖邊散步

欲極湖山勝長堤立晚風舟行明鏡裏人在畫圖中春水  
一篙綠夕陽千樹紅興酣忘日暮猶過斷橋東

澄江晚棹

小艇乘風發中流溯夕曛浪花雙漿麗山色一江分別恨  
縈衰草愁心寄暮雲棹歌無限意秋思逸橫汾 梓里詩存

張

藻 字冕華一字曲江諸生

早步東湖用白香山韻

栖鳥促天曙曉色初破霧出郭恣意行柳陰聊小住露草

溼沾衣孤賞得真趣芙蓉花未開鷓鴣自來去爽氣清逼  
人鳴蟬不知處遠山一抹青朝霞紅入樹詩思勃然生卽  
景覓新句安得拉友朋聯吟朝復暮憑欄挹微涼湖光渺  
回互隔岸人語喧菱舟散如鷺何必西子湖吾只行吾故  
寄語塵市人光陰莫空度

借同人晨發抵資聖寺

幽討出郭西雞聲才喔喔山色送遙青江光漾微綠嘉我  
同志人跌宕披春服凌晨野趣饒結隊策林麓絕壑颺閒  
雲巉巖挂飛瀑山橫石路微嶺峻烟岫複一逕蔽秦芳登  
頓疲攀躄愈入境愈幽攬身凌雲木下瞰靡遁形城郭紛  
在目中峯尖崔巍靈江環一曲不覺興益豪得隴更望蜀

黃巖集

卷二十八

詩內編

四

越險出重岡午烟颺茅屋拍手遂先登一往窮幽躅瞥見  
竹木森天籟遞琴筑夾澗一橋橫放步入邃谷三憩叢樾  
中始達蔦蘿幄古塔冠寺門頽垣岌將覆羣巒似障屏隙  
地多修竹猗猗千百竿宛然入淇澳佛事雖寂寥孤僧幸  
不俗延我十笏齋茶味甘且馥適逢春筍時翻地遍獺角  
畱參玉版禪攜鋤手親劚置之炊甑中一霎香可掬藉以  
搜詩腸渾忘下箸速城市那易嘗所欠祇芳醪恰意香山  
詩經時不思肉徘徊頓忘歸短景苦相促結伴趁斜陽忽  
忽逐樵牧振衣賈餘勇佺佺如奔鹿厥壤名紫砂靈氣所  
孕毓礙踵不容騁十步九退縮得得下屣屨飛鳥已投宿  
人生滿襟塵得閒卽是福轉瞬竹已成勝會渺難續詩成

聊紀時適足糊蠶族

題畫魚

他人畫魚真是畫此獨畫魚真是魚令人頓作濠濮想滿堂悅欲浮清渠堂堂策策紛莫紀游者自游止者止風蘋水荇森疑動釣竿賸欲中堂倚一鯉騰出如有神軒然自覺殊常鱗大聲紙上儼可聽儵彷彿似卽超齋淪古惟劉郎此技擅妙手於今不數見莫謂斯誠小技哉能事由來有真贗

野外暮歸

墟烟斜照外寂歷類巖阿風急白雲亂逕荒黃葉多幽懷誰似我止水自無波歲稔人皆樂茨檐出醉歌

黃巖集

卷二十八

詩內編

望

悅性亭

竹裏尋幽徑言登悅性亭江搖千頃碧山送數峯青滿樹鳥聲亂一林榭葉零徜徉愜所適清籟遞冷洽

五雲山

不上五雲頂安知眼界寬江流環一綫山髻繞千盤香刹諸天湧經聲午夜寒亂雅催客返撥逕入檀欒

步蓀田叔湖上看荷韻

今年臥病辜遊興杖履追隨始此回覓得輕舟攜酒去乍隣爽氣逐人來碧梧陰重日方午紅藕香多花半開放棹南湖還北港誰云身未入蓬萊

調鄭廣文祠

空山寥落鄭公祠，尙覺風流起慕思。  
萬里投荒悲逐客，千年遺愛說經師。  
苔侵壞礎絃歌寂，雨冷空帷鳥雀窺。  
觸目徒增憑弔感，令人長憶畫書詩。

普濟寺起早

霜重橋頭過客稀，巡廊閒看白雲飛。  
竹雞曉曉鐘鳴寺，松鼠翻枝露滴衣。  
靄靄寒煙迷葦岸，蕭蕭落葉打僧扉。  
我來拄頰臨風望，烏柏丹楓點翠微。

尋白雲山

言尋白雲山，白雲紛如絮。  
枯僧隱山中，日與雲來去。  
同懷集

周省山

字耕墨邑諸生者丹亭詩鈔

秋意

黃巖集

卷二十八

詩內編

吳

涼意感修竹，秋風動白蘋。  
可憐今夜月，還憶故鄉人。  
齒落難辭老，居卑不諱貧。  
更深頻看劍，何日躍延津。  
梓里詩存

得袁鶴亭江南書

垂老知交少，天涯信倍疎。  
數行離別淚，一紙故人書。  
萍梗悲何益，萑苻恨未除。  
將軍方異禮，莫漫賦歸與。

贈戚非先生

新安一高士，白髮老工書。  
眼底無餘子，河干有敝廬。  
棗花榮几席，芝草茁庭除。  
莫作沈淪想，鷹揚起釣魚。

哭阮篤菴夫子

棹返鴛湖簪綬輕，一朝控鶴上蓬瀛。  
白頭尙理書生業，霜鬢誰憐宦橐清。  
哭有餘哀諸弟子，死無遺憾獨先生。  
文星

夜落滄江上蘋藻空懷奠兩楹

悲運與邱梅村話舊

豪情壯志想當時十載湖山繫夢思買得瓜皮新艇子藕

花深處共題詩

丹亭詩鈔

張基

字作山題寶田先生春草堂詩鈔

結願浮滄海移情綠綺琴天風吹舊雨古調奏遙岑慧業

三生證蘆廬百感深會當從洗耳布席聽元音

春草堂詩題詞

年式丹

長洋道中

十里長洋路鄰鄰漾碧波懸崖蹲怪獸曲徑引旋螺白鳥

黃巖集

卷二十八

詩內編

穿林出丹霞夾听多漁翁真得地終日理烟簑

鄔慕東

字宣猷號竹坡著竹坡詩鈔

羊詠懷三首

駟馬金絡頭悲鳴戀舊侶雕籠閉鸚鵡惕息未敢語襄錦

豈不佳歡愛難久處川原一朝易况乃尋常汝喧啾凡鳥

羣踟促駑駘序雖無惠養澤飛走還自主  
急絃無懦音亮節多悲聲丈夫許知己然諾將獨尋蓬麻  
小人態芳春自成林西風一夕至視昔非視今安知松與  
柏直節堅如金  
悲歌正無奈霖雨滿前除霏霏來屋角颯颯濺裳裾塔下  
成川澤堂上連清渠天雲隱雜樹途路沒行車嗟我素心

人飄零少定居相思不相見肥瘦今何如

寶劍歌

龍泉三尺搖電光秋水一抔凝清霜星精上天薛燭死血  
暈爛爛土花紫烈士報恩心未休攜向淮陰市上遊嘯聲  
哭聽腰間出怒髮冲冠目眦裂殺盡仇頭利似風寶鞘玉  
匣韜寒鋒百年神物有呵護掛壁時吐青芙蓉平生負心  
知有幾石爛海枯頹猶泚盟成白水竟蹉跎劍乎劍乎奈  
爾何

春日秋日村居雜詠三首

斗室安吾拙終朝面好峰松明三逕月夢覺五更春風竹

團清響高曼盪遠胸美人煙水北相約采芙蓉

黃巖集

卷二十八

詩內編

吳

頗信田家樂因耽野趣微捲簾延曉色高枕送斜暉霜隼  
無虛擊寒花只浪飛客途成底事未肯倦思歸  
落日清江迥高風古岸虛危檣隨泛櫓別路赴行車近水  
漁家樂綠堤蝸角居遙知張翰興不是爲鱸魚

月下獨坐

旅夕愁無寐良宵誰與親飛星貪渡水悟鳥故疑人未近  
月中室何辭馘裏塵壯心強半在莫漫作閒身

山居感遇

山徑頻來往悠悠太古情到門千里月高枕萬松聲問字  
人爭集開樽酒自傾愧無揚子學敢擬草元名

游優鉢羅庵二首

高閣明無地，週遭綠樹濃。路盤山背入，雲傍嶺頭封。蘿影石壇日，梵音午院鐘。悠悠塵世想，已隔萬千重。

此地少行跡，閒廊生綠苔。窗開青嶂裏，鳥拂碧峰來。佛國蓮爲座，禪心鏡在臺。萬方同擾擾，回首嘆塵埃。

### 山居春晚

深谷鶯啼日，又斜東風吹綠遍。天涯夢回客枕數聲笛，春到鄰園幾樹花。門外碧蕪芳草路，望中紅杏酒人家。故鄉芍藥今何似，不與凡葩一例誇。

### 南樓怨女

傾城祇合住瑤臺，絕世驚看霍氏來。雪藕雙彎籠袖媚，霞一朵暈寒腮。春風蛺蝶添鍼繡，秋水芙蓉入剪裁。惆悵

黃巖集

卷二十六

詩內編

兗

南樓明月夜，玉簫無伴暮雲哀。

竹坡詩鈔

王沛霖

字培章，號雨林，諸生。著樂彼園集。

### 三月三日岱石殿觀賽神

風光何處不蹉跎，萍跡三生此地過。識面春山迎客笑，經年古柏閱人多。金猊烟重浮青霽，石洞雲深鎖綠蘿。擬駕文螭凌嶽頂，未知今夜夢如何。

### 卽事

綠陰門巷阿誰家，檀板湘簾唱踏沙。一曲消魂人似玉，東風醉煞海棠花。樂彼園詩草

### 擬塞下曲

紅淚胡姬別漢家，白頭漢使厭胡沙。可憐塞北三春暮，空

憶江南二月花 雙研齋瑣錄

陳錫庚 字眉菴庠生

暮春感懷

飛絮又沾巾 風光滿四鄰 杏花茆店雨 燕子畫樓春 每愧  
尋芳客 誰憐拾翠人 吟邊思小杜 曾否記前塵 梓里詩存

盧鏞

字英鋈號序東諸生著序東詩藁

曉泊霞城

掀篷隱約認樓臺 巾子峰頭曉色開 萬井煙浮山郭動 一  
江潮打海門來 鐘聲隔岸隨風到 帆影遙空向日迴 遙指  
扶桑佳氣合 彩雲多處是蓬萊

睡起率成

黃巖集

卷二十六

詩內編

辛

柴門開向白蘋溪 剪竹誅茅路不迷 三徑客來春雨後 一  
罇人醉夕陽西 花如識面相逢笑 鳥自談心不住啼 更喜  
奚僮能解事 閒來掃壁待留題

消夏

擔頭佳菓色蒸霞 解渴停煎七椀茶 記得星郎逢雨盡 欸  
門催買鎖心瓜 序東詩藁

陳鏞

字玉山號錯菴廩膳生著錯菴詩存

芳樹

芳樹低綠枝 佳人愁鬢絲 盛年不自愛 老大欲何為 昔日  
窗前花 今日途中雪花開 尚經春雪落 易消滅

折楊柳

春雨細如絲春風折柳枝年年寒食節憔悴美人姿渭城  
杯酒勸河梁別淚滋日落空城晚樓高畫角悲含愁獨惆  
悵幽恨入蛾眉

獨不見

雁斷玉門關漢宮人未還衰草黃河路君王淚暗彈老馬  
沒故道北風吹苦寒含愁獨不見胡雪滿陰山

擬古

土壁掛干將光芒射暗室挾之烏兔飛佩之魑魅泣彈之  
蛟螭鳴揮之風雨集持以贈烈士烈士不可得飲恨歛鋒  
芒蒿目皆盜賊搔首問青天斫地歌聲遏纍纍奸人頭磔  
之不勝磔怒氣化長虹上貫斗牛室訇然天門開半空起

黃巖集

卷二十八

詩內編

五

霹靂誓斬蝦蟆精現出清虛魄飛舞頌昇平歸伴雲霞客

有感

步出城南門遙望故人居浮圖何崔嵬倒影落柴扉新月  
掛半天暮鳥噤不嘯上山石磊磊下山草離離荒冢誰家  
子中情愴以悽載歌薤露曲予予不能歸道逢縞衣婦容  
色慘不舒邂逅非良人鴟鴞紛詈予哀哀焦尾琴改絃非  
所爲我爲落地花君爲井底泥以花委泥中安有轉樹期

水龍吟

天龍不在水水龍不在天上天而勿用不如仍在田真龍  
矯矯去不返水底有龍未開眼龍兮龍兮果有靈何必作

此蜿蜒形

春風折柳枝年年寒食節憔悴美人姿渭城  
杯酒勸河梁別淚滋日落空城晚樓高畫角悲含愁獨惆  
悵幽恨入蛾眉

一朵蓮花吹不去隨風化作天台山亭亭矗立一萬八千丈八瓣撐住紅雲邊上有蒼蒼正色之長天下有猗儻八百旋繞而句連千層萬疊聳碧浪浪花捲出青鼇尖巨靈鼉鼠戴不起五丁鑿破花心穿謝公蠟屐不到此惟有典公作賦智者結茅於其間山鬼獨脚不敢跳蝮蛇蟄伏如蚰蜒恨我欲上華峯頂蹉跎已隔二千年時來八月秋濤壯涼意透入仙骨寒舉手直欲攀紅日銀河奔瀉落九天降魔埵圮經臺變蒲牢紐絕師子眠大塊噫氣倏怒作蹲石四顧心茫然佛亦未見佛仙亦未見仙惟見幽壑茅菴數十所不與人世同寒暄西過疊嶂有鳥道古木蔥蒨

黃巖集

卷二十八

詩內編

五

草芊絲懸崖拍手稱奇快石梁深險瀑布懸文璣蒼玉擲粉碎半空雷雨吼寒淵攀藤直過蓋竹洞厯險遂衝水珠簾曾記斷橋積雪三千丈不許劉阮人桃源何況世人乏仙骨妄想仙子相周旋但見瓊臺雙闕上高掛中秋明月照見人世皆團圓又聞清溪雁草數行字字篆入青雲箋一夜飛度關山去鄉書萬里無人傳安得豪放如太白日日斗酒詩百篇安得脫灑如劉伶興來荷鍤走一死便埋青山巔又安得肩背萬斛香秬米腰纏十萬青銅錢一切排列如來前供養我佛弟子齊交歡滿口稱頌居士賢左提雲霧茗右挈竹筴泉魚眼蟹眼活火煎沁入齒牙清肺肝八千煩惱齊棄獨高譚禪理元又元一草一木皆因

悲落葉

西風惡妾命薄攜酒撫琴琴不樂階下牡丹憔悴死金井  
梧桐搖珠箔錦衾珊瑚枕不成歡噩夢驚回歸路錯旅雁多  
情人斷腸寒砧敲月天雨霜寒繁作花暗無光床頭落葉  
心慘傷欲眠不眠秋夜長潛焉涕下沾衣裳

秋口遊峰門山寺

古寺無人到尋幽入翠微山空桑葉冷秋老豆花肥石徑  
磨僧屐寒泉沁客衣欲借禪侶隱結習共忘歸

殿橋懷古

古廟臨煙渚先人此隱居門橫一谿水家種半園蔬蜀棧

黃巖集

卷二十八

詩內編

至

雲深處吳江葉落初滄桑畱故址好認舊鄉閭

靈江舟中作

落拓天涯客推篷獨自看江楓紅不定山月白逾寒快馬  
驅鞭易輪碁下子難愁腸付流水雲海正漫漫

寄懷成寸雲

一帶靈江水年年任往還君心似明月照我萬重山雲樹  
長天遠風霜短鬢斑文園多病後無復舊時顏

夜宿坦頭有贈

五年不到甯谿路今日隨人上坦頭估客風光長若夢村  
姬消息最傷秋傍門烏桕頻畱轄隔岸青天半入樓莫怪  
西風刀剪急一番難說是離愁

九月五日重登華頂過國清寺訪王秋岳

久住華峰遠俗氛下山又得磬聲聞孤亭雙引廻流瀑一  
塢平分出岫雲秋士重來添客恨故人依舊伴僧羣到門  
莫訝無相與滿路松花取贈君

黃葉

夜冷霜高雁不飛忽驚黃葉墜柴扉一林寒月人如醉萬  
里西風客未歸荒徑亂黏樵子屨空山飄墮老僧衣閒堦  
滿地無收拾賸得疎林掛夕暉

古意

落日長安道春風紫邏山不如門外柳記妾舊時顏

山行

黃巖集

卷二十八

詩內編

五

遠風吹白雲孤嶼環修竹日暮無人歸空山浸寒綠

海蕩竹枝詞

海國從來未有涯茫茫三蕩舊兒家白茅矮屋黃泥壁傍  
水門栽蘆荻花

冶春詞

一見銷魂記得不水晶簾下夜梳頭紅牙檀板空蕭瑟不  
忍人前說舊愁

錯菴詩存

李

誠字靜軒嘉慶癸酉拔貢

擬郭景純遊仙詩七首

傑士重勲名出谷時鳴騶伯陽佐姬室子房與炎劉甯爲  
富貴累常懷饑溺憂黃鵠志千里丹青傳九州功成不受

爵解佩歸林邱

衆峰薄浮雲環列聳翠幄紅生石磴泉芳菲足盪渥卓哉  
倦遊人結廬超大覺啟窗招清風焚香舞鳴鶴非無席上  
珍而有全真璞兀坐與天通謳歌自悅樂

風定石潭清仰觀無纖翳山空人語絕日暮重關閉棲息  
求神仙形骸半凋敝南山駭龍吟北流驚虎噬陰陽歸吾  
廬冥然忘身世回首蓬萊山存亡兩無繫

屋角升朝暎豁然東南開陽光周九萬照耀金銀臺一輪  
磅礴處寰宇無塵埃洪崖倚雲叫廣成相追陪曲江有翔  
鳥俯仰鳴且哀豈乏黃金屋攜手賦歸來有懷終南山斗  
牛任徘徊

黃巖集

卷二十八

詩內編

七

彈琴新月出半鉤舒微芒漸漸三五滿長懸天一方瑤臺  
初積雪玉宇乍飛霜仙鄉不易到宮闕路蒼茫嗟彼遊覽  
懷逆上含靈江清虛洞府神會聚爭翔翔奔走羣動息馳  
騖千山張玉液非希寶開龕容引觴

瀛洲路不遠三千以爲期翠微積天末銀河橫滄湄振衣  
靈臺上呼吸連瑤池上可升珠宮雲蹤任驅馳下可入黃  
庭掩扇但守雌引領碧天涯閒行戲羣兒長嘯出重圍高  
歌任覽嬉掬水月滿手萬物皆希夷寤言亦忘寐何必商  
山芝

我本仙家子被謫氣未銷祇有紅塵累曾無神理超客途  
時一遊仙境渺難招未追蓋珠步先期桂宮跳仰希大羅

天何人垂柳條雲斂千山潔月明萬象雕暮登萬松山冷  
冷度玉簫

春夕

愁思當苦語無東南風知此曲

寂寂春宵永危樓漫不扁短燈纔照日斜雨忽穿櫺四壁  
琴書古三更蝶夢醒怡然饒別致起坐讀遺經

李氏譜

應日崑

字啟嵐號玉山廩生著啖蔗集

于思賦別意或

雜感二首

落日上河梁青青蘭與芷采此欲遺誰浮雲渺千里芳香  
過時異顏色過時萎妾心空自知人情復何許別酒寄江  
濤頃刻化爲水清水流徐徐中有雙鯉魚顧恨此水中不  
肯銜素書

黃巖集

卷二十八

詩內編

要

抱璞須抱眞厲劍當厲心丈夫重意氣底用千黃金黃金  
買情慳金盡不如故今日杯中醴明日草頭露層水結揚  
波水漸波復揚誓言寄日邊日落天茫茫相彼連理枝交  
柯自縈紆浮萍故無根隨風東南吹

啖蔗集

嶺千里共青

古意三首

三五月華滿流光正徘徊返影入高樓闌干明迴隈遙夜  
一美人清寒溢羅衣徒倚起長嘆絲聲何纍纍別鶴念故  
雄雉鳴求其雌豈無知音人非匹良不期妾意自辛苦君  
情自參差悠悠天一涯愁思當告誰諒無東南風吹此曲  
中悲

空天青冥冥綺樓壓芳甸十二玉闌干愁痕淚如霞中有

皎皎人年華閱流電下簾別秋鴻上簾迎春燕春去復秋  
來迢迢視河漢河漢亦有梁遊子亦有方水蠶常懷絲纏  
綿徒自僵

亭亭孤桐樹植根千仞崗朝露溥鬱鬱高風凌蒼蒼誰知  
賞音者撥採獲其良斷作綠綺琴置之金玉堂揮手任調  
弄音旨垆以昂一彈別鸞鶴再彈孤鳳凰托質近繁華自  
是多感愴長材雖有用本真已見戕草木樂生意沉晦何  
所傷

花船曲

烏鳥嗷夜天河空雙星泣露光溶溶莫向人間怨紅槿蘭  
橈桂楫生春風春風蕩漾誰家子桂楫蘭橈鏡光裏割得

黃巖集

卷二十八

詩內編

七

巫山一片雲聯翩直渡西江水兒家綠水映朱樓姪姘花  
枝樓上頭捲幔橫波渺無際洛城煙月湘江秋苔印遙憐  
浣香伴萍踪曾妬采蓮舟照水芳顏自相愛桃葉桃根雙  
姊妹水光照影不照心抱香同夢鴛鴦衾可憐橋頭柳相  
思共攀折亦有井底桃無言自怨血翠鬢金雀玉搔頭畫  
槳雙飛送莫愁香草同心環珮結蓮根並蒂藕絲柔蝴蝶  
河橋拍煙霧脈脈春心夢相妬

梅關僧舍觀趙睦堂花卉歌

老烏啞啞庭樹涼罷琴上軒月飛光天機到處忽揮灑眼  
底笑見潘河陽河陽作花映空水水落霜寒花不起憑公  
腕底春風來千樹萬樹參差開春陰漠漠下高閣慘徑紅

雨生莓苔遠峰一角更奇趣明滅花光不知數暝寒欲渡  
迴溪長杜宇躡枝噉煙霧凌雲逸思張先生把臂同作林  
下行丈室無人味禪悅鼻觀已似聞清香頗憶芳時美遊  
宴風景歷歷窮濠梁賢侯潑墨亦生意會遣陽和滿初地  
魏公行樂何處多江關玉瑄吹梅花

啖蔗集

### 惡溪行

出峽復入峽前溪續後溪兩崖夾鬪不肯下水勢欲挾山  
根飛中流倏忽鉦鐘鼓天吳屬聳老蛟舞黃沙漠漠走千  
騎朔風蕭蕭鳴萬弩猛獸奇鬼森搏人鱗甲嗟峨戰風雨  
篙師作勢鷹隼疾左枝右撐愁蕩汨筏向三稜石罅穿人  
從百尺竿頭立五里十里勢漸平耳畔風聲尙震懾情知

黃巖集

卷二十八

詩內編

五

性命輕毫毛豈任肌膚鮑魚鼈瞿塘聞說十二灘後鶴掉  
臂愁波瀾船人莫歌竹枝曲台山咫尺行路難

三錄

### 瓶花三十首

錄三

飢眼輕魂遞尊前唱折枝都將難別意畱取未開時門小  
風猶度墻低月易窺芳年勞護惜春夢正參差  
渺渺托微波波心春度河絲柔初結荇鏡小不圓荷芳節  
無聊甚媽香自在多僊源諸伴隔繁艷竟如何  
花底迎郎懼雲端送客驂故人折楊柳春色滿江南別路  
勞相憶芳時約共採錦屏猶六六曲水記三三

### 題屈大鈞詩後

楚澤彫蘭芷夫君更遠遊雲中吹鐵篴飛作洞庭秋湖海

幾青眼乾坤容白頭美人香草在飄泊不須愁

登望江樓

天地頻搔首茫茫思不禁平時千里日此地一登臨春入江城暮雲連海國陰憑欄最蕭瑟轉見古人心

春泛鑑湖

野路分春靄中流一鑑虛橋橫羣水合山斷夕陽疎暝色迴孤棹風煙狎老漁澧潯蘭芷秀渺渺一愁予

曉發清溪

初日上林垞烟光入畫屏江涵羣水白天歷一峰青地險遺疏鑿神功接杳冥不須問湘瑟幽韻此中聽

秋晚重行廻龍山道中

黃巖集

卷二十八

詩內編

五

不記曾遊路行行任所之斜穿紅樹去時有白雲隨曲磴風迴急深溪月到遲寒林一聲磬乍憶老僧期

春月

寶鏡新開煙雨天底須秋老問娟娟關山塞北寒吹笛花柳江南夜送船歸去也應愁玉宇醉來卽此是瓊筵清輝照盡人歌舞何處樓頭有杜鵑

曉發靈江贈別三疊韻

茫茫煙水拍城樓離恨還如楚客愁寒雨空濛巫峽曉悲風蕭瑟洞庭秋各天塞雁傷情緒故館溪山入夢遊最是無情河畔柳絲絲不解繫歸舟

山居

蘿陰覆幽石彈琴吐清酌疎林一花飛鳥唳山月白

落花詞

流水繁華送六朝數聲殘笛雨瀟瀟依稀記得遊春夢煙  
月江南第幾橋

餞春煙靄夕陽亭紫陌斑駁江畫舫却憶明妃嫁胡虜北  
風吹恨草青青

代送

早是關情怨別離况逢煙雨落花時春山處處多唳鳥莫  
向東風聽畫眉

寺外

寺外寒江浪拍沙潮流日夜送韶華畫船莫載春風去畱

黃巖集

卷二十八

詩內編

辛

與山僧掃落花

靈江竹枝詞

石新婦傍翠微間春草春花雙髻鬢何日送郎騎馬去望

郎長對馬鞍山

西江橋枝詞

參差烟影小紅樓大姊扶肩妹上樓下枝紅遲上枝蚤姊  
妹同根各自愁

采蓮清唱望江南風味差遲各自諳蓮子相思爲心苦橋

子相思爲心甘

啖蔗集

張

颿號雪笠又號墨禪著河千小隱遺草

江城晚眺

一雨碧天秋蒼波激亂流鴉翻烏柏樹漁唱白蘋洲落日  
低城角寒潮上石頭飄零江上客憑眺不勝愁

李八邨莊

野客愛林泉幽棲拓數椽山雲宿簷下蘿月落罇前引水  
通茶竈隨風放釣船何當結鄰比相與樂忘年

題畫贈別鄭大卓巖

不是煙霞侶誰當作卧遊襟懷香草國風景白蘋洲遠水  
通天末幽花戀晚秋囑君更畱意莫漫喚歸舟

靈巖洞訪王羽士不值

竹杖繫吟瓢山花帶葉挑尋泉分石脈引葛上山腰谷口  
猿聲發天邊鶴影遙洞雲深似海何處覓王喬

黃巖集

卷二十六

詩內編

空

山行

烏帽青鞵逸興賒杖藜扶我入煙霞濃陰不雨衣還濕曲  
徑無人草自花老屋鐘聲禪子宅春風帘影酒人家漫游  
未覺歸來晚古驛蒼茫噪暮鴉

踏青吟

紅橋雁齒路高低芳草裙腰並欲齊步到花深林密處夕  
陽都在畫樓西

題蘇小小墓答趙襄雲

油壁青驄挈伴尋纏綿何處結知音不尋桃柳尋松柏未  
許時人識此心

河干小隱草

送吳大仙樵入都用韻別韻

黃花紅樹護肩輿灑落秋容畫不如屈指相逢好時節江  
城煙雨賣鱸魚姜志橐

牟士掄字雲舟廬生

題箋面寄陳陽谷

自作飄蓬已十秋江湖風景每生愁偶來古寺畱行屐隨

意溪橋繫小舟旅舍何人調白雪夜窗無夢到滄洲相逢

半是他鄉客詩酒如君勝一籌船香集

盧渠字巨泉

琢齋邀訪沛翁山房因病不與合賦轉贈

回首招提路環山擁碧天鐘聲深竹裏月影半峰巔水漲

黃昏渡人衝薄暮煙願言思健步紀勝擘蠻牋

黃巖集

卷二十八

詩內編

奎

般若禪寺訪牟山長三首

幽棲僧院靜迢遞過荒村樹密疑無路山深直到門形骸

忘爾汝語笑畧寒溫風雨追前席于今類轉轉

地僻來人少門閒引興多掃窗風戛竹遶屋樹交柯方外

烟霞古堦前鳥雀和幾回鐘磬裏掩卷聽彌陀

塔橫亭午影蟬曳夕陽聲謾道催歸興空餘惜別情澗橋

行卻曲浦樹看分明意懶頻經過山僧莫問名巨泉遺稿

牟德秀

號松齋

南樓怨女吟和竹坡

應是蓬萊小謫仙生成麗質可人憐惟將素壁畱眞色豈

爲黃姑欠聘錢錦水漫棲雙宿鳥金鍼不刺並頭蓮愁腸

百結悲無限怕見中庭月色圓半葉山房詩鈔

和朱曉山韻容燕觀詩公式交交小限亦對好水

岸柳低垂態未輕模糊煙雨不分明一春花事渾無主淒

絕林間百轉鶯緣香詩草

張師周詩命問公什氣更煩賦味險小酒且香書奈林

三月八日借家洛東宿岱石廟

不眠無可奈起看月沈西怪石遮天小松濤入夜淒青雲

棧不遠丹篆夢奚稽不見籠紗壁為畱五字題姜武廣

朱聯字林芳號楓坡諸生著楓坡遺草

郊行

櫻筍標新節清和雨後時笙歌鶯一曲機杼柳千絲烟鎖

黃巖集

卷二十八

詩內編

奎

林逾暗雲添峯更奇梅關十里道時聽紫驪嘶楓坡遺草

秋日晚眺

山色蒼蒼裏疎鐘動翠微丹楓霜後醉黃菊露中肥雁陣

排前浦漁歌送落暉鄉心何處是野渡一舟歸姜志豪

王增字雨香

薄暮偶成

日暮蕭蕭靜偷閒倚竹扉長歌頻把劍小酌且看書桑柘

青陰靄莓苔綠影微一行征雁遠好趁夕陽歸雪樵存橐

畱別丹崖諸子

那有春風坐還隨客燕歸諸公方袞袞小別亦依依秋水

思荒老天香上翠微何須愁北望同見五雲飛耕墨雜鈔

葉春三字世裕號松齋

春日偶成

小雨寒生日暮時梅花纔綻兩三枝春風也似人情薄暖處先開冷處遲

姜志棄

張英元

字梅謏道光乙酉拔貢著江南遊草一葉齋詩存

借屈六皆菊堂桂巖昆季芸溪甥遊興福寺二首

初日照高林

用陳

葉脫影在地十月無繁霜暄和釀晨氣

好友來相招攜手快聯袂行行出郭門草枯沙路膩入望盡平疇天容接無際一山自北來低眉有睡意愈進境愈開重重獻佳媚忽見前峯頭妝猶聳高髻

遊興尚可鼓夕陽忽在山中峯與三峯惜未搜孱顏人生

黃巖集

卷二十八

詩內編

齋

貴知止何必窮躋攀羨彼投林鳥倦羽俱知還歸從楓樹下返照添紅殷踏葉作秋響頓忘石齒頑近郭不知處暝色方爛斑回頭望山頂皓月懸松關

板浦航船曲仍用海州道中韻二首

江水悠悠深且廣誰家女兒打雙槳照來人影多明妝驚起游魚跳波響鎮日浮家船作屋夜向垂楊渡口宿半艙殘月天未明啞啞夢醒啼鳥聲

東鄰媿婦採麥黃西鄰桑女攀條長手搖柔櫓聲嗚咽自憐勞逸不同轍停船盼到紅日斜晚妝對鏡重簪花販鮓偏不來商家依然獨處如匏瓜

過遼笛步

兩人相逢不相識傾情竟作三弄笛曲罷無言各自歸江  
上青峯空萬疊誰家樓上玉笛橫一枝宛轉飛春聲我更  
聞聲不見人江波渺渺江月明

登翠浪亭

石梯百級如旋螺振衣直入煙雲窩一亭高踞巖之阿俯  
瞰腳底青山多山光層疊森嵯岬芙蓉萬朵搖晴波波紋  
湧翠一色拖松濤竹瀨交騰竿中有天池明鏡磨美人照  
影脩雙蛾嫣然一笑生微渦頃刻春意回融和我坐深翠  
閒吟哦詩興直欲追東坡

京江夜渡

暝色正蒼然茫茫水接天一竿掛新月雙櫂破寒煙梵鼓

黃巖集

卷二十八

詩內編

奎

江心寺漁燈渡口船金焦看不辨詩夢落邊

暨陽夜泊

片帆卸殘月來泊暨陽城寒意欺孤客羈愁逼短檠豹聲  
喧巷急雁語過船輕清夜捫心坐依人愧轉生

丹陽夜發

楫柝不停催扁舟夜半開人聲亂燈火江影倒樓臺鴻雁  
思千里蒹葭水一隈遙看殘月上飛度呂城來

畱別金陵

鴻雁杳然去揚帆過石頭仍為遠行客奈此白門秋落木  
蕭蕭下長江滾滾流蔣山青不盡詩思幾句畱

遙望徐中山王墓

鬱鬱復萋萋龍蟠山勢雄將星沉塞漠封樹傍陵宮垂臺  
貽清節開坊表大功遙看墓門草猶向夕陽紅江南遊草

平望舟行喜晴

曉色初分放棹行乍聽鶯語報新晴痕畱宿雨雲翻墨光  
透朝陽樹掛鉦帆外有山皆畫本櫓邊無浪不春聲寒輕  
獨向篷窗倚十里吳江一望平

登海州城樓卽用張文潛宛邱集中韻

高挹雲臺低枕流傍城有客獨登樓四圍村落都臨水五  
月光陰總是秋望海尙畱宣聖跡求仙空羨始皇遊滄溟  
極日鯨波靜戍角何須動暮愁

病癯放言

黃巖集

卷二十六

詩內編

癸

一刻屍輪歷九垓冰山遙接火山來重重險阻都經過練  
就詩仙不死胎

空思冰雪濯炎歊汗浹淋漓似水澆度量自容滄海大任  
他一日兩回潮

秦淮客感

莫愁湖水漾悠悠照徹水壺一片秋我欲將愁付流水自

憐平子太多愁

題蜀都王雲溪司馬山水畫冊

鳥嶼蒼茫夜氣清滿船霜月海潮聲客中風景猶堪憶揚

子津頭放棹行

張茂華

字博卿號雪樵著問花亭偶集雪樵吟藁

登沙埠嶺

百疊入深山，樞衣履絕壁。舉首望青天，青天臨咫尺。長林夾路陰森森，聳如戟。空翠滴寒巖，松花媚幽石。我來茲山遊，冥搜窮幽迹。須臾暝色生，西山日已夕。微雨溼空林，清泉漱芳液。十里浮雲垂，百道寒光射。長嘯竟忘還，蕭然思脈脈。極目向里閭，惟見遠煙碧。

郡城旅舍與金石巖話舊

攜手話綢繆，憶君如水流。雲封宏景宅，夢繞映江樓。疎雨一燈暗，寒潮百里秋。論文今正好，尊酒暗香浮。

過裏白洋

日暮乘佳興，來尋此地幽。澹煙孤店晚，小雨一山秋。古樹

黃巖集

卷二十八

詩內編

七

參天立，雙溪夾道流。忘機真有象，閒數落沙鷗。

和夏彩虹江行有感韻

幾多秋色滿，寒關雲樹蒼。茫入遠山鉅，浪暗浮雙塔。去孤城近接一江環，猿嘯野岸聲聲斷。露溼征袍點點斑，記得夕陽村店晚。自將杯酒慰離顏。  
問花亭偶集

再題凌雲寺

豈有禪心皈佛祖，却憑精舍意悠悠。山空猿鶴當風嘯，院靜煙雲盡日留。清磬一聲花亂落，蒼苔數點水長流。眼前爲指空中色，聊共高僧物外遊。

永甯渡

野渡寂無人，溪流綠一片。驚飛雙白鷗，衝煙不可見。

江南曲

聞道江南二月時  
天桃灼灼柳絲絲  
不知當日瓊花觀  
開到東風第幾枝  
雪樵吟藁

管頌聲 字廣堂

自題米船樓

秋畦雨過稻孫舒  
拜石揮毫興有餘  
逸客從來多泛宅  
仙人自古好樓居  
閒中作伴琴兼鶴  
靜裏陶情畫與書  
解取名花為四壁  
吾真不枉愛吾廬  
米船樓題詞

黃巖集

卷二十八

詩內編

亥

黃巖集卷之二十九目錄

詩內編七

國朝三

李飛英三十首曾八載十六首牟正鵠一首蔡濤六十一首

牟異三一首夏疇十七首張夢禹一首葉樹元三首

朱廷簡一首王蔚林三首方絜四首王九疇一首

王承弼十八首牟式鵠一首牟榕一首姜文衡十八首

黃鏹二首牟佩環一首夏惟熙二首蔡剛中二首

趙琛十五首姜丹書二首許鳳儀一首牟登瀛一首

毛文瀾一首蔡國棠四首任肇熊一首鄭會南四首

楊中臺一首牟樹則二首林有壬一首戴天衢二首

黃巖集

卷二十九

目錄

王樹祺二首盧錫疇十首牟旭光一首鄔應溥十三首

徐宗筠四首王訪三首王篤慶一首王維哲二首

王樂雛七首孫拱宸三首王辰四首吳如良一首

王熙治二首姜化鵬一首楊紹雲一首池鈞二首

官德潤一首蔡箴三十首曾若濟十四首冀金簡二首

楊輔廉三首池寅二首王維城一首喻興雲二首

王會疇六首

右共五十八人詩三百四十九首

國朝三

詩內編七

黃巖集卷之二十九目錄終

黃巖集卷之二十九

詩內編七

國朝

李飛英

字雲詔號山漁道光辛巳舉人著補蘿書屋詩鈔

古詩獨漉曲

獨漉獨漉水深泥濁母沾車輪母汚馬足置酒高堂清晨  
登車去莫迴顧努力長衢落葉飄風依依故枝兩輪四足  
無停留時不逢羸亥遑敢淹遲參橫月落北斗射角賓客  
在門及時行樂慎勿兩心寶劍在握鳳下九天不聞鴟嚇  
維霜新冰維媪斯傾狂夫渡河濟用不成何以贈言守身  
如城浮雲頭上時乎不再大道相逢與君傾蓋

黃巖集

卷二十九

詩內編

感秋二首

皎皎涼秋月照我羅衣裳階庭蕩炎氣房櫳揚清光蟬蛩  
鳴高樹促織號空廂披襟臨前除鴻雁飛南翔纖塵淨河  
漢流景繁清霜叢林疏密葉芳草元以黃多懷感物類前  
修安可忘榮華難久恃努力事春陽元髮不勛鬪白首徒  
悲傷

去日已如是來日良可知飛雁失其羣嗷嗷何所之烏輪  
與蟾魄遞嬗無淹遲俯仰一身世不樂將奚時素徽發三  
弄曼睩揚蛾眉陽春無屬和自惜知音稀朱顏世所薄容  
悅當爲誰念我素心人路遠不可期

新秋日書所見自晨至夜得詩十首

錄二

山水合清景我行意蹉跎巖岫開霽色池塘生微波蘭皋  
清露滴荷渚香風過美人怨鼓瑟壯士愁揮戈雲歸江海  
闊雁到風霜多未盡青春酒已聽素秋歌

茫茫青谿水望望荒村路落日下西山曖曖生寒霧歸人  
指炊煙爭向沙頭渡散步真無聊相思愁日暮南望美人  
家參差見煙樹不如事安眠且向夢中去

雜詩

汎絮本無根適與飄風期相送入雲中不得歸故枝君子  
事行役慷慨輕別離捐軀圖報國功成當來歸且莫戀家  
室會合終有時

詠懷

黃巖集

卷二九

詩內編

二

女蘿附松柏結根欣得地弱葉網虬枝芳蕤若總翠自謂  
百歲期榮耀能久恃涼風振商聲霜露淒以厲松柏不改  
色女蘿失故媚寄託非不佳本性易憔悴小人無遠圖烈  
士多壯志樹立苟不早將隨秋草斃勿學靡脆姿依人希  
成事

結髮爲夫婦慙慙無薄怒心賞苟不違衰妍非所顧青蠅  
雖巧讒堅冰不受污舊人曾經新新人終當故新故兩相  
忘汲汲我所慕

擬白頭吟

寶劍難斷水明鏡難照心聞君欲聘茂陵女聽妾試誦白  
頭吟錦城花開不到秋錦江之水西北流水中鴛鴦花間

蝶雙飛雙宿共白頭白頭吟吟轉急一聲一斷淚沾臆妾  
顏未易君心易生當相憐死相憶春風本多情那識春歸  
早安得畱春輝迴光照寸草妾身無行宜見遺君心相負  
妾安歸吁嗟長卿知未知喜新厭舊未足悲人生富貴多  
相忘記取當墟賣酒時

大風 離賈行

離賈離賈方面大肚乘高車駕駟馬馬前童僕健如虎日  
日出門拜豪戶黃金斗大擲如土忘卻當時貧賤苦歸來  
無事鳴鐘鼓美人雙雙教歌舞一曲清風不知午織成地  
衣花作朵金鐙亂點秋香酷擣菹紅牙侍嬌賭滿堂大醉  
爭璣組可憐一笑凝風雨咸陽酒徒新通譜若輩寥寥何

黃巖集

卷二十九

詩內編

三

足伍酒籌下席不知數片言出口光四坐坐中有客最少  
年銜杯白眼望青天手中七寶珊瑚鞭爲君射落雙風鳶  
揚州老鶴飛上天腹中無字能神仙平生若不事腰纏絕  
世高才空自憐

黃金臺

天風吹黃埃飛上黃金臺臺上何所有烏鵲相往來臺下  
何所有歷亂空莓苔吁嗟燕昭王慷慨劇憐才市馬惜朽  
骨遲暮含餘哀輻下呈材集騏驎辛衍雖賢不如殺燕昭  
不永可奈何反閒遽入齊人計老將誰憐昌國君况復閒  
乘等閒棄生臣不如死馬榮遂使英雄期速斃人去臺空  
國亦亡奇才豈戀黃金餌夫人七首將軍頭縱有荆卿成

底事

棄兒行

霜風颯颯月欲低，破被無溫兒夜啼。  
老翁抱兒出門走，老婦哭兒倚門首。  
婦哭一何悲，欲哭不哭翻躊躇。  
惟恐鄰里俱聞知，翁走一何急，十步九倒何由立。  
欲棄不棄長掩泣，朱門何處疑疑牆。  
上蟠蛟螭牆外之人不可窺，盛以竹籃縋以索。  
以手執索推墮之父兮，母兮那得重見兒。  
吁嗟乎父兮母兮，那得重見兒。

梅浦行爲張烈女作

梅浦山前夕照紅，閒苔飛絮怨春風。  
牧僮樵豎踏歌去，鷓鴣嗁斷野花叢。  
野花落谿流白巖上，青松澗底石杜鵑。

黃巖集

卷二十九

詩內編

四

月冷青楓寒生少，鴛鴦葬魂魄。  
魂魄沈沈朝復暮，天上人間何處住。  
一坏黃土雨孤墳，生死相隨到泉路。  
憶昔鏡臺初下時，同心小結縮紅絲。  
妝樓早訂乘龍約，繡閣遲歌秣馬詩。  
無奈風波平地駛，玉樓吹下求文旨。  
窗禽搗藥但聞聲，幕燕銜泥不上壘。  
萬斛深愁只自知，從今不忍畫雙眉。  
一炷心香惟喚佛，兩家耳食屢延醫。  
衝喜分明傳俗諺，扶上香輿淚如霰。  
入門憂喜兩無端，拜罷姑嫜暫相見。  
分杯後約誤三生，却扇前緣慳半面。  
瑤島難求續命膠，罡風吹斷長生線。  
鏡鸞一破不重圓，釵鳳分飛絕可憐。  
不信黃楊偏厄閨，藁砧遙望淚潛然。  
誰家焦尾譜哀聲，將離一曲最傷情。  
橋斷靈烏悲織女，歌殘寡鵠泣陶嬰。  
呼天搶地情誰

訴報君一死勝於生生死死原如寄防守綦嚴暫掩淚  
天乎不諒可奈何蹇修別向誰家議縱令白壁尙全歸展  
謁登堂成底事漫道無兒卻有夫白髮皤皤是舅姑十年  
空作三更夢一諾難消九死餘殉盟浩氣貫山嶽殷勤自  
抱無瑕璞絕命思還陰氏屍傷心肯喚江郎覺烏曠月黑  
青缸寒香斷風微形影單此際真教情決裂此時惟有淚  
闌干午夜城頭譙鼓咽黃昏鬼嘯黔婁室香魂杳杳駕孤  
鸞夜臺何處尋靈匹紫玉還歸異代緣青煙已化生前質  
苦滷甌中喚鴿媒月冷雲淒上巳日神仙小劫謫人間莫  
將薄命泣紅顏身本潔來還潔去碧雲冉冉返蓬山靈旗  
縹緲出江濱招魂碧血泣羅裙貞心不隔泉臺路鬼詭誰

黃巖集

卷二十九

詩內編

五

開石扇雲雙飛蝴蝶棲連理點出生香兒女墳行人哽咽  
悲梅浦雙冢卓立梅花古冢中骨比梅花香冢中人比梅  
花苦梅花畱爲妾寫真冰魂玉魄埋黃土玉笛吹殘零落  
久並蒂同心猶在否生死羅浮山下春鐵石心腸應不朽  
卻笑春風桃李花幾經攀折他人手花落花開問果因更  
殘鐙炮淚沾巾墳前松栢多新子山下薜蘿有故人歎息  
瑤碑全沒字淒涼金盃已封塵吁嗟乎磨筭山下頑雲惡  
石尤渡頭狂風作惟有年年梅浦墳風靜雲和雙白鶴

李夫人歌

漢之有李夫人猶唐之有楊貴妃也趙家姊妹豈  
足比哉蘅蕪寄夢釵盒傳情而二方士又事之暗

合者也。獨惜早世耳。雖然漢武雄猜主也。夫人以  
倡進後兄弟卒皆誅族脫非早世恐先鈞弋作雲  
陽之譴矣。海西侯之封憐其死耳。此又勝玉環一  
籌者也。吾家長吉義山皆有李夫人詩。余惜其詞  
不盡意。因申爲是歌。而以言外之意序之。

漢家新起明光宮。三宮輦道遙相通。蛾眉窈窕不知數。夫  
人飛入青雲中。青雲吹落君王側。君王有情持不得。帳底  
花開白日長。捧得傾城與傾國。春華未謝秋風催。孤鸞弔  
月聲聲哀。紫絲繡被尋常見。茜綵香囊慙亂堆。嘆息佳人  
難再得。哀蟬落葉長相憶。瑤臺月落夜茫茫。玉墀塵生春  
寂寂。洪梁美酒文螺卮。七寶牙牀惱夢思。嗚紅唾碧拋香  
黃巖集

卷二十九

詩內編

六

佩遺芳入袖。分明在靈風。一陳綵雲飛。想像虛無成。意態  
若有人兮。姍姍來來不言兮。去不辭。燭花露葉光參差。粉  
蛾帖帖纏蠻絲。壽宮紫玉隨烟飛。焉得靈篋鎖靈魄。星妃  
鎮住潛英石。可憐靈夢空高臺。茂陵回首生青苔。

用東坡次韻孔毅父久早已而甚雨韻

人生平地風波溢。翻雲覆雨須臾失。幾人忍飢不出門。觸  
熱礮穢成何物。爾來研田多惡歲。龍賓乾卧精靈出。嬾殘  
無力不謀生。沿門托鉢學丐乞。薄田十畝蒙草莽。況兼早  
魃恣唐突。安得楊枝洒南天。早爲道謝慈雲佛。老龍貪睡  
不解事。何用天公分等秩。造物聞將不汝貸。汝不卹民誰  
汝卹。我有墨池幸未乾。勞汝併作甘露潑。呼龍干語不一

應但聞水車鳴龍骨不知一飽待何時未可飢腸抱蓬蓽  
還當隨人作拜跪茲膝於今爲天屈忽驚夜半海雷吼縷  
縷濃雲瞰幽室不識雨從何處來臥聽狂風捲塵鬱醒來  
尙作翻盆聲憂喜便爲分兩日

昨日荒田堆瓦礫河泥龜坼深一尺今朝新水昏馬牛濃  
雲鬱鬱如潑墨二月併爲一日雨堤岸安能辨曲折試向  
村北望村南萋萋生意渾難測曾聞甘澍徧九土何況與  
君十里隔旣雨甚好晴亦佳夜色新涼嘯促織蟄紋犬跡  
翻泥沙懶向門前拖蠟屐迴廊把書得散步不辭家釀恣  
淫溺平生酸腐恃天年粗糲不飽誰爲憐撐腸拄腹盡文  
字筋骨不疲難求全也得隨例賜甘雨綠浪飛舞滋膏泉

黃巖集

卷二十九

詩內編

七

擬將飽食許此腹沽酒莫漫愁無錢問君饑飽近何若研  
田食力甯愁天會當泥飲共一醉作詩休得嗤磨甄

思歸引

不知離別苦翻欲事遨遊萬里關山夢三更鼓角愁誰人  
相問訊無地不登樓始悔當時錯頽然已白頭

秋日寓興

木落水微波其如愁思何燕鴻愁客路牛女悵明河山郭  
秋聲滿江天樹影多美人隔煙水消息近蹉跎

此日且爲樂閒愁亦自禁九還傳藥訣三疊悟琴心天地  
更寒暑山川變古今人生如過鳥可不惜分陰

冬居雜興

種得兩三松檐前露一峯樓高遲見月木落遠聞鐘石醜  
教雲護塔荒任蘚封夜來多積雪門外有行蹤  
此時一尊酒臨水又看山萬里滄江遠孤帆明滅間天隨  
平野闊雲傍亂峯閒爲抱相思苦高臺獨往還

寒笛作龍吟無人知我心一聲愁入破飛雪滿空林忽憶  
梅花發茫茫煙水深扁舟欲乘興何處是山陰

歸途雜詩二首

下灘容易上灘難帶我舟中飽看山驟雨欲來羣木戰溼  
煙收盡亂峯閒更無人唱滄浪曲暫得身居雲水間何日  
同居泛湖去不教鷗鷺笑緣慳

會稽青山神禹廟錢塘白浪子胥潮浣紗溪畔苔空綠放  
黃巖集

卷二十九

詩內編

八

鶴亭前夢未遙聖帝賢臣同血食美人名士總魂銷煙雲  
縹緲重廻首酌酒臨風共一瓢

秋意

秋風昨夜來吹落梧桐葉庭院寂無人明月穿簾入

少年行

小隊戎裝緩緩催當先一騎臂鷹來紅樓十里珠簾上爭  
看郎君射獵回

夏日閒居雜興

小橋通市路三义隔水紅牆四五家門外垂楊三十丈野  
風吹綻白蓮花

翦斷湘流漾細紋溼煙飛夢送疑醺蠻鴉亂攪夕陽碎天

半冷風吹破雲

東湖竹枝詞二首

阿儂生小住雙橋山  
妒蛾眉柳妒腰笑他百丈巖頭月空  
照靈江夜夜潮  
長江繞湖湖繞城湖心亭上草青青  
儂心不作長江水願  
郎心似湖心亭

東湖采蓮曲

儂家僑住東湖邊  
劃著簪兒去采蓮  
采得新來還厭舊  
絕似郎心最可憐

東湖采菱曲

菱花點綴兩湖秋  
采菱艇子漾中流  
鴛鴦宿處都尋徧  
惱

黃巖集

卷二十九

詩內編

九

煞菱花沒並頭

雪中紀事

雪滿千山鳥不飛  
梅花香裏踏驢歸  
有人更說邊城好  
鐵

甲三千夜打圍

補蘿書屋詩鈔

曾

載字鳴岡號沂沂副貢著茗園詩草

秋夜前庭口號

西風吹浮雲片片渡河漢  
躡履步前除問夜知將半  
鹿聲山際喧蛩語草根亂  
村醪酌可思茅店夢難喚  
閉戶剔銀鐙搖膝還開卷

和姜亦農寄懷原韻

天地爲蘧廬遠近胡憎愛  
生人若醯雞同鑽醋甕內桑下

不三宿釋迦殊曖曖隨遇適所適茵溷忘淨穢宅東谷曰  
賜宅西谷曰昧處顯與居幽彼此理相對如何君心偏祇  
羨青山黛撫景輒懷人情話出肺腑望風百韻拈擲筆一  
尊酌顧我支離甚未合新詩態荒寺寓形骸枯僧雜等輩  
閒作蚓竅鳴難擣鶴樓碎墨瀋枉頰翻毛錐未經淬良會  
要十日頓解中心痲君猶寄生生我比宴藪戴所恨俱由  
人去住蓬隨塊恐君賦歸與我亦非陳在

觀海

扶桑東下三萬里洪波際天天貼水百川日夜走大壑尾  
閭一洩杳無底倒挽逆流作潮汐乾端坤倪露尺咫日車  
月馭互吐吞啟閉昏旦頃刻爾大哉滄溟無不包探源星

黃巖集

卷二十九

詩內詩

十

宿那可紀在昔懷襄時一夜颶風起高浪駕蓬萊掀天翻  
地址浩汗瀰漫白晝昏老蛟怒吼鯨鯢靡乖龍欲睡不得  
息天矯攫擲長空裏鼉背如山映天黑恍惚樓臺現蜃市  
鼉鼉交鬪挾轟霆天吳罔象波心峙九淵陰火灼爍然惶  
惑萬怪紛如蝥此時若觀海奇特孰能擬安得挾飛仙赤  
脚層霄跂竭來快值晴明時登高放眼極渺瀰鏡面平鋪  
燦細花千帆飄颺當風駛神仙窟宅渺何許三山微茫若  
可指部婁島嶼不知處莽蒼中間點黑子壯觀於我信大  
幸眼界平生闊有此況今清晏慶九州環瀛以內平似砥  
孫恩齒劔蘇循滅樓船久不煩一矢峯頭顧盼漫自雄豪  
情宗慙未敢比願借元虛作賦才奉揚大烈彰盛美

過義城嶺

險處來如此行邊望若何鳥盤孤嶂迴雲擁亂山多兩邑  
分峯頂諸天逼嶺阿頻年經歷慣不復畏嗟峨  
與張曲江過讀書閣尋雪笠不遇

傑閣臨無地軒窗四面開扣門人不見攜手客空來山月  
懸秋鏡江潮吼夜雷閒庭與曲檻欲去重徘徊

桐廬縣

江上桐廬縣舟行指顧間人家都面水官路半依山廟古  
仙蹤杳峰高塔影閒斜陽催撥櫂宛轉入寒灣

曉過甬江浮橋

日影忽在水人聲咽似潮我來四明郡初踏江東橋繞郭

黃巖集

卷二十九

詩內編

十一

雲帆密撐天海氣遙喧喧此市井自昔說殷饒

夜赴山寺

向夜尋山寺盤迴路幾巡怪禽聲類鬼禿樹影疑人澗近  
聞泉細巖高見月真邇來味禪悅應不怕迷津

暮春卽事有懷葉生澹之陳生琴舫不至

閒門特地開門外長莓苔芳草連天暮佳人何日來寥寥  
對雨意草草送春杯不是能耽詠愁思那可裁

東澗

出門總愛絕塵氛東澗西偏石路分落日澹銜半峰雪素  
濤寒噴一溪雲閒穿竹徑貓頭見靜度山坳鳥語聞負手  
意行無遠近歸來那計及斜曛

重登海門衛墩臺

二十年間兩度來，轟空倚險此層臺。  
雲山一一今如舊，沙鳥飛飛去復回。  
海氣通天疑有雨，江聲走峽迴聞雷。  
毛錐我尚書生業，太息乘風破浪才。

江村首夏漫興

舍南舍北路橫斜，滿眼江村贍物華。  
雨後綠肥蠶豆莢，風前紅綻米囊花。  
當門屏障縣棚麥，飲澗虹霓激水車。  
我亦西疇能事者，飯牛喜見一農家。

秋郊浪走

掩卻殘書目暫停，輕披短袷出郊坰。  
長虹映日圓還缺，斷雨依山白復青。  
香稻初登雲外隴，紅菱新賣水邊亭。  
橫橋

黃巖集

卷二十九

詩內編

七

過處聞清磬，野寺僧閒早課經。

月下聞瀑

檐溜宵來忽罷鳴，中天月色盪空明。  
不知何處山泉落，更入西窗作雨聲。

山家秋興

原頭叱犢一聲聲，種麥家家趁雨晴。  
大婦束芻呼少婦，爛蒸藟蕓餉秋畊。

小澧橋道中口占

十里長亭復短亭，水邊楊柳正搖青。  
牧童一派烏鹽角，吹斷天涯客子心。

茗園詩草

牟正鵠

字仁射號樸臣道光戊子舉人

贈柏峰兄

盛世容吾拙，差能脫俗羈。童顏偏易過，老病苦難醫。詩酒銷殘骨，烟霞困弱肢。思兄真碩果，健筆永堪師。殘寮

蔡

濤原名人麟字少海諸生緣事戍邊著天香樓詩存然藜閣詩草

秋胡詠

男兒負意氣，往往輕別離。登車出門去，戀戀復奚爲。新婦奉光儀，可憐纔五日上堂。未諳姑下堂，未諳室朝來。菱花傍初試，鬢髮妝參差。紅玉撥照耀，生妍光開箱。取文繡，蘭芷襲芬芳。翡翠繡作衣，鴛鴦繡作裳。垂垂白玉佩，步步鏗琳琅。蛾眉春山笑，橫波秋水長。芙蓉生玉靨，兩耳綴明璫。妝成重攬鏡，含羞難問郎。良人急功名，不牽兒女腸。賤妾

黃巖集

卷二十九

詩內編

三

重節義，豈惜別離傷。所嗟高堂上，姑老鬢垂蒼。秋風倚閭，歎春風倚門。望新婦，雖左右思兒，不可忘。願以告君子，欲語懼成狂。含意不自申，日暮愁空房。功名雖云急，此時何匆忙。不惜姑年暮，豈惜妾新娶。忍哉秋胡子，徒爲蕩子耳。悲哉采桑人，竟爲蕩子死。

擬郭景純遊僊詩

憂患生道心，風塵脫至理。青春日夕佳，芳洲采蘅芷。酌醪平我情，彈琴和我聲。一身稊米重，萬事羽毛輕。崑崙在人世，勿爲妻子縈。

冥海棗如瓜，鍾山李如瓶。朝騎赤鯨去，夕駕還鯤溟。琅琊千歲公，遲我阜鄉亭。瑤池宴金母，天門謁歲星。叩頭乞長

生飛身列僊卿大道邈無形至言不可聽滄浪三萬里長  
風吹冥冥

黃楊

黃楊君子木難進而易退槐芽簇勻圓歲暮亦作態春風  
不開花坐此無人愛孤心願卒攀寂歷勞相對

暮發岷縣懷張松居夫子并寄王蔚三

朝辭斑竹驛暮發柳樹灘清江駛飛鳥布帆報平安孤月  
出雲端夜氣正渺漫仰睇河漢迴俯覺風露寒燈火出煙  
樹數邨臨江千人語忽已遠峯嶺更千盤悲思從何來眼  
前少素歡豈無儔侶人願盼形影單遂初時有數漫遊興  
漸闌寄書六六鱗願言勸加餐

黃巖集

卷二十九

詩內編

古

團扇歌

皎皎齊紈扇出自機中絲機中絲何如願憶纏綿時裁成  
合歡好可惜秋風早夫言恩愛深篋笥當重尋珍重奉光  
儀爲歡亦有時恩深千載近愛絕咫尺違常怨萋菲多中  
道不自持妾如孤生根霜霰安所辭君如千尋木蔦蘿蔓  
方滋努力思古人蟲網何足疑

陳江洲司馬署中食黃蚶子

歲暮不白聊明州食瓦屋百錢掛杖頭三日欣果腹此物  
勝蛤蜊入口較清馥如何龜殼人捨梁而啜菽故鄉風味  
饒厨鯖徧海族獨茲貴而稀殼小更肉縮夙聞奉化佳往  
往大一掬羅羅列肩渠渾沌玉在櫝呼吸甘露漿天鸞爨

清淑手剝如流朱火燒忌太熟莫養遺青郎霄盡變老伏  
持瓏恣咀嚼不用持螯複把盃當雪天能忘旅懷感使君  
信佳人喜我客不速開觴羅珍羞賤彼蚶田築我笑謂使  
君何得常味畜鮓魚苦不鮮江柱嫌無肉兼斯良獨難請  
君味魁陸

天香樓詩存

雜詩寄西溪隱者

高樹鳴螭蟾清谿下鷗鷺荷花開曉日晚風落無數丈夫  
亦有志安能語行路青山濺雨來白水流雲度蹉跎人世  
難颯颯秋風暮

江河日夜下志士多苦心手中千尺繩願繫白日陰天門  
叫詖蕩百世同霑襟終懷卞氏璧豈絕牙生琴高鴻翔冥  
黃巖集

卷三九

詩內編

圭

冥長笑戴澤尋

下方廣觀瀑歌

名山轉轉開生面瀑勢上下鬪奇變上如宿海倒瀉牛女  
邊下如匹練橫空落九天曇花亭前觀不足日斜更就下  
方宿洪濤徹夜春遊魂急水明朝盪客目回風慘切萬壑  
哀飛雨濺袂青天來烟霞破碎雲錦堆忽然霧朗朝敞開  
矯如羣帝驂翔龍急如萬箭離瑀弓色如雪山劃青嶂聲  
如巨霆行地中三百餘峰競輪納令我魄奪雙耳聾石橋  
之觀固大觀至此更作觀止歎青蓮玉局到廬山可憐未  
叩赤城關徐凝惡詩洗不得我方高咏忘汗顏何時更到

龍湫下回首天台指顧間

錢塘龍子歌

箕星作尾大角頭蒼龍偃卧銀河秋神物有意隨波流屈  
信震號烟霞逾胡爲失足同泥鰕密網徧地爲君憂昂頭  
赤霄如有求跋尾汗滓知何尤江潮咫尺不汝畱老蛟暗  
泣魚蝦羞鳳凰麒麟俱不見青天白日獨出遊吁嗟龍兮  
慎爾謀青蠅蚊蚋紛相投忍伏鱗甲安坑溝皇天謫限原  
有數寒宵霹靂青雲路

水歎寄西谿隱者

龍泓之水天下名葛婆郭公甘而清西湖千頃琉璃碧婦  
兒信手翻餅罌天地不愛寶名都沾漑足况賴李鄴侯內  
外判清濁杭人愛飲不愛泉大缸小缸溜滴穿不辨冽齒

黃巖集

卷二十九

詩內編

去

冷出石共矜果腹膏自天雀糞貓溺襍蟲涎穢氣薰炙腥  
而羶疔瘡痧毒紛牽連坐視西湖湮塞爲葑田古井漫廢  
不可傳嗚呼龍井茶虎跑水芒鞋問奇逕千里皇天清福  
待仙子吳兒齷齪胡爲爾

然黎閣詩集

秦吉了曲

吉了哥吉了哥朝嶺南暮黃河獻與君王媚素娥失其故  
雌涕滂沱誓死不食玉山禾吉了哥廉邕諸山凡鳥多人  
舌人言奈爾何

飛泉峰醉歌行

玉龍兩條破空碧懸巖倒飛落千尺沿流犬牙又怪壁側  
緣壁縫跨壁脊清風微扇蘅杜芳靈鳥飛語青冥鄉煙開

霞散引遙望天台雁宕渺莽蒼老僧碧眼識我狂貫酒燒  
筍控紅薑手持一瓶勸客醉醉後探奇共把臂山青青兮  
水迢迢雨冷冷兮風蕭蕭緱城化鶴千年後不見僊人王  
子喬子華臺在何許漂狐市鼈平等觀人之無良吾誰與  
熙連河上金縷衣拘尸城邊逝不歸隻履作花開五葉二  
百年後傳鐙微老僧大膽欲作佛鏡臺迦樹勤勤拂二何  
二邨會有期不如且進杯中物杯中物手莫停吾身天地  
之委形醉倒便枕玻瓈瓶夢入泉聲忽驚醒翻然坐對羣  
峰青

觀打魚歌

庚氏策策辛堂堂洛鯉溫鯽伊之魴青田湯谿開魚倉橫

黃巖集

卷二十九

詩內編

七

沉四面絕大綱恒河七衆無盡藏或沒或出羣相忘鯽鱸  
性弱鱣鮪強抱沙附土亦洋洋楊花已過棟子香湖蕩清  
冷廣難量揚髻掉尾水雲鄉生斯族斯永無傷罟師大網  
截滄浪百人共舉圍輕航更有小網守四旁長竿攬洞勢  
探囊漲沙沸浪湖如湯幸脫刀俎身覺妨吁嗟乎魚伯已  
去忽雷亡散飯羅線紛披猖海多打住空悽惶章安健兒  
失跳梁三山梵號不可禳杯渡雙牛恐跟踉魚乎魚乎爾  
何不越山縱海遠避池中殃龍門三月春潮長霹靂一聲  
凌雲翔

冷華雲席上話丁巳歲洪潮

雲憑憑風冥冥青天白日鬪雷電空中飛下雙神靈海濱

多怪物言之口欲吃東溟之水上天去其聲洪洪喧遠處  
丁巳七月十七之清晨東北黃雲薄飛絮日暮黑氣海上  
來千乘萬騎馳驟爭喧逐潮頭高似山中雜火點紅斑斑  
捲人吞地落海去翻將蛟龍居人間新安去蕩四十里風  
刃雨箭射人當之無不立靡水色連天滿天紅潮頭角立  
鬪北風空中神物呻嚶鳴更有鏗鏘觸甲兵大人小兒一  
齊伏地不敢聲連舍廣廈岌岌如欲傾此時上帝鑒慘感  
哀哉海隅百里盡沈溺便驅雲龍海中歸雷公夜半收霹  
靂開門視天見天高南風吹晴聲颼颼登樓望水水壁立  
鬼火燐燐聞鬼泣新安水頭三尺半蕩中水頭高無算明  
朝買舟弔溺死高不見青山遠不見涯涘但見洪浪茫茫

黃巖集

卷二十九

詩內編

六

滾滾尸浮水舟人得雙魚中有青葱指更聞隣舟獲長鮪  
烹之乃見小兒耳嗚呼天地本至仁忍將人肉餐飢鱗人  
言大數不可避凡我蕩人命如寄祇今秋夏之交北風起  
蕩人空屋而奔譁叫洪潮至

三賢堂歌送桂公遊天台

豐干被髮一布裘空山騎虎桂子秋水壺水月叫窗猴照  
膽古鏡寒雙眸五臺獨行誰同流寒山禪冠木屐遊偶然  
路次逢趙州笑問上座還識牛應真五百卓錫畱蒼天蒼  
天如此不捨得掃地何時休東家舉哀西家愁竺方淨土  
歸無由聚頭作相爾何求大德且定千巖幽

錢忠懿王銅瑱歌呈劉金門侍郎

拘尸那竭佛泥洹誰分舍利婆羅門八萬四千國各一各  
立浮圖供世尊忠懿石鏡英雄孫心識天命朝帝闈夢中  
彩線圍使宅更思造福消三幡不爲婆樓履石跡非關收  
骨流脂痕童奴煮汗畢嵐鑄鑄就當時寶璫數其高六寸  
重二斤中鏤吳越丁卯句時烘陽燧照日輪不結禪枝種  
心樹寶石山前歷劫存鬼國會中幾座付至今千載劫化  
餘柰苑祇園時一遇

爲黃壺舟題芙蓉圖二首

芙蓉主者石曼卿君胡其然欲與爭橫湖秋艷照錦城往  
而從之水盈盈秋風搖落團扇驚芙蓉鮮鮮弄曉晴且歌  
此曲來相迎

黃巖集

卷二十九

詩內編

九

芙蓉主者丁觀文此時顏色却爲君可憐一別更不聞千  
重萬重台山雲江頭醉客來夕曛張燈看畫思紛紛且竟  
此曲通殷勤

天香樓詩存

渭南行

深渾渭水馬不前堯門山上白日懸牆頭野菊芳且鮮偏  
與蘿薜交纏綿長安美酒斗十千白玉樽玳筵美人二  
八驚鴻翩撚花緩步躡輪璫鳳釵婀娜回首看紅巾奉酒  
壽萬年少壯不努力老大華其顛從軍四千里脈脈行路  
邊渭南行家何處回頭看君君且去

戊秦紀程

涼雨有所思

涼雨唳竹雞野花開白梨蕭然坐蒼暝漸見海雲低夫子

遠行役近聞過竹西平生具搏翮莫惜一枝栖

送松居夫子回家弟人驢處

酒龍睡不醒二固花冥冥夫子欲歸去橫江獨揚舫中流  
雙槳綠夾岸萬山青因憶紫荆發淒然詠脊令

夜起

姑惡嗥將曉山風忽啟扉水流明月活雲積綠陰肥舊境  
驚真是回頭恍覺非汀洲孤雁起相狎莫相違

郡城送別趙梅泉

江上萬山青江頭送客亭稍遲碧雲馬來費朱提瓶氣盛  
書當讀言多酒莫醒赤城沃洲路援嘯最堪聽

和路竹癡秋夜登廣陵城見寄

黃巖集

卷二十九

詩內編

三

明月二分夜青山一髮秋登城終古意極目大江流故國  
螢飛苑天涯客繫舟遙知竹西路歌吹有人畱

九日吳山卽事奉懷劉金門侍郎

骨肉千山外知交一劍孤大江風雨氣斜日鬱紆途舉酒  
向空灑斯人非我徒紫髯翁不見雙淚漬模糊

天香樓詩存

送友人入蜀

菽水巽猶恥從茲萬里經王陽真叱馭張載偶題銘天府  
開圖畫人家住杳冥白頭燈下淚并入夜援聽

寄天台雲公

心事憑誰論相思正渺然一燈寒照雨萬竹亂敲烟水落  
魚梁闕雲低岳勢連知公飛錫處孤月嶺頭圓

砧聲

明月生秋意砧聲一片寒浮雲低薄暮落葉滿長安挾纊  
恩偏重同仇志莫闌嫖姚無內顧擣盡此心酸

二十日行七十里宿店主人勸飲作詩酬之

聞道黽池險雞鳴早度關秋風吹澗水落日望韶山小市  
酒偏好安眠夢亦閒感君非舊識苦口視歸還

廿七日出潼關

百二金城地初來見此關河聲分晉豫山勢俯瀛寰車馬  
重門隘樓臺列館閒居庸更天險北望彩雲間

寄別王玉貞

絡絲聲裏一鐙畱別後時時夢小樓壯海雲濤當晝永空

黃巖集

卷二十九

詩內編

五

山風雨閉門秋歸來寶劍無青眼誤入圍扉竟白頭明日  
不須向西哭三年尊酒話秦州

偃師題壁

江雲漠漠粟生肌斗酒無端心事違明月不畱緱氏鶴秋  
風初偃首陽薇河聲高下歸吳楚嶽色青冥露翠微多少  
千秋憑弔事題詩正恐是知希

初四日至藍田

藍田山水天下奇夙昔開圖夢見之豈知垂老過千嶺但  
復窮途託一枝當日王裴同灑落至今風雨起懷思江南  
迢遞煙雲外尊酒開顏與爾期

一谿遶郭萬山圍回首家鄉意未違嶺樹行人同上下川

雲去鳥遞翻飛霜寒玉杵仙應嫁雪霽藍關客亦歸憂樂  
由來天命在此心平等澹忘機 戊秦紀程

寄太平王志妝兄弟

錢塘東去海門開萬里烟雲赴酒盃小洞桃花春有路深  
堂夜月醉初回孟公披豁猶驚座季子溫良不露才獨憶  
戴山吟嘯處秋風驪首讀書臺

九日

尊酒重陽散客愁東南雲物望中收美人紅袖親簪菊名  
士青衫獨上樓牛斗之閒生劍氣江山如此少英流尋常  
燕蝠還相黜醉入華胥任謬悠 然藜閣集

又思園懷古

黃巖集

卷二十九

詩內編

三

舊是谿山第一天每從湖海憶前賢空堂風雨客初散明  
月亭臺人未眠當日胸懷同灑落至今雲水尚澄鮮雙巾  
二固俱無恙獨問金城種樹年

枕上率成呈陶補雲并寄王蔚三

幾陳蕭騷涼雨侵數聲啁哳候蟲吟每愁客枕偏難曙况  
是宵情易動心鄉國故人魚雁小湖山秋色水雲深龍門  
風浪高難躍遠愧黃雞唱曉音

過苾蘿村呈陶補雲

苾蘿村前野草青苾蘿村畔水泠泠沙際猶餘擣紗石吳  
鉤越劍俱凋零山雲千載花容杳江月三更客夢醒唱到  
梧宮愁欲斷那能湖上復揚舲

鏡湖舟中

君采湘湖蓴我夢鏡湖月湖月欲沈波西陵曉鐘發

錢江舟中

明月照江清紅日照江平揚帆渡江去遙望海雲生

途中八絕錄三

無風江如砥有浪江如山日暮碧雲合同頭天際看

輕桴下清谿萬山去一瞬雙巾卓亭亭又入蓬萊郡

入門嬾下輿腸斷妻孥面死生契濶心執手復相見

燃藜閣詩

唵縣

谿迴見人家岸斷聞猿嘯漠漠暝煙生纖月時孤照

長虹橋

黃巖集

卷二十九

詩內編

三

扁舟過長虹急雨篷背響須臾崩雲開孤月嶺頭上

題陳秀林畫冊

黃筌傅色如輕煙趙昌調露更澄鮮陳生刺花亦精絕閒

作冬蕉學輞川天香樓詩存

道光甲午遣戍陝西別妻妹二首

二十年來貧入骨四千里外老從軍不知此去因何事試

仰青天問白雲

妻孥此去真爲累淚盡尊前撒手行寂寞馬頭山下坐一

鉤殘月夜潮生

珠龍橋旅店

淮南山光遠霏微淮南水色藍離衣女兒雙行白於玉斜

風細雨催郎歸 皮素紀程

台城竹枝詞八首錄四

皇華塢下梓橦祠  
海棠欲開雨絲絲  
更來不浪舟中坐  
兩樹荆桃紅壓枝

鄭家鞞紅爛漫  
開陳家西紫錦  
成堆客中看花更  
憔悴暫貴金貂醉幾回

東湖柳花飛作團  
湖邊女郎工織紉  
雙鬟嬌小垂手可  
憐咫尺難爲歡

半江樓前潮欲平  
留賢祠前江正清  
君家東頭儂北舍  
兩邊清濁鎮分明

自郡城至清谿

黃巖集

卷二十九

詩內編

十四

蒼厓夾岸蘸玻璃  
往往深菁聞竹雞  
不見哦詩郗惠脫  
輕桴百曲上清谿 天香樓詩存

論詩十首錄四

庾信蘭若看翡翠  
惠連朝日擢芙蓉  
河梁五字無人繼  
獨有窮途老嗣宗

大陸才多奈爾何  
濫觴光祿盡頽波  
獨流真意陶彭澤  
未許羣兒更揣摩

天馬行空不受羈  
龍光虎氣美人姿  
案頭風雨鬼神入  
擺落皮毛下筆時

事不關心莫浪爲  
文章工拙判毫釐  
由他歌泣千年後  
且聽天機活潑時 然藜閣集

畱別吳中張秀生

翩然小住近蓬萊兩月蘇臺夢未回當世論詩君僅見到  
門問字我頻來久知王謝多通籍難得機雲共愛才自笑  
山人甘索處爲桃花復轉天台

梓里詩存

夏

疇字子範又字鐵瓢號少霞著培風閣詩鈔

詠懷二首

后皇有嘉樹受命生南國綠葉紛素榮曾枝銳剌棘圓果  
搏青黃文章爛雕飾任道本深固壹志難徙植夏王厥包  
貢矜寵待申錫嗟爾內精白幼歲可師式委身落玉盤豈  
必冀見食卽今霜雪賀蘇世仍獨立變枳弗爲良常恐踰  
黃巖集

卷二十九

詩內編

五

淮北木性不天飛何能借羽翼

少小鷹猛氣高情薄天浮鹽車上峻坂中路蹶驂驅撫劍  
橫四海周章覽冀州草荒碣館沒雲護金臺幽何由獻十  
璞祇是敝蘇裘東登曲江渚濤白廣陵秋回首蒼梧帝湘  
娥瑟正愁幽山有桂樹歲暮聊淹畱

過天姥山題太白碑陰

靈域秘罕素雲君隱難儀世無鈞鼇客金闕罡風吹服棧  
薄炎熾駭汗渡迴溪天籟灑空翠山光滌塵淄叢篁撒蒸  
暑澄潭媚幽姿攬葛憇危石剔蘚摩荒碑飛鳥尙遺跡騰  
虵終化灰胡事構天網鍛翮掩莫舒納精遯六闕浪神戲  
九垓勞生竟夢夢白鹿待誰騎

擬古

南巢有神鳥翠彩爛若雲摩天鍛羽翩哀鳴求匹羣之子  
懷婉變醅醲醉我心飛龍調既諧遂啓錦囊琴相去不咫  
尺邈若商與參憑虛發朗嘯流風激蘭襟我有明月珠持  
以贈佳人無因驟向前恐生按劍嗔幽桂發丹萼馨香上  
秋旻安得菖蒲花療我飢渴忱

嬌兒行

黃也我嬌兒雙瞳如點漆山妻遲得之寶過連城璧醜面  
祝花紅紅勝桃花色此雖緇襍物亦足慰岑寂听然學爲  
父嚴命若雞蹠願兒寶精神甯固弗外溢譬彼草木荄根  
深枝日茁讀書貴知恥慎弗虧昭質仁義敵富貴功勳輕

黃巖集

卷二十九

詩內編

五

翰墨老莊尙虛無孫吳恣詭譎辯慧入道姿遂造聖賢室  
乃欲次第舉瑣碎難具述山妻顧兒笑笑我詒謀拙人生  
居世間衣食當須急不如向東菑把鋤學稼穡四體雖云  
劬終年曾獲實勿效而翁狂其狂不可及嬌兒顧嬰儻  
爾呱呱泣

對兒相見嶺

朝上相見嶺春流鳴濺濺暮上相見嶺春花飛片片朝朝  
復暮暮何意人心變焚我紫香囊還君白團扇相見不相  
知不如不相見

夜坐吟

嚴風肅幌露霑圍佳人幽意託芳蓀一鬢賤售五百萬翠

蓋銀鞍坐塗炭夜半釭花豔豔紅驪珠睽暘玉盤龍黃鐘  
琵琶大帛裂淵池忽躍裝賓鐵十二寒鐘吼冷霜嬌眸炯  
炯流電光雙鳴銅雀驕威鳳相思明月勞飛夢

扶風豪士歌

扶風豪士真豪賢左擁繁弱右龍淵抱膝長吟挫夙志意  
氣直欲陵雲天巨鰲不斬海水沸刺手欲捕河無船文則  
集衆武禦寇當世誰並稷苴肩白馬金羈燕趙客吳鉤錦  
帶珊瑚鞭春風結客少年場尺鐵崔涯何足言竊笑重瞳  
萬人敵勁挽顏高六鈞弦手搏飛猱扼雕虎電光掉舌燦  
秋蓮燕雀豈知鴻鵠志馳峰馬背怪相喧棘削獼猴雕蟲  
技魯儒何物圖凌烟不見聞雞起舞人着鞭嘗怵他人先

黃巖集

卷二十九

詩內編

三

揚家子雲空自苦白首蜀中草太元

野田黃雀行

飢不作鷹鷂志遊不從鴻鵠飛鴻鵠高飛遯四海一朝失  
路將安歸野株原粒舊棲啄十步返顧五迴疑此身不足  
膏鼎俎挾彈空辱隋侯珠玉山青鳥倘見顧請從此逝崑  
崙西

題天池畫山水障歌爲黃浩然作

閭闔秋聲動蕭瑟洞庭始波木葉脫青藤老仙筆底生江  
山對之此身直到神仙窟江山連縣煙霧開林巒窈窕巖  
壑迴虬幹百尺聳崖角憑軒一聽松風來杖策招隱天灝  
灝滄浪鼓棹漁歌淼何事紅塵走洛陽角巾匹馬荒山道

謝客逸興陵風霄清暉幽氣滿懷抱野亭春環灌莽密石  
磴滴翠苔不掃板橋北去路透邈誅茅架屋江之湄幽人  
卜築此爲美插槿當墉柴作扉中峰崢嶸臨迴谿空中結  
構仙人居琳宮北闕生光暉飛棟下臨黃鶴飛火輪未出  
叫天雞往往鐘聲落翠微狂走平生好奇古披圖獨識匠  
心苦煙霞繞筆手生風淋漓潑墨贈黃公黃公最得壺公  
秘賣藥都市日遊戲壺公壺中別自有天地江山迥異人  
間世

混沌

元珠求赤水象罔已經年洗盡鉛華態完吾混沌天紅雲  
擁朝日碧水淨秋蓮曠望浮漚際齊州九點煙

黃巖集

卷二十九

詩內編

天

蕭瑟

蕭瑟秋爲氣悲心未肯降蘆花飛楚澤楓葉冷吳江避世  
唯名朔全家本姓龐滄洲可嘯傲會上木蘭艤

春夜林五翼過訪

春風度落梅春草長蒿萊暮下蕭蕭雨寒藏殷殷雷夢影  
搖紅燭心花爛綠醅澹交賤甘醴含笑問林回  
題故蔡處士去疾籟凡芙蓉亭遺集

鳳泊鸞飄志不平天台狂客舊詞名迷花頓索凌雲氣縱  
酒逾酣擊筑聲萬里寒空孤雁警一天秋水斷霞明共傳  
曼倩詼諧習奈識中郎音律精

送也秋歸天台

道士世居白蘋洲能詩超興理感無人間煙火氣  
自言平生好結客又性愛菊東軒笑傲豪翰滿堂  
忽披髮入天台熊經鳥伸於今閱四寒暑矣俊邁  
之氣尙躍然眉宇間此豈枯槁士哉於其行也狂  
走不可無詩賦以贈之兼呈乃昆春谷道士  
太華峰頭十丈蓮天台道士思超然不須採藥遊三島直  
欲騎龍上九天北海豪情樽酒外南山真意菊花前靈香  
今下兩王子我便因之侍列仙

泊舟韓莊閘

儻遊瓠客感離羣釀酒臨風日又曛獻策誰收賈太傅登  
艫空憶謝將軍漳流近接渾河氣海水遙蒸泰岱雲極目  
黃巖集

卷二十九

詩內編

无

江南哀思滿吉占何處問靈氛

登城南鮑雲遠鴻書樓秋眺

樓爲勝國某尚書故第雲遠葺而居之四望斷井  
積垣荒煙蔓草惟此樓巋然獨存

尚書高閣俯荒坡衰草斜暉雨歇時無數水禽浴清淺等  
閒飛上白楊枝

培風閣詩鈔

張夢禹

字舜卿道光丁酉舉人

題米船樓

四壁琳瑯八詠聯同時李郭快登仙雄心乍擬乘風去逸  
趣還欣得月先每羨好奇搜鐵網遙知稽古獲珠船此中  
亦有濠梁意一度憑欄一恍然

米船樓題詞

葉樹元

字以正號香雨廩生著橋香居草

送王洛東蔡駕山朱雲岳之杭

三年光景速如流文戰難從舊匹儔  
鵬影遠盤仙島月雁聲孤落海門秋  
定知駿馬難重絆敢謂明珠獨暗投  
難得少年皆順遂諸君努力占先籌

麻衣如雪壯年身夜雨雞鳴事不均  
明鏡自持憐黑髮孤桐不爨賸閉身  
天心爲展窮經日人意難忘見獵辰  
得捷故交休抱愧劉蕡有策未曾陳

雙研齋瑣鈔

蘆花帚和夏寶田先生

縛竹編茅品不同此生只合傍詩翁  
到門乍勝浮家興掃地猶餘捲絮風  
秋水前身塵不染西河弟子句皆工  
藕絲

黃巖集

卷二十九

詩內編

手

藏裏人安雅羨煞簾前捧帚僮

梓里詩存

朱廷簡

字文卿號雲岳道光中歲貢

采棉歌

台之澣橘之浦采棉女兒皆勤苦  
左手攜籃右手籬紅裙白袷草上過  
前者擊節後者歌隄畔無心唱落荷  
荷葉折蓼花綴棉花朵朵白如雪分付  
兒童指細收莫剩餘花傷鼠竊采棉不  
比采桑時春風桃李最凝思女郎終日  
間情多忘却桑枝折柳枝秋來寒氣隨  
風度采取此花當白露多少工夫織得  
成勤苦還愁歲已暮說與世間靡麗子  
切莫著錦不著素

姜志彙

王蔚林

字柳城廩生著柳城詩草

茉莉

茉莉出波斯近世傳兩粵劉鋹昔割據小南強自伐枝葉  
易扶疎芳馨常發越獨抱愛日心酷暑自蓬勃夏五及杪  
秋英華無消歇花可助晨妝氣能清暑月靜坐夜涼深新  
香沁肌骨惜不耐歲寒保護須營窟更畏春風吹澆肥不  
嫌汨遙贈我故人鼻觀驚飄忽配以魚子蘭兩情兼醖醖  
寒梅聘海棠嘉耦託恍惚韻事笑古賢比例苦倉猝盈石  
勤護持堪補白華闕

愁見

愁見風波嬾問津三年株守樂天真名山久別添新夢華  
屋重遊感故人紙貴一林常種柿羹香每飯自烹菘落花  
似有他生福片片隨風落錦茵

黃巖集

卷三九

詩內編

三

老年寄月泉

雁陣南翔彩色鮮樹猶如此意忻然淮南木落空惆悵坐  
對秋光學少年

柳城詩草

方

字矩平號治菴布衣著石我師齋稿

自題石交圖二首

五色煨雲根補罅誰曾見秋雨逗終古東南缺一線烏兔  
日夜馳寒燠昏旦變時代幾滄桑人生若流電我有萬礪  
碩欲乞媯皇煉

洪鈞鑄萬象山靈憑寫照造化窮端倪鑿破混沌竅古蘇  
繡巉空奇幻自相肖詩骨銘三生騷壇徵二妙袍笏呼米

顛再拜證同調靈氣鬱礪礪展卷窺窈窕勢危雲欲崩撲  
完君不老生面各殊開貞心同自抱渭北感春雲江南思  
芳草俯仰平生交離居嗟遠道

石交圖題詠

送姚梅伯歸甬上

湖海同爲客相逢各愛才論交懷管鮑作賦羨鄒枚江樹  
連天遠蘭舟帶雨開滔滔此流水送客幾時回

蘭如集

題探梅圖

一徑衝寒去高吟興自賒荒雲籠樹遠流水抱山斜隔浦

猶疑雪穿林始見花飄然塵外客踏遍好煙霞

石我師齋稟

王九疇

字章元號洛東歲貢

偕友人游委羽洞天

黃巖集

卷二十九

詩內編

三

仙人跨鶴去招鶴不歸來苔蝕丹砂隱花遲鐵樹開難逢

閨苑客共泛紫霞杯還問三生石因緣笑語陪

委羽山續志

王承弼

字雲卿號莘農副貢

偕家壽田山行

積陰池館冷過客履綦稀清晨弄晴色攜手登翠微危橋  
支古渡霜葉遮荆扉荒徑蕎麥熟野廟虬松肥透迤過小  
嶺盤旋綠澗碕奇峯拔天起界瀑抱村飛茅屋四五座沙  
畝犖确微崖陰多悲風山隙來斜暉舍此陟高岡川原任  
指揮東眺大海邇南望街衢迷龍堂極幽敞午炊香靄霏  
一飽仙家飯徘徊欲忘歸

怪物行

穹窿一壽十萬年蕊珠大嚼桃花眠電光不復照九淵毒  
霧盤礴參雲煙孕育怪物殊方員不辨頭目舞刑天白日  
騎虎風腥羶呼吸日月海倒懸魑魅魍魎相後先九首鬼  
車稅芝田八萬毛竅箭鋒鋸巧射流影漫魑躑躅錢神膽落  
攀因緣能生死人血食鮮十丈大燾海國塞木客升歌山  
魑弦日打妖鼓聲齶齶詹尹抱著口貢妍亦堯亦舜亦聖  
賢非人非鬼非神仙三台寶籙授秘傳閻摩天子稱無權  
須臾玉宸夢嬰然急呼雷部擲火鞭揚灰滄海毋遲延掃  
除醜類道平平釣天廣樂張帝筵

食楊梅有感

朱盤突兀明火齊瓊漿亂濺脂痕麗陰崖寒谷懸明星槐  
黃巖集

卷二九

詩內編

三

市芸窻拜嘉惠記得方山寶鼎峯佳城望氣正葱葱中有  
楊梅四百樹五月結子雙蓬紅梅仙聯袂翠微上山人支  
茅丹壁中非惟張錦圍墓田兼可薦新報祖宗不道三年  
歌削迹全家猶作他鄉客雲際故山到眼青海邊遊客搔  
頭白清明莫掃紙錢灰端陽猶是啖楊梅滿襟汗漬杜鵑  
血回頭使我心肝摧

味橄軒草

閏五月廿七日大雨後詩

雨勢翻盆急風聲挾樹顛黑雲吹墮海紅日圻當天泗水  
農撈穀登樓客禁煙帝心仁愛甚還望轉豐年

和姜亦農原韻

莫窺齊物意妙論愧莊周三歲仍爲客他鄉不解憂波濤

龍蟄海風雨劍鳴韞况是逢天寶酸吟飲白頭

故態狂奴在譚兵杜牧之謀生心計拙憂國鬢華滋薄俗  
不通問先生獨寄詩浣花音律在豪竹與哀絃

乙未新歲試筆

最是鄉居好登樓眺望中遠山殘雪白大海曙雲紅俗儉  
通情易春晴卜歲豐宗親椒酒會猶有古時風

龍川書屋詩

古殿氣蕭森琴書締賞音樓高觀日出海闊聽龍吟風雨  
頻離合滄桑遞古今神山原咫尺不待挂帆尋

劉向漫傳經高樓醉眼醒村煙低界白海與遠浮青鷺立  
江光靜龍歸雨氣腥好風聞鵲喜春日滿疏櫺

黃巖集

卷二十九

詩內編

三

寄商民

芳草綠如此美人期不來野田飛白鷺細雨熟黃梅簫鼓  
樂公社藤蘿信國臺買鄰須十萬故里任蒿萊

三月十九日詩

雷日煤山事可傷金烏一墮國淪亡可憐遺老過寒食猶  
說生天是太陽明社壞墻俱寂寞浮屠新識振琳琅滄桑  
三百餘年事壽宇從教啟入荒

台嶽狂吟三十首錄六

江北江南戰血紅鬱盤台嶽解兵戎蘇秦奇計思圖霸王  
剪奴才喜得雄遂使蠶叢馳鐵騎却教鳳尾竄龐艘萬家  
士女胡家將多付咸陽一炬中

曾聞君子六千人猿鶴沙蟲想化身千里迢迢勞尾賊孤  
軍慷慨保遺民梅花井畔埋忠骨椒葉江頭怨佞臣金帶  
橋心嗚咽水尙餘叱咤馬蹏頻

盧生夢已熟黃梁帝里歸來又戰場慷慨誓師瀝牲血倉  
皇列陣扼羊腸目迷咫尺崑尤霧勢失千尋處豹岡惟有  
同心戴安道瑄瑄鐵骨衛山莊  
犒賊弦高強結歡東南民命恃新安帝王升降傳天父山  
海公私屬烏官巡察有期人走竄誅求無藝淚汎瀾市中  
最說王敦惡斷脰常將刈草看

寇來從不統熊羆虜去旋聞報捷旗不信相如能作賦誰  
知烏有亦工詞全家忠勇楊無敵滿腹韜鈴李藥師想是

黃巖集

卷二十九

詩內編

五

大沈山閣卧夢成幻境話迷離

陶穀祇知工剽竊黃巢端合好携蒲偶因吞篆雄心起全  
爲耽花壯志無忽遣神符收破鏡又從飛劍斬妖狐不如  
屠狗持螯客間道奇兵亦要圖

蘭桂齊芳齋詩草

泛舟澄江沂葭渚而歸

浮屠高揭女牆低桃柳陰陰殿閣迷我自輕帆沂葭渚斷  
腸春色翠屏西

味橄軒詩草

牟式鵠

冬夜卽事

沈沈小院寂無譁高卧琴床一枕斜最是多情窗外月引

將清夢到梅花

姜志稿

牟

榕字蔭田號春渠著植桂軒詩草

聽松樓

鼓嶼山人愛聽松結樓恰在山之東人言此山名土鼓呼  
童叩之聲逢逢開窗看山山色好橫亘一朵青芙蓉蕭然  
萬籟常四起鎮日耳畔聞天風有時細浪發幽谷非石非  
竹非絲桐繼而忽作怒濤湧是何意態傑且雄疑是飛泉  
天際瀉頃刻翻倒鮫人宮誰知乃是君子樹影搖千尺動  
虬龍我暫登樓心颯爽亂雲鋪地溼濛濛醉眼昏昏如夢  
覺清聲激越在空中牧笛一聲牛背穩斜陽半縷晚煙紅  
數椽古寺翠微下梵音高妙徹高峯如是樓居卽仙宅佳  
哉此境我罕逢植桂軒詩草

黃巖集

卷二十九

詩內編

美

姜文衡

字亦農道光庚子貢著北山詩文鈔

古意

酌酒一長嘯浩歌彈素琴豈不希古調獨絃不成音鍾期  
既遼遠流水難重尋悠悠百世上寤言寄幽襟

雀啄燕雛

燕子巢我屋辛苦養衆雛雌雄迭飼哺往來晨及晡衆雛  
漸長大鵲音吹笙竽黃雀伺隙入利嘴如大烏採取恣啄  
食死者剩殘膚生者皆戢戢伏巢血模糊雙燕入巢視延  
頸鳴無辜其一若禦寇三匝繞梁隅其一若伏卵覆翼俟  
其甦飛者不停息守者張目盱尾羽旣鍛敵顏色亦焦枯  
黃雀猶耽耽時復來往狙余時注目久感慨發嗟吁鴟鴞

競取子由來所性殊燕雀本同類林間追逐俱大廈交相  
賀得食羣相呼胡乃忍吞噬不念彼卒瘁良爲貪所使殘  
忍毒如荼安得王孫彈斃爾充庖厨安得呼義鵲復仇快  
壯圖既復啞然笑胡爲是區區人情有反覆況乃微禽愚  
擬古  
凍雨灑飛塵北風撼四壁陰雲蔽山阿老樹猿嘯急野水  
層冰堅哀鴻何所集遊子寒無衣遠道多荆棘日暮將安  
之寒江披簑笠

荀氏女

卉木生連理禽鳥愛雙棲連理根相結雙棲巢不移荀氏  
有好女玉質蘭蕙姿才藝世希有懿範尤無違擇婿得陰

黃巖集

卷二十九

詩內編

七

耶阿母親結褵伉儷一以篤恩愛終不虧不圖遵閔凶十  
九守空閨獨旦心斷絕黃泉矢相隨父母奪我志再欲訂  
佳期兒幸出宦族幼讀柏舟詩結髮爲夫婦陰郎實我儀  
華山死同穴府吏尙有妻父母不見聽更欲詐要之婢僕  
三四至謂言母病危不得違親意欲行恐節墮懷刃辭家  
去入門萬事非便欲齒白刃防護不得施郭家來娶婦采  
輪駕織離錦袖何燦爛翠蓋自葳蕤倉皇女無計幡然有  
所思脫我縞素服著我繡羅衣頭上金爵釵足下繫履絲  
耳瑤藍田玉腰褱壓珠璣環珮聲出戶登車容有暉父母  
大歡悅郭家喜和諧婦車至門首諸粲迓庭階洞房陳燕  
喜四角張九微慷慨共言笑嚴正中自持郭生終夜坐不

敢出褻辭達曙呼侍女爲我蘭湯浴蘭湯未及浴命盡投  
纒時屏上有筆迹願還陰氏尸女行得如此千秋彤史垂  
陋彼蔡氏女文學亦何爲

破鏡行

玉樹後庭歌未歇金陵正氣俄消滅可憐公主出金閨茵  
溷隨風飄落葉憶自徐郎初畫眉鴛鴦竝宿燕雙棲一朝  
江北烽煙起感損雙蛾有鏡知天上有鏡不長圓人間有  
鏡能無缺劃開秋水割菱花從此與郎相訣絕世事滄桑  
春復秋良人萍梗幾漂流妾身一入侯門裏兩袖闌干對  
玉鉤帝京簇擁銀花燄倩得廬兒持半面何時此鏡共刀  
環證取藁砧重歡宴果然繫足赤繩牢一首新詩鸞續膠  
黃巖集

卷二十九

詩內編

表

合浦珠還重歡宴不須紅拂夜潛逃脫卻珠釵雙挽鹿偕  
隱江南琴一曲胭脂井畔賸殘垣話到前朝淚簌簌

燕子樓

大藩樓外建牙旗賤妾樓中畫黛眉公子歸來燕語妒君  
侯寵眷妾心知妾身生長淮徐土見慣司空憐媚媼不辭  
十斛買娉婷畫棟朱簾藏歌舞清歌曼舞侍香閨嬌態承  
歡無是非一自君侯棄人世樓頭惟有燕雙飛雙燕飛來  
入羅幕不知玳梁春寂寞記取紅絲繫足牢明年依舊歸  
粧閣歸燕依然識主人軍門零落倍傷神願爲貞木依高  
冢羞逐楊花落錦茵楊花飄落無常處貞木連枝魂在樹  
更悲金谷綠珠樓不羨秦淮桃葉渡

雨中見月

十旬九雨天無色毒龍怒決天河溢口車折軸雲陣堅靈  
娥夜夜抱雲泣今夕天公忽見憐瓊樓詔捧金盤出簷溜  
未斷素光流薄霧濛濛猶帶溼幽人欲作清夜遊嘯鳥一  
聲行不得安得織手彈素琴不負千金此一刻

晚秋雜興

地有林泉美真宜小隱居夕陽長與樹秋水上河魚岫壑  
當窻媚煙雲入戶舒野人耕釣處便欲卜吾廬

海天吟

市塵煙火聚訪勝愛江鄉小住船爲屋長堤網作牆濤聲  
喧井里估客集帆檣數里魚鹽富真堪壯越歸

黃巖集

卷二十九

詩內編

五

埃火雲烽熄江壩驛路春士猶小鄒魯風亦古齊秦矛戟  
歌同澤錐刀競要津所期循吏治閭里盡還醅

過騰空嶺至萬年寺

台山初入境已覺萬山低地僻誅茅少峯回過嶺迷危樓  
穿樹出密竹拂雲齊爲問曇猷事殘碑夕照西

國清寺晤慧堂上人

地敞空王宅人稱選佛場泉流雙澗合山勢五峯長竈石  
尋遺跡禪林話故鄉羨君能割棄世事任滄桑

羈棲

羈棲何所似萬壑一孤雲豈是山林客曾無鹿豕羣荒郊  
秋易老靜室夜多聞枕上風敲竹清幽獨此君

詠懷

託跡山林願已虛，獨將老病寄村墟。  
低簷屋檻藤連竹，淺水池塘鰕趁魚。  
造物未容逃世網，儒生何處結蓬廬。  
殘年羈縻風塵裏，俯仰元黃搔首餘。

次西坪登高韻

旅食他鄉賦式微，登樓王粲問誰依。  
素塗老圃花應笑，搔首斜陽鳥倦飛。  
玉露簷前秋色老，萸觴會上健人稀。  
羨君不減龍山興，攜得清風滿袖歸。

自題卜館解嘲

寒梅消息間牆陰，謾說松風屋角侵。  
綠綺自彈流水曲，白雲無復出山心。  
回頭歲月都如夢，把臂緇黃共入林。  
祇恨

黃巖集

卷二五

詩內編

罕

於陵修不到，漫從詹尹託知音。

北山詩鈔

弔鄰女楊氏和王莘農

綠陰繞屋雨絲絲，巧疇黃鸝弄舌時。  
壓鬢珠釵愁欲墮，盈箱錦綺悔何遲。  
容隨璧月同消滅，命逐楊花永別離。  
回首七香車反馬，旁人指點尙猜疑。

北山詩鈔  
鈔贗稿

徐步

溪邊徐步趁斜暉，傍晚人家半掩扉。  
一塢白雲行迹少，滿

山紅樹晚樵歸。

北山詩鈔

黃

樵 字雲海廩生

鄰女紀事

妾已有夫乃如無，夫守志不死爲舅姑。  
妾已無夫乃復有。

夫靦顏而生胡爲乎市中少年游蕩子假託琴心賺卓氏  
一挑旣不從惡詞相穢滓令妾聞此言百口難自理泰山  
之石古井水妾貌如花心久死今夕何夕朔風起開門無  
聲水無涖不暇辭舅姑况乃別鄰里甘心付命長川汜教  
渠妄念且休矣

姜志稟

### 題楚夢雲傳

臂痕曾未褪蛇醫雲裏誰能辨九疑難殺荷絲防柳絮聰  
明如此不如癡

雙研齋瑣鈔

字佩環

字式恂號少任歲貢著畬東臺

### 雨後卽事

新秋初過雨涼意逼閒庭滿架圖書潤臨軒竹樹青荔牆

黃巖集

卷二十九

詩內編

里

吟蟋蟀蛛網罨蜻蜒薄暮憑欄望炊煙雜霧冥

### 陪楊柳樓南山掃墓

梅雨初開霽奚僮早報知攜錢沽美醞挈榼趁朝曦新水

三篙長輕舟一葉移岸邊驚宿鷺飛舞羽差池

畬東稿

夏惟熙

字秀珮號采臣

### 讀寶田叔詩集

藏身巧入藕絲絲養晦韜光世莫知獨有性情埋不得蓬

萊頂上好題詩

春草堂題詞

蔡剛中

字惕三諸生

### 夏夜獨坐

風來槐影亂涼氣襲衣生夜靜無人到窻疎有月明點茶

降睡劫呼酒破愁城不覺三更雨催詩一首成

晚投村舍

向晚投村宿幽情處處牽暮雅棲綠竹孤雁點蒼烟日落  
僧歸寺風輕柳繫船索綯人未卧蟾影到窗前

趙琛

字錦漢號襄雲廬生著燕石山房詩鈔

遊石峯洞

迤邐郭西路秋光多可愛言到白雲深夕陽磬聲外列樹  
無殘陰遙山送飛黛入門不見寺寺在翠微內洞天空際  
開混沌疑鑿碎眼前羅兒孫諸峯相向背獨有石丈人昂  
首青霄最涼風西南來披懷欣然對明日松巖遊足力未  
云殆

黃巖集

卷二十九

詩內編

望

燕歌行

五花馬千金刀出門仰看霜天高左握瑠弓右挾彈大野  
無人煙色散五原輕騎晚歸來直入平原醉一回胡姬二  
入顏如塑琥珀交光飲無數擲盡黃金意氣豪飛馬掉頭  
去不顧主恩重寶劍輕酬君肝膽天日明何用白水相同  
盟典盡黃狐裘買到白羽箭待雪深仇世事平明日沙場  
博一戰

石梁瀑布歌

神龍華頂不肯住掉頭飛向東溟去銀河瀉地秋濛濛平  
空洗出青芙蓉相傳五百應真處萬八峯高屹如故一線  
危橋天際橫千山澎湃交相爭土花寒碧滑莫渡渴虹下

飲山潭霧寶炬熊熊生鍊光金梁仙戲巖之旁曇花亭古  
雪滿地罡風絕頂吹衣袂安得身騎白鳳凰排開匹練趨  
天閭

海門夜宿內弟王氏山樓

神州渺天際起視露華明海色平如畫潮流折有聲關雲  
低遠樹江月浸邊城明日牛山外孤帆去自征

瓶花次應玉山韻

粉簇花間蝶青歸柳外驂美人隔湘渚春夢落江南脂井  
痕何在珠宮路莫探蘭亭岑寂甚空值月三三

舟中夜詠

岸闊天無際潮平水不流關山明月夜星漢大江秋短櫂

黃巖集

卷二十九

詩內編

聖

蒼茫發高歌汗漫遊憑窗人未寐一覽盡滄洲

送人出塞

刀起天山雪旗翻大將壇孤城一片月匹馬渡桑乾秋色  
榆關遠邊聲隴水寒還宜持短劍獨去斬樓蘭

和李懋園出塞

澄海樓頭月何人夜倚欄角聲吹塞夢邊色助秋寒鹵磧  
雁飛遠滄沱馬渡難還憐蘇屬國持節望長安

楚江

衡雲衡雨暗江隈蘭芷猶存此地哀三峽水聲天外落九  
疑山色望中來班筠空灑英皇淚香草誰憐屈宋才三十  
六灣行處徧更無天上楚王臺

采石

醉中謫下小蓬萊大塊浮生酒一杯江闊星辰從下看詩  
成風雨自東來扁舟常抱東山志尺墓誰憐絕世才今日  
謝公亭上望青天明月共裴回

乙酉館外兄家追憶成詠

生非豪俠好間遊堪笑身如不繫舟天上星辰皆北向人  
間滄海自東流一春作客花誰主五夜相看劍獨秋多少  
高山流水意祇應畱待曲中求

遠別離

一檠人何處孤帆落月低子規嗁不住殘夢大江西

子夜歌

黃巖集

卷二十九

詩內編

四

妾如花上枝歡如花上鳥烏貪過別枝花枝長獨裊

莫為巫峽月不照峽中流莫為三江水早晚下巴邱

古意

禁煙時節柳鬢鬢流水桃花自一潭嗁遍鷓鴣行不得木

蘭亭上望淮南

折楊柳

輕薄何人解斷魂長條恐有舊眉痕關山前路無春色畱

與青青送到門

燕石山房詩鈔

姜丹書

字世銘號冊言廩生

和鄒子翼師遊委羽山

頻從座上挹春風杖履追隨興未窮偶到洞天尋勝迹卻

疑真樂在壺中

洞古雲深儘日閒  
薜蘿繞經未曾刪  
當年控鶴人何處  
賸有丹砂散滿山

委羽山續志

許鳳儀

字梧桐

題管氏米船樓

居然陸地作江河  
制仿書顛美若何  
高楊聽殘春雨漲  
細簾攔住暮雲過  
登臨且喜風波少  
俯仰偏宜水月多  
翰墨千秋遙結契  
天隨泛宅漫同科

米船樓題詞

牟登瀛

字一峰

遊天台山

山內青山不見村  
翠微深處鎖苔痕  
松林寂靜游僧語  
竹

黃巖集

卷二十九

詩內編

巽

徑幽閒宿鳥喧  
嶺上行雲披絮帽  
峰頭殘日嘯孤猿  
登臨

竟夕無人影  
欲訪桃源夜叩門

遺藁

毛文瀾

字金鎔 號漱汀 咸豐貢

蘆花帚和韻

渺渺煙波舊作鄰  
一經束縛未全真  
來從澤國身原潔  
付與詩人帚亦珍  
碧逕掃除迎上客  
白頭蹤迹托紅塵  
遙憐露冷霜高夜  
秋水中央尚有人

梓里詩存

蔡國棠

字成統 號愁侯 諸生

暮秋夜坐

蟲聲何太苦  
咄咄逼人深  
况值幽秋夜  
難忘怨婦心  
殘燈昏古屋  
急雨亂疎砧  
忽聽關山笛  
依然淚滿襟

夜坐有懷

獨對孤燈無限情紛紛又聽杜鵑聲窮當入骨詩偏拙事  
偶蒙心夢不清雨過窻前人萬里風來竹外月三更梅花  
開遍江南樹愁裏關心一笛橫

久雨

連朝時聽賣花聲春思春愁萬里情地繡蒼苔行欲滑池  
添碧水瀉逾清紅橋有絮甯堪舞綠野無人未許耕獨有  
江南未歸客落花寒食滿春城

消夏雜詠

門對青山翠作屏空齋習靜讀黃庭窻前一陣香風送滿  
架薔薇雜素馨

自耕山房詩草

黃巖集

卷二十九

詩內編

吳

任肇熊

字曉村諸生著曉村詩草

梅關

東去流連野渡邊梅關勝蹟尙綿延水魂無復癡仙夢春  
信還同大庾傳一笛橫風雲澹澹半村流水月涓涓清香  
疏影今如彼攜手相思爲惘然

遺稿

鄭會南

字中和號五峯諸生著隱雲樓詩草

曉泊大溪湖頭

曉霧尙濛濛雞聲徹遠空櫓搖一夜月人怯五更風蓬背  
霜飛白山巔日吐紅村煙猶未起誰指路西東

題澤國鷗夢亭

高閣臨芳渚憑欄興自幽櫓聲催暮雨鷗夢破漁舟雲擁

江心月人居水上樓客懷頻寄托消盡五更愁

晚過石壁巖

兩岸一溪繞荒村落日斜懸崖疑虎豹深水長魚蝦過客  
驚危石飛鳧立淺沙往來投宿處茅店幾人家

雲菴夜月

遙望空山一抹煙三間屋在翠微顛小窗人靜燈明後古  
鼎茶香客到先竹影移花雲入座松陰滿地月當天前朝  
舊蹟今何在賸得殘碑卧草田

隱雲樓詩草

楊中臺

字曹正號柳樓景甯教諭

鶴溪春水

仙人沐鶴倚溪濱鶴去溪留水又春孤影掠舟空入夢亂  
黃巖集

卷二十九

詩內編

聖

砂翻浪細吹塵桃花雨撲垂綸客楊柳煙迷喚渡人明月  
小橋拄杖立泉流何處不粼粼

贈邢印中明府

萬山環抱陡無城堂下溪流洗耳清畢竟桃源風自古茅  
檐共譜太平聲

景甯縣志

牟樹則

字植人

謁姜亦農師山中失路

遠道從夫子其如仄徑何方期一蹠至錯入萬山多琴韻  
松間落泉聲石上過牧童遙指處竚立望庭柯

冬夜不寐

永夜不成寐披襟坐舉杯月華當戶落竹影入簾來倏忽

光陰逝蹉跎歲月催憑欄遙望處已見早梅開

願學集

林有壬 字文泮號香泉咸豐丙辰貢

煙管

湘水盈盈玉一枝多情常伴酒醒時緣深香火憐卿瘦氣  
叶芝蘭惹我癡自昔何人濃洒淚於今隨地寄相思平生  
割愛知多少與爾偏難手暫離

遺棄

戴天衢 字香泉

題米船樓

忽聞有客扣舷歌流水高山托興多獨坐小樓攬風月遙  
聯行舸泛烟波詩篇畫本間供奉琴韻茶香靜揣摩無限  
江湖豪俯仰一齊收拾付吟哦

米船樓題詞

黃巖集

卷二十九

詩內編

哭

王樹祺 字慶雲號葦村著葦村詩草

游嵩巖寺

嵩巖高百丈上與浮雲齊我年登七十健步上山梯山梯  
三百級努力窮攀躋修篁蔭古道怪石列前谿萬峰滴蒼  
翠咫尺相迷離我聞古松脂產在茲山西索之不可得老  
境苦猶夷忽然起梵響清風度幽蹊一僧澗底出引入古  
招提坐我三生石晚煙含青霓正襟問老僧幾年此幽棲  
僧言西來旨文字魁品題夜闌對禪榻檮檟煨紅泥我聞  
豁然悟海日鳴天雞

嵩巖山志

東皋策馬

茫茫野草行人少處處寒林有暮鴉策馬一鞭風正急滿

山紅葉似桃花 葦村詩草

盧錫疇 字奇芬號西坪道光丙午舉人著兩一居士藁

初至館中書懷二首

淵明不可作千載誰與儔舉頭望天末白雲空悠悠我本  
桃源人暫向塵埃游一去十餘年勞勞車與舟鴻鵠志千  
里鵬鶚思九秋忽與隨陽雁同為稻梁謀雖然羈羽翼飲  
啄亦自由為我謝弋人增繳非所憂  
去年游京都羣英集遐邇車馬交路衢肺肝傾彼此高論  
驚四筵豈曰拾青紫黃金思燕臺白衣弔易水未幾歸去  
來歲月忽已駛滄海日橫流燎原火不止諸公努力前勉  
與管葛齒人生各有志吾其從黃綺

黃巖集 卷二十九 詩內編

吳

悲鳥

東方有一鳥獨處還獨飛旦隨朝陽出暮繞西山歸凡鳥  
不敢逼怪禽不敢欺蒼鷹搏擊燕雀死鳥獨飛鳴向天悲  
千里丹山徑欲度尋取鳳凰言往訴雄鳩佻巧鳩為媒鳳  
凰那得知其故歸來辛苦覓故巢故巢已為風雨漂燕雀  
回翔得自適此鳥夜夜長悲號悲號亦何為鳥不能言知  
者誰旁邊鸚鵡苦弄舌蚬與鸞鳩羣笑之我聞此鳥最高  
潔饑食練實棲梧枝鵲鷦豈肯爭腐鼠今日迺令羣鷗疑  
吁嗟乎百步一飲十步一啄深林一枝河滿腹稱心而言  
亦易足義鷗乃欲擊老虵健翮已鍛將如何精衛猛志填  
海銜石千年海尚在海亦不可填虵亦不可擊鳥乎鳥

乎豈不聞且向南山戢羽翼

早起赴雁蕩書館

曙色開天際征夫度曉關此行無俗韻相對有名山流水  
荒村急孤雲遠岫閒窮通何待問飛鳥自知還

過謝公嶺

謝公宿何處遺迹不堪尋一世異朝市茲山獨古今巖花  
雜春草澗水和鳴禽我亦探奇客悠然得會心

山行卽事呈吳西橋明府

信步穿山徑閒行趁水隈筍環修竹立花壓短牆開僻路  
無人到清談有叟來白雲如可贈我亦謝塵埃

立夏日山中有感

黃巖集

卷二九

詩內編

辛

南陌方迎夏東山獨掩扉何人掃花徑昨夜送春歸草木  
先吾長年華與志違沉浮數十載回首淚沾衣

家居雜感

幾年頻作長安夢今日依然返故栖得意無緣春走馬捫  
心有恨夜聞雞名山文字慚金石滄海風塵畏鼓鼙我欲  
明朝弄舟去那堪兒女望提攜

九日登高

拾級捫蘿上翠微故園風景望依依一年容易秋光老四  
野蕭條木葉飛北去關山烽火急南來鴻雁稻梁稀天高  
地迥情何極且把黃花插鬢歸

感懷柬王莘農

浪說名花一度開瓊姿那許住瑤臺春風已過秋江冷海  
把芙蓉手自栽 兩一居士稟

牟旭光 字則顏號映嵐一號放鶴廬生著梧臺詩草

田家

卜居及仁里一任不記年中有太古民所樂惟畝田既免  
饑寒累更無塵俗牽有酒不獨醉有衣亦共穿通力事西  
疇成熟無後先不能學擊壤且復任自然披衣曝簷日倚  
樹聽流泉會心非在遠觸處皆忘筌但識耕耘樂誰知避  
世賢 姜志稟

鄔應溥 字月泉廩生著綠筠軒詩鈔

秋杪遊福清庵

黃巖集

卷二十九

詩內編

五

地靜可棲息日暮難淹畱斜暉動簷隙游子生羈愁出門  
認來術延望景倒收人居滿城郭曲突炊煙稠歸鳥飛相  
呼駭獸奔亂投山谷既谿衍嶂崖又清幽涓涓水暗響俛  
聆澗底流攀條摘遺實倚樹遲同游翠微還佇立回首瞻  
上頭靈宮蕭嶺表森藹筠櫺周天風落魚鼓清響到耳悠  
營營名利人愧爾雲間儔

擬謝靈運赤石進帆海

夏杪沿春暉和風動林樾川途異昏旦曜靈幾出沒睽茲  
滄海深未慮波濤汨向若時安流馮夷罷奔突呼僮掇芳  
藻入饌薦肥鰕空水共瀾漫極目安可竭於陵甘半李尙  
父辭溟渤顯晦會有時守道意無闕三復接輿歌禍福辨

釣髮

游鑑洋湖

雞籠之山高且長中滙一水名鑑洋修廣約計二千頃四十餘里離吾鄉往往欲游多勿果湖神不死應笑我今年舟從東澗回萬槳洋頭命轉舵春波蕩漾暮煙生蘋洲菰渚參差橫娟娟白露獨停峙唼野鴨爭飛鳴造物豈亦抱奇妒生此湖山偏僻處騷人墨士鮮能知只有罌師白來去賓僚畏泊湖心眠促歸使我難留連逢窗風多夜不寐雲間月出光滿船

獨不見

誰家紅樓玉作階水晶屏風六扇排女兒窈窕年二八綺黃巖集

卷二十九

詩內編

七

裾羅襪金縷鞋明眸的的善巧笑容顏豔比無雙妙嗔烏將子春欲歸桃花開盡楊花飛意中情人獨不見可憐相思守空幃

孤雁

獨雁來空闊悲鳴乍失羣聲酸疑欲訴夜靜聽能分片影寒隨月孤飛暗度雲寄書吾不敢恐益爾辛勤

路口夜泊

解纜雙峰下停棹數里程漁燈搖夜色風荻助潮聲待月空江冷推篷宿鷺驚更深眠未得塔火對船明

夜坐有懷

問懷無處遣旅夜不勝愁露下衣襟溼月明河漢秋姮娥

憐玉兔機女望癡牛未識伊人意相思亦倚樓

龜山竹枝詞

花粉田輪烏土田菱塘水與芋陂連人家種竹爲牆好更有籬將六枳編

紡車聲接東西鄰結網教郎捕海鱗箇裏潮潮魚送到貪鮮端作海頭人

虎嶺高高狸嶺低雙明巖下萬松齊只今辣闖惟疆磔日夕牛羊下澗溪

三月望日廣化寺掃墓舟中卽目

村西村北水相連春到山鄉早種田更有人家養烏鬼白魚爭買不論錢

黃巖集

卷二十九

詩內編

五

碧草連堤嫩色勻桐花細細白於銀長長最是清明節山路猶多拜掃人

雙廟橋頭古樹奇繞村水闊事都宜綠陰深處眠黃犢白石磯邊放鴨兒

綠筠軒詩鈔

徐宗筠

字節菴諸生

擬四時宮怨

深宮寂寂易黃昏薄命何時得主恩花事闌珊春欲盡東風安用到長門

和月泉廣化寺掃墓舟中韻

敗籬近水斷還連縵縵新秧原上田盼到青帘斜挂處有人沽酒數青錢

村姬嬌小嬾鳴梭愛聽彎彎月子歌幾處輕舸相次泊白  
蘋洲畔晒漁簑

永福橋南是上倪支流不入只行西車頭林到卽登岸六  
角井邊烏亂唳

綠筠軒詩附錄

王

訪 字範器號雪舟諸生著寫心樓詩草

寄懷黃壺舟師集杜

夫子嵇阮流敏捷詩千首磊落衣冠地怡然共攜手步履  
過東籬邀我嘗春酒俄頃羞頗珍開筵俯高柳問答乃  
未已自卯將及酉夜闌更秉燭帳下羅賓友示我百卷文  
文傳天下口再聞誦新作龍虎一吟吼微笑索題詩寸心  
亦何有懷抱罄所宣折節萬夫後惟有知心侶未覺村野  
醜清譚見滋味此樂或難朽柰何迫物累會合苦不久別  
來忽三載欲起時被肘寄書長不達徒勞望牛斗回首追  
譚笑誰復依戶牖虛閣自松聲蕭條猶在否

黃巖集

卷二十九

詩內編

七

白燕

非關踏雪夜來歸雙剪云胡耀玉輝掠水銀鶯堪弄影穿  
花粉蝶作團飛巢歌瑤戶煙和夢風捲珠簾月照衣休怪  
前溪老漁父錯看鷗鷺坐苔磯

故國烏衣舊侶稀六朝金粉末全非昭陽殿外霜華重王  
謝堂前雪羽肥踏破紅塵三月路妝成素練一身衣江村  
滿眼芳菲景只帶梨花柳絮歸

寫心樓詩草

王篤慶

字景輝號心竹諸生

與趙禮南周問渠遊委羽山

再入仙宮後擡頭望遠岑  
鴉飛疑鶴返洞在惜雲深  
方石何須覓靈丹不易尋  
歸途花草滿小助發長吟

委羽山續志

王維哲 字良濬號商民孝廉方正

鄭五峯過訪和韻

何因寄迹卧高岡  
消受清涼一草堂  
我不神仙偏劫數  
門無車馬免張皇  
友尋遠地心先到  
交訂相知年亦忘  
且學少年閒幾日  
莫教轉眼髮蒼蒼

隱雲樓詩附錄

題龍見田司馬攀轅圖

帝心簡在一官清  
廉察如公仰至誠  
好以官方維士習  
合將輿論補廷評  
神人若鑒衷盟苦  
婦孺咸知德教成  
早祝

黃巖集

卷二十九

詩內編

壹

臣僚應受服多情  
雷佩轉傷情

攀轅圖集錄

王樂雖

字孔庸號璧橋廩生著炳燭齋詩草

古意

東鄰有丹桂美人在  
時栽年年秋節至  
清香隨風來造化  
自無私不問爲誰開  
可惜看花人彼此  
無幾回

雜感

不挽兩石弓不識一丁字  
浪跡游俠場殺人如兒戲  
名姓在丹書官吏不敢治  
金陵苦鳴鑼羽書忽然至  
請纓事戎行長驅拔趙幟  
西北倚長城東南資右臂  
金貂雖云貴取之在不意  
專閫繫何人荷此干城寄  
肉食更無謀太息思

時事

踏麥行

野人種麥江之濱江頭路僻少行人何處梨園來作劇妖  
童十八豔於雪盞擁城中游手兒取路徑向麥田入麥田  
青青麥未胎視之不惜同蒿萊泣向行人慎勿爾麥苗寸  
斷心肝摧新穀未登舊穀沒準擬麥黃當粒食請君大道  
行一程使我從容飽一月行人乘興如不聞泣盡無言坐  
歎息

天梯行

天仙化人下遊戲大笑紅塵滿平地乘風忽作步虛聲駕  
起尻輪不肯墜一婦翩翩垂錦襦草花插鬢紅粉妝下有  
少女年七八拈花微笑頗捷黠婦人仰天足倒懸太華峰  
黃巖集

卷二十九

詩內編

五

頭十丈蓮喝起天梯豎腳跟便如膠漆爲鈎聯少女對之  
前鵲躍口中唱歌飛著脚初疑桑女愁攀枝忽似秋千騰  
綵索一級盤旋一級緣級盡矗立梯之巔卻又翻身作巧  
弄雙鈎插漢特縱送赤身掉尾是神龍綠衣倒挂學公鳳  
狡獪作盡始下來觀者面色凜如灰丈夫心膽誇遠馭對  
茲女子何失據干戈滿地行路難借爾天梯上天去

寄懷盧西坪

旅食京華久書來一惘然同心千里月望眼九州煙故國  
荆榛滿他鄉寇盜連何時騎歛段乘興訪君前

出門

遠上寒山小杜詩我行正及早秋時雨三紅葉明高樹纔

是花開見一枝

王題濯足萬里流圖

破浪平生志未成，纖塵未許足邊生。乘查相約天河去，世

上風波不可行。炳燭齋詩草

孫拱宸

字會樞號輶堂諸生著灌書草堂詩草

醉雲

名花不解語，明月不解飲。不如無心雲，尙是有情品。高樓  
撐高雲，招遊雲中君。雲中君不來，獨酌愁紛紛。一吸百川  
盡，萬事非所云。吐氣滿寥廓，白雲醉醺醺。

映峰樓

匡廬東南五老峰，五老峭削金芙蓉。蒼溪東南鬱深翠，五

黃巖集

卷二十九

詩內編

七

瓣陡起蓮峰，雄蓮峯去天不盈尺。天風吹落晴嵐濃，一樓  
豁達當其衝。烟雲四面吞無窮，夕陽欲素愁不紅。舉杯落  
掌青濛濛，一飲酩酊三百鍾。爽氣潑潑生胸中，大斗盧敖  
游太空。灌書草堂詩草

山居吟

百感釀孤憤，林泉學避囂。看山天太古，對影日無聊。意馬  
走春夢，心根長恨苗。消愁何處是，門外夕陽橋。

枕書新睡足，橋畔夕陽多。古渡一釣艇，青山幾黛螺。禽聲  
爭晚樹，人影亂橫波。欲共白雲逸，其如舊夢何。鈔鈔集

王辰

字旭亭

再遊南峰山有感

三載前曾此下帷神傷風景暗推移老僧已逐猿歸早古  
柏空餘月度遲鼯鼠窺人蒼蘚躍儵魚避釣碧波馳相看  
不改舊時色芳草叢中一古碑

題畫

三兩漁家傍水東柴門斜掩落花風釣竿日落不歸去只  
在春江煙雨中

杏村寄詩依韻

杏花離樹太匆匆暮靄炊烟落照紅間倚碧窗看楊柳暖  
風吹絮過牆東

春夜有懷

遣情難倩合歡杯兀坐聊憑影作陪十二欄干春不鎖月

黃巖集

卷二十九

詩內編

庚

明何處玉人來

鄂不樓遺集

吳如良

字寸耕永春州吏目

題米船樓

休暇年年過十旬樓頭明月證前身應嫌黃鶴蹤都舊却  
愛南宮迹獨新滿架琴書長作伴四圍山水宛如隣登臨  
不覺塵情減自對晴霞笑語頻

米船樓題詞

王熙治

字孔沂號苑春諸生

繪春詞

烟盈花塢露盈堦甲字闌干屈曲排偷得芳容描畫橐製  
成謎語寫詩牌凌波水淺侵羅襪立月寒深透繡鞋爭似  
佳人房內瑟和鳴長得抱君懷

八家唱  
和春詞

哭孫範堂

把筆吟詩弔範堂未成詩已斷儂腸滿腔痛恨無從訴帶

淚含悲寫數行 樂雍堂草附

姜化鵬 字以治諸生

留別王璧橋

斗酒高樓宴酣歌感素心潑洞流水咽迢遞暮雲深每憶  
鴛鴦詠肯輸蝴蝶吟奈堪分袂影何處賞知音 炳燭齋附錄

楊紹雲 字進彬號琢如

晚霞

餘霞散綺滿長空跨馬歸來一路紅回首不知天色晚却

疑身在赤城中 姜志稿

黃巖集

卷二十九 詩內編

堯

池鈞 字鐵珊號春塘山東巡檢

漳河曾耀鄭櫻桃終古歌聲咽暮濤欲把舜華名日及翻

將妃竹當思勞送春時節防淫雨中酒情懷厭濁膠擣麝

成塵香不滅飛卿亦是怨離騷

漏滴銅龍入夜嚴風閨幽濛冷銀蟾白頭吟就皚皚雪翠

袖歌成昔昔鹽鴛牒有絲牽壁月梨雲無夢到珠簾瑤函

十二知何處擬向靈氛問吉占 八家唱和

官德潤 字永槐號小樵諸生

贈王小林

子晉認前身風流迥出羣新詩吟落月俊骨總凌雲莫以

風塵恨而將筆研焚高堂雙白髮屬望最殷殷

苦岑錄

蔡

篋

字仲吹號竹孫同治甲子舉人著寫經堂詩鈔

冷泉亭

山行忽聞鐘遂造招提境雪竇噴飛泉娟然一何淨高軒  
兩楹敞結構頗明靚蔚藍涵遠天中有孤月浸散作琴筑  
音泠泠靜堪聽活翠沾衣裳一夢詩脾沁峭立生暮寒禪  
房答清磬

中夜聞哭聲二首

中夜聞哭聲哭聲一何悲借問哭者誰云是母哭兒兒年  
十五六蘭玉森森姿中原昔喪亂羽檄西南馳丈夫志桑  
弧尺寸安足羈仗劍出門去隸籍將軍麾暮投營門宿朝  
黃巖集

卷二十九

詩內編

李

策代馬騎黃沙一千里白骨悲風吹兒兮從此去骨肉生  
別離兒在母有託兒去母何依顯揚非所望菽水願亦違  
昨夜夢兒來舞綵庭中嬉謂將錦衣還勒功岷山陞夢中  
忽驚坐明月鑑我帷男兒志許國義在無所辭忠孝難兩  
全聖賢憾亦遺努力以爲報寸草三春暉

中夜聞哭聲哭聲一何悽悽借問哭者誰云是征人妻征人  
負羽去十載流沙西高秋入九月胡馬臨風嘶衣成未及  
寄風露中宵淒關山一片月照我空房栖獨眠夜苦冷起  
坐聞鳴鷄夢中思一見欲往路已迷傷彼楊白花隨風飄  
我聞茵溷亦何常行作燕壘泥紅顏與白髮遠近理亦齊  
言念蘇季子歸來面目黧

謝吳耕甫惠古盆

蟾蠍薄太清銜落一輪月萬古頗黎魂滄桑不能汨寶光  
鬱鼎彘奇理入毫髮神寒古雪凝響夏凍雲裂十指驚相  
捫古質失凹凸世次迷子姬年湮識銘闕有虞昔尙陶河  
濱苦窳絕山尊犧象囂清廟燦然列考工記陶旋創造各  
有別合范中膊縣入市嚴暴薛邇來柴與哥埤堦踵相接  
汝定及饒磁遠近論工拙老駟睨雙目瞽惑等朱碧平生  
好古情膏肓已成癖長樂未央當公侯貴壽甓類垣垣秋草  
荒搜討厖殘缺神物閱世多雲烟過眼瞥瓊瑤匪足貴欲  
報心屢結清供蕭齋中寶同烏玉珙

贈王次河

黃巖集

卷二十九

詩內編

空

生年十五六頭角嶄然異讀書慕古人頗識忠孝字草廬  
坐抱膝縱譚天下事許身一何高自比稷與契側目望中  
原山河鼎中沸仗劍出國門茫茫從此逝  
文章果傳世亦足以不朽陳編十萬卷開卷識某某神明  
通胼蠶靈爽陟戶牖拍案呼之起酌以一杯酒古人若有  
知地下笑開口如君方妙年著鞭幸不後莫學章句儒千  
金享徹帚歲月堂堂馳聲名復何有

尋梅園遺址

不見梅花開故園渺何處當時花主人亦復飲名字夜深  
孤月上一鶴自來去

大魚謠和王子莊

長風吹海海水裂大魚戕戕闖波立揚鬣掉尾意不適萬  
里滄溟如涸轍一魚前導羣魚隨衆靈雜沓如連雞左倚  
金支右翠旗冰夷河伯供指揮盲風怪雨攢簇之厥占曰  
水夫何疑欲淹大地成一瀦我聞回浦古澤國雲水茫茫  
島嶼碧去年鼉鼉占人食萬人騎牆立屋脊破突無煙走  
予子鳴雁嗷嗷未安集吁嗟魚兮復來此兀然身作邱山  
時釣鰲世無東海公吾將往訴張胡子

題陳芷仲梅花破屋圖

凍禽場翅不住曉寒月倒挂扶桑枝山中雪深近十丈大  
地一白無東西君家結屋雲水湄檐茅一剪尙未齊手種

梅花三百樹愛花直以花爲妻夜深耐冷抱花睡銅瓶紙

黃巖集

卷二十九

詩內編

空

帳風淒淒藐姑神人冰雪肌珊瑚珠珮翩來遲參橫月落  
天正曉一雙翠羽鳴嚶啞憶昨訪君梅花下春光已逗山  
南陲斜莎礙戶人迹絕老樹當門天影低間階落葉沒屐  
齒壞牆深陷一尺泥銅鋪溜雨水花溜蝸涎鼠跡何紛披  
明蟾皎皎出屋角瘦鶴起舞形離襪破瓦縱橫建安宇斷  
磚彫剝元和題插架圖書五千卷朽蝨屑粉蛛交絲藤牀  
斜倚縛雙足一堆敗絮苔紋滋午爨無烟竈突冷劇譚往  
往忘朝饑君時打頭坐著書自撥爐火烹蹲鴟窗風射人  
損眸子凍腳赤立連尻睢口嚼梅花和雪咽寒香一縷清  
沁脾長安富兒方兩頤愛花亦復爲花迷風臺月觀妙位  
置繡幃錦幄深護持玉照堂前夜色麗紅羅亭內歌聲遲

妙童豔女各意態坐遣巖壑回春姿軟塵撲面顏色汗酒  
氣入鼻心魂馳党家風味聊復爾花如解語花亦噉何似  
君家三畝宅水邊籬落橫參差冬心直到歲寒見做骨豈  
顧旁人哈汪郎畫筆虎頭癡却摹此景上嚇蹄雲容雪態  
兩奇絕恍惚憶孤山高卧時嗟余碌碌方冗羈十年未換茅  
龍衣何當索共梅花笑從君急辦草堂貲

觀貝葉畫阿羅漢作歌

繩牀渴睡喚不醒遠夢忽忽生訶林覺來索解急不得仿  
彿似嗅旃檀馨吳生邀我展梵夾一一恍似夢所經一僧  
跌坐長眉清蒲團欲穿曲兩肱龕燈無焰飢鼠迎一僧行  
脚芒鞋輕秋山黃葉踏有聲隨身瀟灑鉢與瓶一僧說法

黃巖集

卷二十九

詩內編

五

口不停似有萬衲座下聽拈花一笑靈山春一僧慈悲及  
衆生山君掉尾不敢撻一僧大力何威神卓錫一吼空山  
驚毒龍五百盞底行一僧枯腊無人形戒珠百八指細掄  
一僧頂上圓光星虬髯騷勢惡猛其餘衆僧不一名低  
眉努目各有情團蕉十笏位置清黃花翠竹榮兩櫺水田  
作衣襍積明恍入紺宇參天人貝多羅翼蟬葉輕肌理細  
若蛛絲繁深渲淺染刻意營神之所注藝乃成我生與佛  
有夙因五濁苦溷惡世塵擬乞此卷張之庭香花作供頂  
禮誠空中靜聽迦陵音吳生寶此如連城戒香薰修古錦  
威客來戒勿寒具陳巧偷豪奪多公卿願君勿飲缸面醇

題上官小樵半石山房圖

烏皮小几鋪雙光解衣旁魄來池即胸中突兀吐邱壑寫  
出半石之山房山房是我舊遊處風景約畧猶能詳荒苔  
混地一寸厚老木矗天千丈強叢蕉翳戶綠無縫繁花破  
砌紅生芒峰回水曲路欲絕斜支畧約通西廂有亭翼然  
面水立披襟六月荷風涼紛紛怪石塞庭廡崢嶸頭角森  
相望形奇狀詭莫殫述牛馬百匹千頭羊主人幼抱米顛  
癖口餐蟻絲充餼糧袖中東海一勺水盪霄雲氣何莽蒼  
石交不速時欸戶花下雜坐傾壺觴湘裙月屐兩清絕淋  
漓詩墨濡屏障方今海宇方塵揚蘇臺麋鹿復跳踉懸烽  
咫尺接蒼雪飲馬蹠蹠趨錢塘王謝門庭半非昔薪木已  
毀荆榛荒君從何處得此地慎秘勿使旁人揚行攜雞犬  
黃巖集

卷二十九

詩內編

畜

就君語乞君廡下春黃梁還君此圖心盡傷

悲來行

夜光作杯蒲萄注悲來臨觴不能御美人如花歌白紵悲  
來欲聽泪如雨閭闔高高浮雲蔽當關虎豹牙爪利欲往  
從之逢彼怒嚴更統統警鞮鼓太白出地高丈五竄身蔽  
莽氣不豪夜聞荒雜作劍舞悲來一語難具陳人生大患  
在有身披髮入山行已矣白雲黃葉何處尋

都下寄王六潭同年

王郎嗜學今所無三十鬢鬢已有鬚目光睢睢薄陸孔胸  
次廓落空程朱試燈風裏昨別我新詩一首千璠璣燕雲  
薊樹動顏色足所未到心欲追我生惜學百不如長安米

貴新傲居斜街燈火遠人跡閉門飲酒聊自娛新知寥落  
竟無取舊侶闊絕良可吁京雜少年工走趨高齒着屐長  
檐車西園飛蓋十石酒北里徵歌千斛珠黃塵滿面汗流  
血咄嗟爾輩非吾徒西山空翠插晴昊欲往從之路鬱紆  
夢中却憶南雁宕一百二峰青黏糊升沈窮達且莫問歸  
來與君同讀書

柵浦

傍晚投村店郵籤第一程雄關吞海氣斷岸激濤聲刀劍  
傷民俗杯杵錯市腥夜來番舶到鞴鞞大鑼鳴

靈江舟次

榜響破殘夢蕭蕭征雁鳴初雲沉日氣急雨亂江聲岸轉  
黃巖集

卷二十九

詩內編

奎

山如失潮回水自清平生萬里志對此若爲情

野廟

野廟枕山麓橫斜一畝宮荒苔秋溼雨古樹夜屯風簫鼓  
邨巫賽杯杵野老供題楹誰惡札四壁走蛇龍

訪笙鶴樓遺址

道人已仙去騎鶴芝田游窈窕暮雲合蒼茫山月秋玉笙  
斷遺響哀笛奪高樓滄海今已涸區區貉一耶

夜坐懷浣秋芷仲

江郎筆有神陳生詩絕倫如此不傳世吾將咎後人風霜  
磨俠骨耶壑稱吟身料理尺書寄空江卅六鱗

得王璧橋消息

消息本無據傳聞冀或真孤身瀕萬死衆口借斯人羅網  
何時脫豺狼不可親無聊相慰藉此意劇酸辛

寒山

木落見山骨峰容慘不溫凍雲孤鳥沒野燒百蟲窳積雪  
迷樵步斜陽閉寺門如披嬾瓚畫皴染絕春痕

青華閣

琳宮巖嶂上秋長老樹參差倚夕曛石氣冷蒸三月雨爐  
烟晴散下方雲半空清籟聞仙語一院秋苔見鶴紋欲乞  
金丹換凡骨夜闌來禮玉晨君

赤城山館遺懷

溪山第一講堂開過眼雲烟賸劫灰滄海濤聲天外壯括  
黃巖集

卷二十九

詩內編

癸

蒼山色雨中來少年自許袁絲達流寓誰知庾信哀應向  
池塘夢春草謝家羣從本多才

龍母祠題壁

呼吸風霆亦自豪眼中頭角看兒曹空潭水涵龍馴鉢古  
樹雲深鶻擁巢佛火一龕生梵唄靈衣四壁隱娥媯我來  
欲挽銀河住滄海東頭戲六鰲

水雲塘曉泊

水雲塘上初落潮榜人星飯相招邀兩岸溼煙蒸螭鼓半  
江腥雨長鱗苗危檣烏鵲晨光動大壑龍蛇夜氣驕何日  
江湖同載酒短篷卧聽雨瀟瀟

題王少林溪上草

斗大山城戰血腥舊時吟侶半彫零猶餘白日鷺皇嘯付  
與荒山虎豹聽憂國杜陵詩是史依人王粲跡如萍草間  
我亦偷生活吼劍危歌夜落星

車中作

鈴軟遙遙夢不成峭寒如水潑簾旌飢鳥啄雪噤無語瘦  
馬踏冰疲不行畧涉崎嶇諳世味漸因奔走悔時名征東  
羽檄紛如織太息潢池尙弄兵

姑惡詞

青春二三月鳩婦鳴勃篋免絲附女蘿是妾歸來時  
三日作羹湯殷勤進姑側羹湯亦自佳姑言不甘食  
小姑方扶牀宛轉得姑歡背人拭雙泪乞取小姑憐  
黃巖集 卷二十九 詩內編 卷

朝聞姑惡曉暮聞姑惡曉良人在何許笙歌夜未歸

靈江航船曲

郎家靈江南妾家靈江北江北望江南兩岸青山色  
望郎靈江濱江空愁殺人江頭石新婦疑是妾化身

潦倒

潦倒重陽酒一杯醒聞風雨睡聞雷長門一點垂憐意不  
是黃金買得來

未必

未必憐才意便真蕭郎身世總長貧秃巾小袖新妝束已  
作侯門刷馬人

題王瑜卿同年種菜園

秋來最喜鴨蒸壺昨夢不驚羊蹴菰檢點食單聊慰藉類  
年菜色滿江湖

春雨長安日閉門客來無事且開尊因君忽動田園興夢  
繞江南黃葉村

題李曼士畫

城外芙蓉開浦湖客窗日日晝胡盧秋懷萬斛遣不得煩  
君爲寫涉江圖

寫經堂詩鈔

曾若濟

字心印號僕巖副貢生

歸途將夕

晨興理羈鞅奔走東西路旅寓知何時夕陽忽在樹倒地

人影彥銜山月魄露深箒顛疎風昏雅投古墓烟與嵐翠

黃巖集

卷二十九

詩內編

突

爭石自山腹遇悒快舉鞭遲蒼皇措足誤却羨負犁翁閒  
策鳥健去

我有

我有數椽屋山水獨清幽澹雲直奇石密樹涵清流一磴  
冠雲表忽生萬壑秋家家足薯蕷不作稻梁謀牀頭新釀  
熟大白浮一甌高唱北溟篇安知萬古愁

壯士行

入山搏豺虎入水刺蛟螭奇氣無可試碌碌徒爾爲單于  
牧青海是我快意期豈云幸有事祇此忠悃思北風動地  
來紇干縱馬馳

故山歌

大麥黃小麥黃山地薯蕷山田秧荷鋤藪笠出門去樹中  
小憩雲中行樵子伐木聲許許山靈忽在對山語石徑羊  
腸一綫開牧童跨犢過岡來野花插鬢意詡詡短歌一曲  
青崖摧竭來山坳坐片刻四面松楸蔽天黑玄猿舔狡峩  
粵間黃麇跳躑危巒側白雲爲侶紫石朋科頭赤腳酣膏  
騰忽然解衣恣盤礴長嘯呼天天亦應皇路遙聞闔近上  
借槍掃埽幽憤從此結廬追黃綺底學俳優傅脂粉

雪中閒行

黑雲千里鎖玄關蕭蕭徹面驚風寒蜚廉滕六怒相鬪百  
琲明珠撒滿山清溪水淺石齒齒石罅驚出魚數尾山人  
緩步不知名矯首長空暮烟紫

黃巖集

卷二十九

詩內編

完

春日晚眺

暝色暗重門開軒見遠邨春山臨水斷高樹隔煙昏感事  
愁千縷舒懷酒一樽長歌遺興永乘醉讀招魂

月下散步

風動竹聲響霜寒花氣清虛庭夜岑寂皓魄散空明星自  
林端出雲從海底生迴廊行幾過頓覺一身輕

粵間寄楊馨山

雲爲伴  
白雲爲伴  
巖石爲伴  
巖石爲伴  
巖石爲伴  
巖石爲伴  
巖石爲伴  
巖石爲伴  
巖石爲伴  
巖石爲伴

懷人情興未曾降獨對青山倒酒缸楊柳烟中驕乳燕茶  
蘼花底吹村龍漫依短榻裁詩句思逐輕帆寓芷葦子雲  
亭畔春多否何日傾譚下碧窗

大琴子忠肅墓

山此墓巖山田螺荷嫩懷空出門去樹中

五夜倉皇啓紫宸，鷺鷥歌裏竟亡身。上皇已作新天子，魏闕難容舊老臣。時舛天能違耋叔，世移君亦哭孫申。西冷松柏蕭蕭路，長與鷗夷作比鄰。

秋感

的皪妖星照漢川，陰雲黑雨鬪蛟涎。塵氛夜蝕鍾山月，鳴鏑秋驚楚澤船。萬里中原餘殺氣，千年古壘試烽煙。青袍滿眼干戈甚，坐念殘民一惘然。

英華口號

俛仰乾坤百感生，高樓西北望孤城。河山涕泪空今古，關塞風塵半戰爭。公子太原留俠骨，英雄廣武浪傳名。唯當荷鍤荒原去，酌酒西風弔步兵。

畦菜菴詩草

黃巖集

卷二十九

詩內編

七

山居

蕭齋獵獵北風號，燈下牽裾拭佩刀。瀚海戰爭兵力悴，甘泉烽火聖心勞。安邊良將思三傑，秋雨荒庭誦六韜。好時英雄年最少，此生自愧壯懷高。

剡溪舟次

一重水外一重山，放棹清流翠巖間。桑柘隔煙人語近，前途知復幾多灣。

夜坐

可知上界碧雲寒，應有姮娥鑲黛看。涼露滿庭人小立，葡萄架下月闌干。

擬塵集

冀金簡

字錫申號玉笙諸生

秋興

我愛清秋好風光引興長閒花開舊圃新菓落危牆夜靜  
蟲聲急樓高燈影涼簾前明月白誤認雪為霜

暮春八仙巖玩月

煙靄黃昏翠四圍八仙巖上路依稀小樓燈暗人猶語古  
徑花香春未歸雨霽曠雲遮澹月夜深清露溼單衣經過  
禪院遊人少却笑山僧不掩扉

鳴山書院

山中最好暮春時謾笑來遊我獨遲今日我來遲更好滿  
山紅葉待題詩

玉笙詩草

楊輔廉

字古香諸生著四山樓詩草

黃巖集

卷二十九

詩內編

十一

十月望日偕友登太平頭

欲得雙眸豁登臨興偶然秋聲江樹裏僧影夕陽前溪淺  
魚堪數松高鶴穩眠徘徊凝眺久未忍遽言還

十一月十二夜作

寂寂書帷漏幾更唯聞簫鼓隔牆鳴月沈茅舍梅無影風  
撼蕉窗竹有聲北塞飛鴻驚夜語東鄰吠犬逐人行青燈  
坐久寒侵體霜逼園林落葉輕

水雲塘夜泊

雲淨天高月自明更闌寂寂動幽情江南江北人無語數  
點寒燈一雁橫

四山樓草

池

寅字奇映號半塘布衣

題程杏樓貳尹湖山策馬圖

嘯詠湖山幾度秋使君猶是白江州青衫紅袖尊前感畫  
舫吟鞭客裏遊泉石幽探三竺勝鶯花夢破六橋愁繪圖  
妙奪江郎艷尺幅煙雲筆底收

蘇堤柳色細描摹賭韻分箋擊唾壺昔我曾經垂釣地今  
君譜作卧遊圖酒香竹葉痕仍舊琴韻梅花調不孤管領  
湖山好煙景風波宦海到公無湖山策馬  
圖題咏

王維城

字廣權號枕泉布衣著秋雨排心草

秋夜有懷

關山雲樹望淒迷客路吟詩任品題領略片帆風定處月  
明深夜到清谿秋雨排心草

黃巖集

卷二十九

詩內編

圭

喻興雲

字西塘布衣著疎竹園詩草

暮春山行

谿路二三里茅檐四五家山翁鋤舊圃村婦賣新茶聽鳥  
嗟春晚看花忘日斜興闌翹首望高樹集昏鴉

客中作

城頭殘月砧聲急江上煙波客思深迹似浮雲無定態人  
如春雁有歸心疎竹園詩草

王會疇

字夔器號壽田海甯州學正

望紫阜二峯

驅車城東門斜日忽已晚舉頭見峯頂時有白雲偃塏影  
摩蒼穹峻嶒出疊巘秋風飛鳥過煙樹空山遠對此思悠

然無言欲忘返

剡谿舟中

昔向吳山去今從越水歸江村多白鳥一半落漁磯木葉  
隨流下灘聲帶雨飛若耶谿畔柳日夕更依依

常樂寺

一徑入松林空齋見道心鐘搖殘月落煙鎖暮山深佛語  
無凡想禽言有好音智公雲外去躡屐試追尋

挽韓月泉太守

彈文容易到金臺欲挽銀驄首重回楚畹蘭蓀終被放交  
州蕙政偶成猜病中校士猶爲力亂後勤民亦費才未識  
君恩竟何似蒼生曾祝使君來

黃巖集

卷二十九

詩內編

七

竟爾騎箕返帝鄉宦情謾思兩茫茫一官未遂尊鱸願萬  
戶空迎竹馬忙渤海鮫鯨終跋扈靈旗蜺隼想飛揚寒泉  
一勺何由薦我欲臨風問上蒼

借唐雪綸廣文鏡湖夜泛絕句

載酒閒吟興未孤雲山煙樹尙模糊他年秘監歸休日準  
向君王乞鑑湖

恒齋遺藁

黃巖集卷之二十九終

